

古今文綜

野居書齋



古今文綜 第六部 辭賦雜文之屬

第三十五冊

目錄

第一編 辭賦類

第一章 辭賦

(甲) 辭

漢武帝秋風辭

晉陶潛歸去來辭

宋蘇軾和歸去來兮辭

明宋濂廣漢難辭

明方孝孺誚伯牙辭

(乙) 騷

周屈原離騷

周宋玉招魂

周景差大招

漢揚雄反離騷

元袁桷廣招

(丙)賦

(一)古賦

(子)賦理

(金)詮理

周荀況禮賦

漢揚雄太玄賦

(石)論文

晉陸機文賦

清王蘇賦賦

(丑)賦物

(金)山水

晉木華海賦

清張惠言黃山賦

(石)京都

漢班固兩都賦二首

(絲)宮殿

漢王延壽魯靈光殿賦

唐杜牧阿房宮賦

(竹)苑囿

漢司馬相如子虛賦

漢司馬相如上林賦

漢揚雄長楊賦

(匏)祠廟

清董祐誠西嶽華山神廟賦

(土)物景

周荀況雲賦

宋謝惠連雪賦

宋謝莊月賦

北周庾信小園賦

(革)雜物

周荀況蠶賦

漢馬融長笛賦

漢禰衡鸚鵡賦

清李慈銘海棠賦

(寅)賦事

(金)行役

漢班彪北征賦

(石)遊覽

漢王粲登樓賦

宋蘇軾赤壁賦

宋蘇軾後赤壁賦

清李慈銘昆明湖望萬壽山賦

(卯)賦意

(金)寓言

周宋玉風賦

周宋玉高唐賦

周宋玉神女賦

魏曹植洛神賦

(石)情感

漢司馬相如長門賦

梁江淹恨賦

梁江淹別賦

宋歐陽修秋聲賦

(絲)哀弔

晉向秀思舊賦

晉潘岳悼亡賦

宋鮑照蕪城賦

北周庾信哀江南賦

清譚獻臨安懷古賦

(二)律賦

唐黃滔送君南浦賦

宋范仲淹金在鎔賦

古今文綜 第六部 辭賦雜文之屬

第三十五册

杭縣張 相讓錄

杭縣姚漢章閱訂

第一編 辭賦類

第一章 辭賦

辭本作詞。說文。詞。意內而言外也。釋名。詞。嗣也。令。譔。善言相續嗣也。詩有六義。其二曰賦。彥和云。賦者鋪也。鋪。采摛文。體物寫志也。屈子所作。通稱楚辭。劉向七略。列之賦家。則知辭之與賦。古實一物。宋子京有言。離騷爲辭賦祖。後人爲之。如至方不能加矩。至圓不能過規。章實齋云。賦家者流。源本詩騷。出入諸子。假設問對。則莊列之寓言。恢廓聲勢。則蘇張之縱橫。排比諧隱。則韓非之儲說。徵材聚事。則呂覽之類輯。是知文事總縮。厥惟辭賦。昔揚子雲。教桓譚。讀千首賦。近世曾滌生。

以文稱雄。要其得力。實在漢賦。六藝附庸。蔚成大國。彥和之言。不其亮與。

(甲)辭

漢武秋風。頗類詩歌。醇粹之體。惟淵明歸去辭耳。蕭選辭目。二文並

列。茲編宗之。從其朔也。大抵古今文士。善摛辭者。咸趨騷壇。此之所存。殊不多觀。錄文共五首。

漢武帝秋風辭

上行幸河東。祠后土。顧視帝京。欣然中流。與羣臣飲燕。上歡甚。乃自作秋風辭。曰。秋風起兮。白雲飛。草木黃落兮。鴈南歸。蘭有秀兮。菊有芳。攜佳人兮。不能忘。泛樓船兮。濟汾河。橫中流兮。揚素波。簫鼓鳴兮。發棹歌。歡樂極兮。哀情多少。壯幾時兮。奈老何。

晉陶潛歸去來辭

歸去來兮。田園將蕪。胡不歸。既自以心爲形役。奚惆悵而獨悲。悟已往之不諫。知來者之可追。寔迷途其未遠。覺今是而昨非。舟遙遙以輕颺。風飄飄而吹衣。問征

夫以前路恨晨光之熹微。乃瞻衡宇載欣載奔。僮僕歡迎。稚子候門。三逕就荒。松菊猶存。攜幼入室。有酒盈樽。引壺觴以自酌。眄庭柯以怡顏。倚南窗以寄傲。審容膝之易安。園日涉以成趣。門雖設而常關。策扶老以流憩。時矯首而遐觀。雲無心以出岫。鳥倦飛而知還。景翳翳以將入。撫孤松而盤桓。歸去來兮。請息交以絕游。世與我而相遺。復駕言兮焉求。悅親戚之情話。樂琴書以消憂。農人告余以春及。將有事乎西疇。或命巾車。或棹孤舟。既窈窕以尋壑。亦崎嶇而經邱。木欣欣以向榮。泉涓涓而始流。善萬物之得時。感吾生之行休。已矣乎。寓形宇內復幾時。曷不委心任去留。胡爲遑遑欲何之。富貴非吾願。帝鄉不可期。懷良辰以孤往。或植杖而耘耔。登東臯以舒嘯。臨清流而賦詩。聊乘化以歸盡。樂夫天命復奚疑。

宋蘇軾和歸去來兮辭

有序

子瞻謫居昌化。追和淵明歸去來辭。蓋以無何有之鄉爲家。雖在海外。未嘗不歸云爾。

歸去來兮。吾方南遷。安得歸臥江海之澗洞。弔鼓角之悽悲。迹泥蟠而愈深。時電往而莫追。懷西南之歸路。夢良是而覺非。悟此生之何常。猶寒暑之異衣。豈襲裘而念葛。蓋得輜而喪微。我歸甚易。匪馳匪奔。俯仰還家。下馬闔門。藩垣雖闕。堂室故存。挹我天醴。注之窪樽。飲月露以洗心。餐朝霞而眩顏。混客主以爲一。俾婦姑之相安。知盜竊之何有。乃培門而折關。廓圓鏡以外照。納萬象而中觀。治廢井以晨汲。滌百泉之夜還。守靜極以日作。時爵躍而鮑桓。歸去來兮。請終老於斯游。我先人之弊廬。復舍此而焉求。均海南與漠北。挈往來而無憂。畸人告余以一言。非八卦與九疇。方飢須糧。已濟無舟。忽人牛之皆喪。但喬木與高邱。驚六用之無成。自一根之反流。望故家而求息。曷中道而三休。已矣乎。吾生有命。歸有時。我初無行。亦無留。駕言隨子。聽所之。豈以師南華而廢從安期。謂易稼之終枯。遂不漑而不耔。師淵明之雅放。和百篇之新詩。賦歸來之清引。我其後身。蓋無疑。

明宋濂廣漢難辭

有序

難。古禮也。周人三時皆行之。春冬之季難。難陰氣也。仲秋之月難。難陽氣也。氣或佚。厲將乘之。爲災。故難以止焉。其制命方相氏帥百隸。索室區疫以逐之。又磔牲以禳四方之神。漢襲周制而其儀加詳。選中黃門子弟百二十人爲侏子。赤幘皂制執鼗。方相黃金四目。蒙熊皮。玄衣朱裳。執戈揚盾。十二獸有衣毛骨。中黃門行之。冗從僕射將之。以逐惡鬼於禁中。夜漏上水。朝臣會侍中尙書御史謁者虎賁羽林郎將執事。皆赤幘陞衛乘輿御前殿。黃門令奏曰。侏子請備逐疫。於是中黃門倡侏子和其辭。凡八十言。繼作方相與十二獸。儻呼徧前後省者三。持炬火送疫出端門。門外騎士以次傳火。棄雒水中。自漢至今。朝廷之難。雖廢而民間猶有存者。先臘一日。巷氓社隸。飾鬼神貌。御五色龍虎文衣。巡門擊鼓而難之。予惡其言鄙褻。因疏古者用難之意。復廣漢辭使習焉。其辭曰。

陽陰乘化。左右而行。日歷昴畢。得積屍大陵。其氣勃芒。更涉虛危墳墓。西司鬼官攸房。厲附強陰。而降於釁殃。咨爾十二神。宣其威良。森突劍亢。腓胃食虎。甲作食。

死。雄。伯。食。彪。騰。簡。食。不。祥。攬。諸。食。咎。伯。奇。食。夢。祖。明。強。梁。共。食。磔。死。寄。生。委。隨。食。
觀。錯。斷。食。巨。刳。其。腎。腸。窮。奇。騰。根。同。享。於。蠱。毋。使。害。傷。咨。爾。十。二。神。鍛。爾。戎。兵。出。
輒。四。方。吮。厲。之。益。以。代。酒。漿。解。厲。之。肌。以。充。糗。糧。絲。厲。之。臄。織。以。爲。衣。裳。斥。除。慝。
陰。暢。回。明。陽。乾。坤。載。清。物。楸。民。印。惟。爾。神。之。功。神。或。不。覆。上。帝。是。明。急。急。如。律。令。
明。方。孝。孺。誚。伯。牙。辭。有序

世。傳。伯。牙。事。予。嘗。以。爲。陋。矣。及。張。文。潛。爲。賦。哀。之。其。辭。信。美。而。其。義。猶。陋。也。予。是。
以。讀。而。鄙。之。因。爲。辭。誚。伯。牙。且。以。正。張。子。之。陋。其。辭。曰。
戰。國。之。士。好。夸。嗜。毗。恆。詭。實。以。求。合。不。顧。人。之。是。非。於。斯。時。也。求。自。重。而。違。世。者。
嗟。吾。舍。子。而。稱。誰。然。於。子。有。憾。焉。蓋。惜。子。爲。藝。也。善。而。爲。識。也。卑。君。子。之。學。自。行。
而。已。苟。予。中。之。有。樂。遑。卹。世。之。慍。喜。感。子。期。之。見。知。遂。絕。絃。於。既。死。悲。乎。陋。哉。子。
之。志。也。知。子。一。人。不。知。舉。世。使。夫。人。能。識。子。則。何。名。爲。絕。藝。俚。歌。巷。語。嬰。孩。啟。齒。
惟。其。不。知。乃。爲。至。貴。子。之。不。幸。子。期。是。值。忘。子。之。惡。舉。子。之。愛。俾。爾。望。於。人。也。過。

深。而。得。於。天。者。不。至。子。誠。有。以。自。適。天。地。日。月。草。木。庶。類。舉。目。欣。然。皆。識。子。意。苟。爲。不。得。雖。子。期。接。踵。譽。言。盈。耳。亦。何。預。於。吾。子。且。夫。全。於。天。者。不。求。合。於。人。志。乎。遠。者。不。取。效。於。邇。嗟。伯。牙。乎。爾。曷。不。以。萬。物。爲。一。身。以。太。虛。爲。知。己。等。毀。譽。於。浮。說。而。游。心。乎。沖。漠。之。鄉。下。治。乎。無。窮。上。泝。乎。無。始。以。與。無。耳。者。聽。無。言。者。語。奚。爲。栖。栖。焉。隘。狷。而。可。鄙。此。藝。之。所。以。爲。小。技。而。予。固。不。足。與。聞。乎。此。也。耶。

(乙) 騷

離騷之意猶言離憂以騷爲目單詞不立且楚辭之中騷其一篇統

目爲騷亦嫌弗措然彥和有辨騷之篇單辭曰騷沿稱已舊辨騷所引并及九歌九辯天問遠遊諸文蕭樓所錄亦復同揆則騷爲共名又其先例茲姑從之云爾錄文五首

周屈平離騷

帝高陽之苗裔兮。朕皇考曰伯庸。攝提貞於孟陬兮。惟庚寅吾以降。皇覽揆余於初度兮。肇錫余以嘉名。名余曰正則兮。字余曰靈均。紛吾既有此內美兮。又重之

以修能。扈江蘿。與辟芷兮。紉秋蘭。以爲佩。汨余若將不及兮。恐年歲之不吾與。朝
 搴阰之木蘭兮。夕攬洲之宿莽。日月忽其不淹兮。春與秋其代序。惟草木之零落
 兮。恐美人之遲暮。不撫壯而棄穢兮。何不改乎此度也。乘騏驥以馳騁兮。來吾導
 夫先路。昔三后之純粹兮。固衆芳之所在。雜申椒與菌桂兮。豈惟紉夫蕙茝。彼堯
 舜之耿介兮。既遵道而得路。何桀紂之昌披兮。夫惟捷徑以窘步。惟黨人之偷樂
 兮。路幽昧以險隘。豈余身之憚殃兮。恐皇輿之敗績。忽奔走以先後兮。及前王之
 踵武。荃不察余之中情兮。反信讒而齊怒。余固知謇謇之爲患兮。忍而不能舍也。
 指九天以爲正兮。夫惟靈修之故也。初既與余成言兮。後悔遁而有佗。余既不難
 夫離別兮。傷靈修之數化。余既滋蘭之九畹兮。又樹蕙之百畝。畦留夷與揭車兮。
 雜杜蘅與芳芷。冀枝葉之峻茂兮。願蒞時乎吾將刈。雖萎絕其亦何傷兮。哀衆芳
 之蕪穢。衆皆競進以貪婪兮。憑不厭乎求索。羌內恕己以量人兮。各興心而嫉妒。
 忽馳騫以追逐兮。非余心之所急。老冉冉其將至兮。恐修名之不立。朝飲木蘭之

墜露兮夕餐。秋菊之落英。苟余情其信姱。以練要兮。長願頷亦何傷。擊木根以結
茵兮。貫薜荔之落蘂。矯菌桂以紉蕙兮。索胡繩之纏纏。謇吾法夫前修兮。非時俗
之所服。雖不周於今之人兮。願依彭咸之遺則。長太息以掩涕兮。哀人生之多艱。
余雖好修姱。以鞿羈兮。謇朝諝而夕替。既替余以蕙纁兮。又申之以攬茝。亦余心
之所善兮。雖九死其猶未悔。怨靈修之浩蕩兮。終不察夫人心。衆女嫉余之蛾眉
兮。謠詠謂余以善淫。固時俗之工巧兮。偃規矩而改錯。背繩墨以追曲兮。競周容
以爲度。屯鬱悒。余侘傺兮。吾獨窮困乎此時也。寧溘死以流亡兮。余不忍爲此態
也。鷲鳥之不羣兮。自前代而固然。何方圓之能周兮。夫孰異道而相安。屈心而抑
志兮。忍尤而攘詬。伏清白以死直兮。固前聖之所厚。悔相道之不察兮。延佇乎吾
將反。迴朕車以復路兮。及行迷之未遠。步余馬於蘭皋兮。馳椒邱且焉止息。進不
入以離尤兮。退將復修吾初服。製芰荷以爲衣兮。美芙蓉以爲裳。不吾知其亦已
兮。苟余情其信芳。高余冠之岌岌兮。長余佩之陸離。芳與澤其雜糅兮。唯昭質其

猶未虧。忽反顧。以游目兮。將往觀乎。四荒。佩纒紛其繁飾兮。芳菲菲其彌章。人生各有所樂兮。余獨好修。以爲常。雖體解。吾猶未變兮。豈予心之可懲。女嬃之嬋媛兮。申申其詈予。曰鮫婞直以亡身兮。終然天乎羽之野。汝何博謔而好修兮。紛獨有此姘節。蕢葦蒹以盈室兮。判獨離而不服。衆不可戶說兮。孰云察余之中情。世並舉而好朋兮。夫何煢獨而不予聽。依前聖之節中兮。喟憑心而歷茲。濟沅湘以南征兮。就重華而陳辭。啟九辯與九歌兮。夏康娛以自縱。不顧難以圖後兮。五子用失乎家巷。羿淫游以佚田兮。又好射夫封狐。固亂流其鮮終兮。泥又貪夫厥家。澆身被服彊圉兮。縱欲而不忍。日康娛以自忘兮。厥首用夫顛隕。夏桀之常違兮。乃遂焉而逢殃。后辛之菹醢兮。殷宗用之不長。湯禹嚴而祇敬兮。周論道而莫差。舉賢而授能兮。循繩墨而不頗。皇天無私阿兮。覽民德焉錯輔。夫維聖哲以茂行兮。苟得用此下土。瞻前而顧後兮。相觀民之計極。夫孰非義而可用兮。孰非善而可服。阼余身而危死兮。覽余初其猶未悔。不量鑿而正柄兮。固前修以菹醢。曾獻

歎余鬱悒兮哀朕時之不當。擊茹蕙以掩涕兮。霑余襟之浪浪。跪敷衽以陳辭兮。耿吾旣得此中正。駟玉虬以乘鷖兮。溘埃風余上征。朝發軔於蒼梧兮。夕余至乎縣圃。欲少留此靈瓊兮。日忽忽其將暮。吾令羲和弭節兮。望崦嵫而勿迫。路漫漫其修遠兮。吾將上下而求索。飲余馬於咸池兮。總余轡乎扶桑。折若木以拂日兮。聊須臾以相羊。前望舒使先驅兮。後飛廉使奔屬。鸞皇爲余先戒兮。雷師告余以未具。吾令鳳皇飛騰兮。又繼之以日夜。飄風屯其相離兮。帥雲霓而來御。紛總總其離合兮。班陸離其上下。吾令帝閭開關兮。倚閭闔而望予。時曖曖其將罷兮。結幽蘭而延佇。世溷濁而不分兮。好蔽美而嫉妒。朝吾將濟於白水兮。登閬風而緜馬。忽反顧以流涕兮。哀高邱之無女。溘吾游此春宮兮。折瓊枝以繼佩。及榮華之未落兮。相下女之可賂。吾令豐隆乘雲兮。求處妃之所在。解佩纒以結言兮。吾令蹇修以爲理。紛總總其離合兮。忽緯繡其難遷。夕歸次於窮石兮。朝濯髮乎洧槃。保厥美以驕傲兮。日康娛以淫游。雖信美而無禮兮。來違棄而改求。覽相觀於四

極兮。周流乎天。余乃下。望瑤臺之偃蹇兮。見有娥之佚女。吾令鳩爲媒兮。鳩告余以不好。雄鳩之鳴逝兮。余猶惡其佻巧。心猶豫而狐疑兮。欲自適而不可。鳳皇既受詒兮。恐高辛之先我。欲遠集而無所止兮。聊浮游以逍遙。及少康之未家兮。留有虞之二姚。理弱而媒拙兮。恐導言之不固。時溷濁而嫉賢兮。好蔽美而稱惡。閨中既以遂遠兮。哲王又不寤。懷朕情而不發兮。余焉能忍與此終古。索瓊茅以筮簞兮。命靈氛爲余占之。曰兩美其必合兮。孰信修而慕之。思九州之博大兮。豈唯是其有女。曰勉遠逝而無狐疑兮。孰求美而釋汝。何所獨無芳草兮。爾何懷乎。故宇。世幽昧以眩曜兮。孰云察余之美惡。人好惡其不同兮。惟此黨人其獨異。戶服艾以盈要兮。謂幽蘭其不可佩。覽草木其猶未得兮。豈理美之能當。蘇糞壤以充幃兮。謂申椒其不芳。欲從靈氛之吉占兮。心猶豫而狐疑。巫咸將夕降兮。懷椒糈而要之。百神翳其備降兮。九疑繽其並迎。皇剡剡其揚靈兮。告余以吉故。曰勉升降以上下兮。求矩矱之所同。湯禹儼而求合兮。摯皋繇而能調。苟中情其好修

兮。何必用夫行媒。說操築於傅巖兮。武丁用而不疑。呂望之鼓刀兮。遭周文而得舉。寧戚之謳歌兮。齊桓聞以該輔。及年歲之未晏兮。時亦猶其未央。恐鶉鳩之先鳴兮。使百草爲之不芳。何瓊珮之偃蹇兮。衆蔓然而蔽之。惟此黨人之不亮兮。恐嫉妒而折之。時繽紛其變易兮。又何可以淹留。蘭芷變而不芳兮。荃蕙化而爲茅。何昔日之芳草兮。今直爲此蕭艾也。豈其有他故兮。莫好修之害也。余以蘭爲可恃兮。羌無實而容長。委厥美以從俗兮。苟得列乎衆芳。椒專佞以慢詔兮。椒又欲充其佩幃。旣干進而務入兮。又何芳之能祇。固時俗之從流兮。又孰能無變化。覽椒蘭其若茲兮。又況揭車與江離。惟茲佩之可貴兮。委厥美而歷茲。芳菲菲而難虧兮。芬至今猶未沫。和調度以自娛兮。聊浮游而求女。及余飾之方壯兮。周流觀乎上下。靈氛旣告余以吉占兮。歷吉日乎。吾將行。折瓊枝以爲羞兮。精瓊爨以爲粢。爲余駕飛龍兮。雜瑤象以爲車。何離心之可同兮。吾將遠逝以自疏。邇吾道夫崑崙兮。路修遠以周流。揚雲霓之晻藹兮。鳴玉鸞之啾啾。朝發軔於天津兮。夕余

至乎西極。鳳皇翼其承旂兮。高翱翔之翼翼。忽吾行此流沙兮。遵赤水而容與。靡蛟龍使梁津兮。詔西皇使涉予路。修遠以多艱兮。騰衆車使徑待路。不周以左轉兮。指西海以爲期。屯余車其千乘兮。齊玉軼而並馳。駕八龍之婉婉兮。載雲旗之委移。抑志而弭節兮。神高馳之邈邈。奏九歌而舞韶兮。聊假日以媮樂。陟升皇之赫戲兮。忽臨睨夫舊鄉。僕夫悲余馬懷兮。蜷局顧而不行。亂曰。已矣哉。國無人莫我知兮。又何懷乎。故都既莫足與爲美政兮。吾將從彭咸之所居。

周宋玉招魂

朕幼清以廉潔兮。身服義而未沫。主此盛德兮。牽於俗而蕪穢。上無所考此盛德兮。長離殃而愁苦。帝告巫陽曰。有人在下。我欲輔之。魂魄離散。汝筮予之。巫陽對曰。掌夢。上帝其命難從。若必筮予之。恐後謝之。不能復用。巫陽焉。乃下。招曰。魂兮歸來。去君之恆幹。何爲兮。四方些。舍君之樂處。而離彼不祥些。魂兮歸來。東方不可以託些。長人千仞。惟魂是索些。十日代出。流金鑠石些。彼皆習之。魂往必釋些。

歸來歸來不可以託些。魂兮歸來南方不可以止些。雕題黑齒得人肉而祀以其骨爲醢些。蝮蛇秦秦封狐千里些。雄虺九首往來儵忽吞人以益其心些。歸來歸來不可久淫些。魂兮歸來西方之害流沙千里些。旋入雷淵糜散而不可止些。幸而得脫其外曠宇些。赤蟻若象玄蠶若壺些。五穀不生叢菅是食些。其土爛人求水無所得些。彷徨無所倚廣大無所極些。歸來歸來恐自遺賊些。魂兮歸來北方不可以止些。增冰峨峨飛雪千里些。歸來歸來不可以久些。魂兮歸來君無上天些。虎豹九關啄害下人些。一夫九首拔木九千些。豺狼從目往來侏侏些。懸人以嬉投之深淵些。致命於帝然後得瞑些。歸來歸來往恐危身些。魂兮歸來君無下此幽都些。土伯九約其角鬻鬻些。敦脈血拇逐人駸駸些。參目虎首其身若牛些。此皆甘人歸來歸來恐自遺災些。魂兮歸來入修門些。工祝招君背行先些。秦篝齊縷鄭縣絡些。招具該備永嘯呼些。魂兮歸來反故居些。天地四方多賊姦些。像設君室靜閒安些。高堂邃宇檻層軒些。層臺累榭臨高山些。網戶朱綴刻方連些。

冬有突。夏夏室寒些。川谷徑復。流潺湲些。光風轉蕙。泛崇蘭些。經堂入奧。朱塵筵些。砥室翠翹。絃曲瓊些。翡翠珠被。爛齊光些。翦阿拂壁。羅幃張些。纂組綺縞。結琦璜些。室中之觀。多珍怪些。蘭膏明燭。華容備些。二八侍宿。射遞代些。九侯淑女。多迅衆些。盛鬋不同制。實滿宮些。容態好比。順彌代些。弱顏固植。謗其有意些。姱容修態。絢洞房些。蛾眉曼睩。目騰光些。靡顏膩理。遺視矚些。離榭修幕。侍君之閒些。翡翠翠幃。飾高堂些。紅壁沙版。玄玉之梁些。仰觀刻桷。畫龍蛇些。坐堂伏檻。臨曲池些。芙蓉始發。雜芰荷些。紫莖屏風。文緣波些。文異豹飾。侍陂陀些。軒轅既低。步騎羅些。蘭薄戶。樹瓊木籬些。魂兮歸來。何遠爲些。室家遂宗。食多方些。稻粢穞麥。挈黃粱些。大苦鹹酸。辛甘行些。肥牛之臠。膳若芳些。和酸若苦。陳吳羹些。脯鼈炮羔。有柘漿些。鵠酸臠臠。煎鴻鶻些。露雞臠蟪。厲而不爽些。粃粒蜜餌。有餒餽些。瑤漿蜜勺。實羽觴些。挫糟凍飲。酎清涼些。華酌既陳。有瓊漿些。歸來歸來。反故室敬。而無妨些。肴羞未通。女樂羅些。陳鐘按鼓。造新歌些。涉江採菱。發揚荷些。美人既

醉朱顏。酖些。娛光眇。視目曾波些。被文服。纖麗而不奇些。長髮曼鬢。豔陸離些。二
八齊容。起鄭舞些。衽若交竿。撫案下些。竽瑟狂會。擷鳴鼓些。宮庭震驚。發激楚些。
吳歛蔡謳。奏大呂些。士女雜坐。亂而不分些。放陳組纓。班其相紛些。鄭衛妖玩。來
雜陳些。激楚之結。獨秀先些。篔蔽象棊。有六箒些。分曹並進。適相迫些。成臯而牟。
呼五白些。晉制犀比。費白日些。鏗鐘搖籥。楔梓瑟些。娛酒不廢。沈日夜些。蘭膏明
燭。華鐙錯些。結撰至思。蘭芳假些。人有所極。同心賦些。耐飲既盡。歡樂先故些。魂
兮歸來。反故居些。亂曰。獻歲發春兮。汨吾南征。葦蕕齊葉兮。白芷生路。貫廬江兮。
左長薄。倚沼畦瀛兮。遙望博青。驪結駟兮。齊千乘。懸火延起兮。玄顏蒸步。及驟處
兮。誘騁先抑。驚若通兮。引車右還。與王趨夢兮。課後先君。王親發兮。憚青兕。朱明
承夜兮。時不可淹。皋蘭被徑兮。斯路漸湛。湛江水兮。上有楓。目極千里兮。傷春心
魂兮。歸來哀江南。

周景差大招

青○春○受○謝○白○日○招○只○春○氣○奮○發○萬○物○遽○只○冥○淩○浹○行○魂○無○逃○只○魂○魄○歸○來○無○遠○遙○
只○魂○乎○歸○來○無○東○無○西○無○南○無○北○只○東○有○大○海○溺○水○洑○洑○只○螭○龍○並○流○上○下○悠○悠○
只○霧○雨○淫○淫○白○皓○膠○只○魂○乎○無○東○湯○谷○寂○寥○只○魂○乎○無○南○南○有○炎○火○千○里○蝮○蛇○涎○
只○山○林○險○隘○虎○豹○蜿○只○蝮○鱗○短○狐○王○虺○騫○只○魂○乎○無○南○虻○傷○躬○只○魂○乎○無○西○西○方○
流○沙○漭○洋○洋○只○豕○首○縱○目○被○髮○鬢○只○長○爪○踞○牙○諛○笑○狂○只○魂○乎○無○西○多○害○傷○只○魂○
乎○無○北○北○有○寒○山○遑○龍○絕○只○代○水○不○可○涉○深○不○可○測○只○天○白○顛○顛○寒○凝○凝○只○魂○乎○
無○往○盈○北○極○只○魂○魄○歸○來○閒○以○靜○只○自○恣○荆○楚○安○以○定○只○逞○志○究○欲○心○意○安○只○窮○
身○永○樂○年○壽○延○只○魂○乎○歸○來○樂○不○可○言○只○五○穀○六○仞○設○菰○梁○只○鼎○臠○盈○望○和○致○芳○
只○內○鷓○鴒○鷓○味○豺○羹○只○魂○乎○歸○來○恣○所○嘗○只○鮮○蠃○甘○雞○和○楚○酪○只○醢○豚○苦○狗○膾○苴○
蓴○只○吳○酸○蒿○蕪○不○沾○薄○只○魂○乎○歸○來○恣○所○擇○只○炙○鴟○烝○鳧○鮎○鶉○隼○只○煎○鱖○臠○雀○遽○
爽○存○只○魂○乎○歸○來○麗○以○先○只○四○酎○并○孰○不○踴○隘○只○清○馨○凍○飲○不○歡○役○只○吳○醴○白○蘖○
和○楚○瀝○只○魂○乎○歸○來○不○遽○惕○只○代○秦○鄭○衛○鳴○竽○張○只○伏○戲○駕○辯○楚○勞○商○只○謳○和○揚○

阿趙簫倡只魂乎歸來定空桑只二八接武投詩賦只叩鐘調磬娛人亂只四上
競氣極聲變只魂乎歸來聽歌謔只朱脣皓齒嫵以媵只比德好閒習以都只豐
肉微骨調以娛只魂乎歸來安以舒只媢目宜笑娥眉曼只容則秀雅穉朱顏只
魂乎歸來靜以安只媵修滂浩麗以佳只曾頰倚耳曲眉規只滂心綽態姣麗施
只小腰秀頸若鮮卑只魂乎歸來思怨移只易中和心以動作只粉白黛黑施芳
澤只長袂拂面善留客只魂乎歸來以娛昔只青色直眉美目嫵只靨輔奇牙宜
笑鳴只豐肉微骨體便媚只魂乎歸來恣所便只夏屋廣大沙堂秀只南房小壇
觀絕雷只曲屋步櫺宜擾畜只騰駕步遊獵春囿只瓊轂錯衡英華假只茵蘭桂
樹鬱彌路只魂乎歸來恣志處只孔雀盈園畜鸞皇只鷓鴣羣晨雜鴉鷓只鴻鵠
代遊曼鸕鷀只魂乎歸來鳳皇翔只曼澤怡面血氣盛只永宜厥身保壽命只室
家盈廷爵祿盛只魂乎歸來居室定只接徑千里出若雲只三圭重侯聽類神只
察篤天隱孤寡存只魂乎歸來正始昆只田邑千畛人阜昌只美冒衆流德澤章

只先威後文善美明只魂乎歸來賞罰當只名聲若日照四海只德譽配天萬民
理只北至幽陵南交趾只西薄羊腸東窮海只魂乎歸來尙賢士只發政獻行禁
苛暴只舉傑壓陞誅譏罷只直贏在位近禹麾只豪傑執政流澤施只魂乎來歸
國家爲只雄雄赫赫天德明只三公穆穆登降堂只諸侯畢極立九卿只昭質旣
設大侯張只執弓挾矢揖辭讓只魂乎來歸尙三王只

漢揚雄反離騷

有周氏之嬋媯兮。或鼻祖於汾隅。靈宗初諫伯僑兮。流于末之楊侯。淑周楚之豐
烈兮。超旣離虜。皇波因江潭而泄。記兮。欽弔楚之湘纍。惟天軌之不辟兮。何純絜
而離紛紛。紛纍以其洩。忍兮。暗纍以其續。紛漢十世之陽朔兮。招搖紀於周正。正皇
天之清則兮。度后土之方貞。圖纍承彼洪族兮。又覽纍之昌辭。帶鈎矩而佩衡兮。
屢機槍以爲綦。纍初貯厥麗服兮。何文肆而質難。資姬娃之珍鬢兮。鬻九戎而索
賴。鳳皇翔於蓬階兮。豈鴛鵝之能捷。騁驕驢以曲。蕙兮。驢騾連蹇而齊足。枳棘之

榛榛兮。蜮豺擬而不敢下。靈修既信。椒蘭之暖。佞兮。吾纍忽焉。而不蚤睹。衿芟茄之綠衣兮。被夫容之朱裳。芳酷烈而莫聞兮。固不如襞而幽之離房。閨中容競。淖約兮。相態以麗佳。知衆媼之嫉妒兮。何必颺纍之蛾眉。懿神龍之淵潛兮。埃慶雲而將舉。亡春風之被離兮。孰焉知龍之所處。愍吾纍之衆芬兮。颺燁燁之芳苓。遭季夏之凝霜兮。慶天頽而喪榮。橫江湘以南。淮兮。云走乎彼蒼。吾馳江潭之汎溢兮。將折衷。虜重華。舒中情之煩。或兮。恐重華之不纍。與陵陽侯之素波兮。豈吾纍之獨見。許精瓊。廕與秋菊兮。將以延夫天年。臨汨羅而自隕兮。恐日薄於西山。解扶桑之總轡兮。縱令之遂奔馳。鸞皇騰而不屬兮。豈獨飛廉與雲師。卷薜芷與若蕙兮。臨湘淵而投之。楸申椒與菌桂兮。赴江湖而漚之。費椒稭以要神兮。又勤索彼瓊茅。違靈氛而不從兮。反湛身於江臬。纍既狎。夫傳說兮。奚不信而遂行。徒恐鷓鴣之將鳴兮。顧先百草爲不芳。初纍棄彼慮妃兮。更思瑤臺之逸女。擘雄鳩以作媒兮。何百離而曾不壹耦。乘雲輓之旖旎兮。望昆侖以穆流。覽四荒而顧懷兮。

奚必云女彼高邱。既亡鸞車之幽藹兮。焉駕八龍之委蛇。臨江瀕而掩涕兮。何有九招與九歌。夫聖哲之不遭兮。固時命之所有。雖增欷以於邑兮。吾恐靈修之不。曩改昔仲尼之去魯兮。萋萋遲遲而周邁。終回復於舊都兮。何必湘淵與濤瀨。漁父之舖歎兮。絜沐浴之振衣。棄由聘之所珍兮。蹠彭咸之所遺。

元袁桷廣招

深寧先生乘虬上征。江海殄瘁。湘纍遺痛。千戰猶一日也。柳車爰行。瞻望永隔。門人袁桷竊取宋玉招魂述廣招以反其義。其詞曰。

竊獨悲此翳濁兮。身鞠慙而莫明。服三后之貞則兮。秉忠純以內兢。繩古義以自抗兮。懷微躬之莫勝。懼天命之不吾與兮。晚更號以深寧。委靈魄於玄宅兮。挾精神以上征。重華慘其無容兮。矚下矩之險隘。侈九夷之曠邈兮。申前聖之遺戒。一去而莫返兮。八靈孰能以震賊。乃命小臣戴縱秉旄。注精高冥而下招曰。茫茫封邱。鬻豕萃只炳。靈奔飛杳交會。只嬋媯清芬孰返。旆只縱橫幽房。雜厖怪只魂兮。

歸來其益以駭只東門熒煌平蕪層陰只靈宮紫芝萎以泯只流鈴搖空訴夸淫
只玄蛇蒼鼠若擾馴只魂兮歸來激越吟只蹠躩蹂躪白蟬飛只滅方鑿迂傳致
以肥只鬪青綴白眩纖奇只折楊黃華司體儀只魂兮歸來彼相疑只沃隰修吟
鞠薺茂只狂夫冶游胡憎後只南山白石曷以永年只式攝其薇悵周原只歸來
歸來其孰能麻魂只愁雲旋宇陰籟振幕只素空霏塵清晝激雹只虎雌黃目屏
陳設只精鑿後置燼蠹施張只伊鳴仰天雜倡狂只甘脰恣睢禮不可防只魂兮
歸來悉無以當只魂兮乘桴登瀛壖只海觀日浴爛紅殷只皙容長裾襲古先只
漆書竹簡遂研鑽只崑崙穹隆疑有至人只妙顏紫韃休德日新只吐珍納和與
道爲鄰只彫題祝髮禮讓興仁只桂蠹咀吞味芳辛只幽蘅嘉芷佩孔文只相羊
湘纍臍若存只承挹清塵徘徊翩翩只天光淳耀會弁森扈只肅容展威受多祐
只斬几破觚斯黃輔只龍圖昭回布高矩只開陰蔽陽庶類蕃嘉只捫歷箕尾建
崇牙只翦理姦巫靜無譁只照示下土循義媧只河公海神魂以迅只貝宮鮫室

祕怪雜孕只瓊英琪柯錯繡紛只鞭龍誅蛟霈澤澁潤只魂兮遠游戢凌紊只揚歌舒嘯化幽憤只重日嗟所思之不得見兮儼冰雪之遺容緊遲遲而容與兮松柏日其蔥蘢悵幢帷之咫尺兮長虬脫焉以追風脫塵居之險艱兮捨崇蘭之新封墳篋迭其和奏兮聯雲車以陪乘粲琳琅之遺編兮俾泯絕之足證匪離羣以自絜兮誠不忍夫驚騁超整駕以言從兮懼見譏乎後聖揖虛漠而言旋兮耕書田以振厲諒神明不吾欺兮庶終承乎嘉惠千秋兮靡長白雲兮相望魂兮歸來其毋我忘。

(丙)賦

方望子文章緣起補注大約以古賦至六朝變而爲俳唐人再變而爲律宋人又再變而爲文賦之爲體凡有四名然律賦別具體裁曰古曰俳曰文疆界之分殊難類畫茲因統以兩目一曰古賦一曰律賦云。

(一)古賦

賦之分類約有兩途一曰分家一曰分體皋聞七十家賦鈔源流本末條舉件繫法劉向之詩賦略此分家之爲也昭明太子撰錄文選京都

郊祀諸目。部居不雜。此分體之爲也。惜抱謂文選分體碎雜。立名多有可笑。茲編義取梳導。無寧分體。上師蕭樓。特曰志曰情。言之不順。從長棄短。又其所矣。爰分爲四。曰賦理。曰賦物。曰賦事。曰賦意。彥和所譏。讀千賦而愈惑。體要者。庶其免諸。

(子)賦理

彥和論賦有云。麗詞雅義。符采相勝。則賦理尙焉。凡此之作。

可分二目。

(金)詮理

錄二首。

周荀況禮賦

爰有大物。非絲非帛。文理成章。非日非月。爲天下明。生者以壽。死者以葬。城郭以固。三軍以強。粹而王。駁而伯。無一焉而亡。臣愚不識。敢請之王。王曰。此夫文而不采者。與簡而易知。而致有理者。與君子所敬。而小人所不者。與性不得。則若禽獸性得之。則甚雅似者。與匹夫隆之。則爲聖人。諸侯隆之。則一四海者。與致明而約。

甚順而體請歸之禮。

漢揚雄太玄賦

觀大易之損益兮。覽老氏之倚伏。省憂喜之共門兮。察吉凶之同域。噉噉著乎日月兮。何俗聖之暗燭。豈愒寵以冒災兮。將噬臍之不及。若飄風不終朝兮。驟雨不終日。雷隱隱而輒息兮。火猶熾而速滅。自夫物有盛衰兮。況人事之所極。奚貪婪於富貴兮。迄喪躬而危族。豐盈禍所棲兮。名譽怨所集。薰以芳而致燒兮。膏含肥而見炳。翠羽嫩而殃身兮。蚌含珠而擘裂。聖作典以濟時兮。驅蒸民而入甲。張仁義以爲綱兮。懷忠貞以矯俗。指尊選以誘世兮。疾身歿而名滅。豈若師由聃兮。執玄靜於中谷。納僞祿於江淮兮。楫松喬於華岳。升崑崙以散髮兮。踞弱水而濯足。朝發軔於流沙兮。夕翱翔乎碣石。忽萬里而一頓兮。過列仙以託宿。役青要以承戈兮。舞馮夷以作樂。聽素女之清聲兮。觀宓妃之妙曲。茹芝英以禦飢兮。飲玉醴以解渴。排閭闔以窺天庭兮。騎騂驄以踟躕。載羨門與儷游兮。永覽周乎八極。亂

日甘餌含毒難數嘗兮麟而可羈近犬羊兮鸞鳳高翔戾青雲兮不掛網羅固足
珍兮斯錯位極離大戮兮屈子慕清葬魚腹兮伯姬曜名焚厥身兮孤竹二子餓
首山兮斷跡屬婁何足稱兮辟斯數子智若淵兮我異於此執太玄兮蕩然肆志
不拘攣兮

(石)論文 錄二首

晉陸機文賦

并序

余每觀才士之所作竊有以得其用心夫放言遺辭良多變矣妍蚩好惡可得而
言每自屬文尤見其情恆患意不稱物文不逮意蓋非知之難能之難也故作文
賦以述先士之盛藻因論作文之利害所由佗日殆可謂曲盡其妙至於操斧伐
柯雖取則不遠若夫隨手之變良難以辭逮蓋所能言者具於此云

佇中區以玄覽頤情志於典墳遵四時以歎逝瞻萬物而思紛悲落葉於勁秋喜
柔條於芳春心懍懍以懷霜志眇眇而臨雲詠世德之駿烈誦先人之清芬遊文

章之林。府嘉麗藻之彬彬。慨投篇而援筆。聊宣之乎斯文。其始也。皆收視反聽。耽思傍訊。精驚八極。心遊萬仞。其致也。情曠曠而彌鮮。物昭晰而互進。傾羣言之瀝液。漱六藝之芳潤。浮天淵以安流。濯下泉而潛浸。於是沈辭怫悅。若遊魚銜鈎。而出重淵之深。浮藻聯翩。若翰鳥纓繳而墜。曾雲之峻。收百世之闕文。採千載之遺韻。謝朝華於已披。啟夕秀於未振。觀古今之須臾。撫四海於一瞬。然後選義按部。考辭就班。抱景者咸叩。懷響者畢彈。或因枝以振葉。或沿波而討源。或本隱以之顯。或求易而得難。或虎變而獸擾。或龍見而鳥瀾。或妥帖而易施。或咀晤而不安。罄澄心以凝思。眇衆慮而爲言。籠天地於形內。挫萬物於筆端。始躑躅於燥吻。終流離於濡翰。理扶質以立幹。文垂條以結繁。信情貌之不差。故每變而在顏。思涉樂其必笑。方言哀而已歎。或操觚以率爾。或含毫而邈然。伊茲事之可樂。固聖賢之所欽。課虛無以責有。叩寂寞而求音。函緜邈於尺素。吐滂沛乎寸心。言恢之而彌廣。思按之而逾深。播芳蕤之馥馥。發青條之森森。粲風飛而森豎。鬱雲起乎翰

林體有萬殊。物無一量。紛紜揮霍。形難爲狀。辭程才以效伎。意司契而爲匠。在有無而儷俛。當淺深而不讓。雖離方而遞員。期窮形而盡相。故夫夸目者。尙奢愜心者。貴當言窮者。無隘論達者。唯曠詩緣情而綺靡。賦體物而瀏亮。碑披文以相質。誄纏綿而悽愴。銘博約而溫潤。箴頓挫而清壯。頌優遊以彬蔚。論精微而朗暢。奏平徹以閑雅。說煒曄而譎誑。雖區分之在茲。亦禁邪而制放。要辭達而理舉。故無取乎尤長。其爲物也多姿。其爲體也屢遷。其會意也尙巧。其遣言也貴妍。暨音聲之迭代。若五色之相宣。雖逝止之無常。固崎嶇而難便。苟達變而識次。猶開流以納泉。如失機而後會。恆操末以續顛。謬玄黃之秩敍。故洪涇而不鮮。或仰逼於先條。或俯侵於後章。或辭害而理比。或言順而意妨。離之則雙美。合之則兩傷。考殿最於錙銖。定去留於毫芒。苟銓衡之所裁。固應繩其必當。或文繁理富。而意不指適。極無兩致。盡不可益。立片言而居要。乃一篇之警策。雖衆辭之有條。必待茲而效績。亮功多而累寡。故取足而不易。或藻思綺合。清麗芊眠。炳若緡繡。悽若繁絃。

必所擬之不殊。乃閤合乎曩篇。雖杼軸於予懷。怵佗人之我先。苟傷廉而愆義。亦雖愛而必捐。或茗發穎豎。離衆絕致。形不可逐。響難爲係。塊孤立而特峙。非常音之所緯。心牢落而無偶。意徘徊而不能掃。石韞玉而山輝。水懷珠而川媚。彼榛楛之勿翦。亦蒙榮於集翠。綴下里於白雪。吾亦濟夫所偉。或託言於短韻。對窮迹而孤興。俯寂寞而無友。仰寥廓而莫承。譬偏絃之獨張。含清唱而靡應。或寄辭於瘁音。言徒靡而弗華。混妍蚩而成體。累良質而爲瑕。象下管之偏疾。故雖應而不和。或遺理以存異。徒尋虛以逐微。言寡情而鮮愛。辭浮漂而不歸。猶絃么而徽急。故雖和而不悲。或奔放以諧合。務嘈噴而妖冶。徒悅目而偶俗。固高聲而曲下。寤防露與桑間。又雖悲而不雅。或清虛以婉約。每除煩而去濫。闕大羹之遺味。同朱絃之清汎。雖一唱而三歎。固旣雅而不豔。若夫豐約之裁。俯仰之形。因宜適變。曲有微情。或言拙而喻巧。或理朴而辭輕。或襲故而彌新。或沿濁而更清。或覽之而必察。或研之而後精。譬猶舞者赴節以投袂。歌者應絃而遺聲。是蓋輪扁所不得言。

故亦非華說之所能精。普辭條與文律。良余膺之所服。練世情之常。尤識前脩之所淑。雖濬發於巧心。或受歎於拙目。彼瓊敷與玉藻。若中原之有菽。同橐籥之罔窮。與天地乎並育。雖紛藹於此世。嗟不盈於予掬。患挈餅之屢空。病昌言之難屬。故蹠蹠於短垣。放庸音以足曲。恆遺恨以終篇。豈懷盈而自足。懼蒙塵於叩缶。顧取笑乎鳴玉。若夫應感之會。通塞之紀。來不可遏。去不可止。藏若景滅。行猶響起。方天機之駿利。夫何紛而不理。思風發於胸臆。言泉流於脣齒。紛威蕤以馭。逖唯毫素之所擬。文徽徽以溢目。音泠泠而盈耳。及其六情底滯。志往神留。兀若枯木。豁若涸流。攬營魂以探蹟。頓精爽於自求。理翳翳而愈伏。思乙乙其若抽。是以或竭情而多悔。或率意而寡尤。雖茲物之在我。非余力之所勦。故時撫空懷而自惋。吾未識夫開塞之所由。伊茲文之爲用。固衆理之所因。恢萬里而無闕。通億載而爲津。俯貽則於來葉。仰觀象乎古人。濟文武於將墜。宣風聲於不泯。塗無遠而不彌。理無微而弗綸。配霑潤於雲雨。象變化乎鬼神。被金石而德廣。流管絃而日新。

清王蘇賦賦

綜宏才於羣雅。紬六藝之遺文。偉賦家之拓宇。引妙墨以陵雲。屈言情而源導。苟設隱而派分。別大宗於雅頌。溯遙裔乎典墳。羨窮高而極遠。亦煥爛而烟縕。鑄宮徵以捶響。績纂組以鑄紋。詎雕鏤之太過。洵囊括乎無垠。理有萬殊。體非一致。緣情生文。因虛構思。辭實坳庸。識爲旗幟。簡或數言。餘或萬字。京殿以宏博。謀篇苑獵以喬皇。紀事因征邁。以述行宗。淡泊以明志。繪聲則旁迨。笙簫說理。則上推禮智。山川則悉本圖經。江海則廣徵摭地。草區禽族之紛。鱗麗色大人之互異。或雖容以揄揚。或端莊而流利。或倣儻以抒奇。或纖密以申意。或假物以自欣。或撫時而有寄。或抒忱以直言。或廖辭而曲譬。雖小大之攸殊。各敷陳而盡義。伊前哲之有作。實受命乎詩人。揜風雅以畫界。兼比興而含神。正端敍以履始。綴重亂以引申。摭贊頌於法度。賅辨論於主賓。訂踳駁於碑誌。稽記載於日辰。有敷奏之間雅。得諷諫之和淳。繫何體之弗備。豈他格之敢倫。胡子雲之貽悔。謂壯夫之弗珍。彼

長楊之特奏。或稍勝乎美新。信升高而能賦。貽矩矱於先民。若夫體製相沿。揣摩盡態。指宋玉爲開山。呼陸生爲先輩。既仰述其規模。因遞承其梗概。入文藪以冥搜。挹詞源而旁漑。學子虛烏有之詼諧。仿西蜀東吳之問對。披夕秀而彌鮮。攀先條而可愛。迺至廣簡鍊爲繇蕪。藉鋪張爲勸誨。拾香草以相貽。揚芳塵而莫逮。未仰覲於前型。早取譏於後代。若其捷同割錦。遲類礪馱。或下坡注馬。或上水牽船。或三賦成於一日。或一文鍊以十年。或箸筆於門闥。或援翰於賓筵。或賦屏風而受罰。或擬上林以成篇。豈巧遲之不如拙速。寧後生之勝乎前賢。將由預定者鮮。躓而極深者貴。研復有事等鈔胥。語多摺拾。綴古字於行間。擗輿辭於雅什。將以掘淺爲深。倡奇破習。尋物類於偏旁。勦大言而蹈襲。不知爾雅非離騷所因。凡將卽相如所集。自徐堅吳淑之編排。更白帖紺珠之纂輯。苟祭獺而求工。噉汗牛之徒溼。故夫班張揚枚馬之波。潘陸爲王楊之祖。肇風會於曹王。轉樞機於徐庾。乃索偶而搜逮。必就班而按部。才不盡於醴陵之江。製大備於高陽之許。遂有黃滔

賈餗之儔。王棨李程之侶。奏藝苑之新聲。排翰林之儷語。或謂體固卑卑。詞空楚楚。尋正始之元音。續靈均之墜緒。匪弓燥而手柔。徒分門而別戶。作者不易。識者更難。樸茂則辛彝。癸卣明麗。則蜀錦齊紈。好古則太羹。是啜獵豔。則秀色爲餐。彼長卿之入室。賴得意而始官。何三都之賅瞻。藉一敘以傳觀。嗟閒情之敦厚。尙率意以譏彈。迺枯樹之哀怨。合衆口而流歎。苟阿房之畢讀。控霄漢而上搏。倘五色之易迷。墜淤泥而下蟠。詎時命之多舛。蓋好尙之殊端。矧夫言以達心。文以表道。鸚鵡懷代越之恩。大鵬遇希有之鳥。或悽愴而纏絲。或寥廓而夭矯。悼安仁之閒居。拜魯公而佻巧。怪拾遺之獻禮。媚右相以顛倒。言與行而相違。身與名其孰保。側羽扇之棄捐。張見幾而明曉。思樛萼之清妍。宋言情而窈窕。賢者固不可測兮。吾又何以識其懷。衰伊斯藝之莫企。畫絕境而難望。求九能之可與。讀千首以自囊。儀君山之好問。累篋積以成章。味彥和之詮解。貫脈絡以求詳。晒青蓮之焚選。又自蹈夫疏狂。緬香山之作賦。亦未歷夫藩牆。懿體物而瀏亮。誠攬轡乎康莊。義

植基而正大。辭結響以鏗鏘。體靡分乎奇耦。篇莫問其短長。緯淵深而緬邈。負神駿以騰驤。粲春葩之始發。朗秋月以方揚。庶賦家之正軌。繼作者以登堂。

(丑)賦物

彥和論賦有云。京殿苑獵。義尚光大。又云。草區禽族。庶品雜

類。觸興致情。因變取會。則賦物尚焉。凡此之作。又分七日。

(金)山水

錄二首。

晉木華海賦

昔在帝媯。臣唐之代。天綱淳涌。爲凋爲瘵。洪濤瀾汗。萬里無際。長波潏洑。池涎八裔。於是乎禹也。乃鑿臨崖之阜陸。決陂潢而相沃。啟龍門之峯嶺。壘陵巒而嶄鑿。羣山既略。百川潛滌。決漭澹泞。騰波赴勢。江河既導。萬穴俱流。掎拔五嶽。竭涸九州。瀝滴滲淫。蒼蔚雲霧。涓流泱泱。莫不來注。於廓靈海。長爲委輸。其爲廣也。其爲怪也。宜其爲大也。爾其爲狀也。則乃洑澶澶。澹澹浮天。無岸沖融。沆瀣渺瀰。澌漫波如連山。乍合乍散。噓噏百川。洗滌淮漢。襄陵廣舄。膠瀉浩浩。汗若乃大明撫轡於金

樞之穴。翔陽逸駭於扶桑之津。影沙礮石。蕩颺島濱。於是鼓怒。溢浪揚浮。更相觸搏。飛沫起濤。狀如天輪膠戾。而激轉。又似地軸挺拔。而爭迴。岑嶺飛騰。而反覆。五嶽鼓舞。而相礎。渭瀆淪而瀆。潔鬱洶迭。而隆頽。盤盪激而成窟。澗泮滌而爲魁。洿泊柏而弛颺。磊智勾而相逐。驚浪雷奔。駭水迸集。開合解會。灑灑溼溼。葩華趾丑。瀕濘。漶潛。若乃霾曠潛銷。莫振莫竦。輕塵不飛。纖蘿不動。猶尙呀呷。餘波獨湧。澎湃瀾瀾。礮磊山壘。爾其枝歧潭淪。渤蕩成汜。乖蠻隔夷。迴互萬里。若乃偏荒速告。王命急宣。飛駿鼓楫。汎海凌山。於是候勁風。揭百尺。維長綃。挂帆席。望濤遠。決罔然。鳥逝鷗如。驚鳧之失侶。倏如六龍之所掣。一越三千。不終朝而濟。所屆若其負穢。臨深虛誓。愆祈則有海童邀路。馬銜當蹊。天吳乍見。而髣髴。蜩像暫曉。而閃屍。羣妖遘迕。眇眇冶夷。決帆摧撞。戕風起惡。廓如靈變。惚恍幽暮。氣似天霄。黶黶雲布。儼昱絕電。百色妖露。呵嗽掩鬱。曠睽無度。飛滂相礮。激勢相洶。崩雲屑雨。泆泆汨汨。跣蹕湛灑。沸潰滄溢。濯泝泆蕩。蕩雲沃日。於是舟人漁子。徂南極東。或屑沒

於鼃鼃之穴。或挂胃於岑嶽之峯。或掣掣洩洩於裸人之國。或汎汎悠悠於黑齒之邦。或乃萍流而浮轉。或因歸風以自反。徒識觀怪之多。駭乃不悟所歷之近。遠爾其爲大量也。則南澣朱崖。北灑天墟。東演析木。西薄青徐。經途嚶溟。萬萬有餘。吐雲霓。含龍魚。隱鯤鱗。潛靈居。豈徒積太顛之寶貝。與隋侯之明珠。將世之所收者。常聞所未名者。若無且希世之所聞。惡審其名。故可仿像其色。黻黼其形。爾其水府之內。極深之庭。則有崇島巨鼃。崢峴孤亭。擘洪波。指太清。竭磐石。栖百靈。颺凱風而南逝。廣莫至而北征。其垠則有天琛水怪。鮫人之室。瑕石詭暉。鱗甲異質。若乃雲錦散文於沙泐之際。綾羅被光於螺蚌之節。繁采揚華。萬色隱鮮。陽冰不冶。陰火潛然。熇炭重燔。吹烟九泉。朱燉綠煙。曖眇蟬娟。珊瑚琥珀。羣產接連。車渠瑪瑙。全積如山。魚則橫海之鯨。突扒孤遊。戛巖嶽。偃高濤。茹鱗甲。吞龍舟。噏波則洪漣。踧躅吹澇。則百川倒流。或乃躡躡窮波。陸死鹽田。巨鱗插雲。鬣鬣刺天。顛骨成嶽。流膏爲淵。若乃巖坻之隈。沙石之欵。毛翼產殼。剖卵成禽。鳧雛離襪。鶴子淋

滲羣飛侶浴戲廣浮深翔鷺連軒洩洩淫淫翻動成雷擾翰爲林更相叫嘯詭色殊音若乃三光既清天地融朗不汎陽侯乘躋絕往覲安期於蓬萊見喬山之帝像羣仙縹眇餐玉清涯履阜鄉之留鳥被羽翮之縻纏翔天沼戲窮溟甄有形於無欲永悠悠以長生且其爲器也包乾之奧括坤之區惟神是宅亦祇是廬何奇不有何怪不儲芒芒積流含形內虛曠哉坎德卑以自居弘往納來以宗以都品物類生何有何無

清張惠言黃山賦

并序

余既作游黃山賦或恨其闕略非昔者居方物別圖經沐浴崇陴羣類庶聚之意也乃復攬采梗概爲之賦云

丹陽之南蠻障之中有黟山焉是曰三天子之都上絡斗紀下樓衡巫外則率山崔嵬於近作嶂陪以大鱗屬以匡廬廬江出其西漸江出其東千源萬浚經營澹澹各走相詭宛潭黯黹回錡隘甌迫觸輶輶逆防孫理梢窳出窳勢若矢激不可

迫覽雷出電追轉石異聲闐沛汨淚泮龍鏗訇漻漻豁豁嗒嗒悲鳴鐘鏞穆羽將
瓊代更蕩濺澡竭纖潛不藏文錦鱗礫瑩瑩煌煌若此者數百千處然後涇關會
流交注羣輸洩洩潼潼上合彭蠡下達曲江爾其大勢則岌岑崆崇糾纏崛崎積
沓匝而陰陽蔽虧夫容齒藺倚天無茄形精互輝灼若朝霞其曾高則上出閭闔
平睨寒門頰視一氣空如下天其窮陰則涸沍慘悞昧不見太陽乃有因提之雪
循蜚之霜其石則蹠蹠刻削咄彙增積擗總別追重疊并益將顛復稽附蹻蹻蹠
縱橫駢盱震心警魄黝質斑采炫耀龍鱗隨物成象百怪千端若有鬼神突怒凌
厲單不知其所原增巖重岫懿曖窈冥環椽複竿脇施瓏玲陽光迪輝疑自地燭
不見天形或乃瀕竈金鼎威蕤玢靈匡牀方几羅於其庭霞文碧篆守以六丁爾
乃覽其支絡周其宮別於前則雲門豁開兀峙高闕夫容桃花紫石丹沙疊障擲
盍青鸞石人儻儻茂茂爰有溫泉是之自出天都巍巍巋然特雄蓮華右起爭隆
匹崇紅沓交錯洪紛馮戎羣峯來朝若環紫宮其上則有仙扉石室醴泉之池日

精月魄。藏華發。奇其左。則天柱。吼吼探珠參。差軒轅。上昇仙樂天衣。青鐔白鵝。吟
嶙嶙。嶷九龍。懸泉消搖之溪。堪噹溶洗千態。萬狀澄奠百尺。輝黛沈颺。列如鯨星。
揮布茫。望於中。乃有錦鱗揚鬢。石班無雄。鮑魚兒啼。其石則有飛龍雲際。容成浮
邱。石牀布水。聖泉飛來。松林采石。紫雲翠微。霍鮮互別。翮翔相追。其谷則乖龍老
蛟。蜿蜒淵處。千瀑亂入。冬夏激雨。鴻扶延延。雲轉雷聚。丹臺中填。是曰天海。巒概
衆。皴琴琴累累。冢影厥嶄。陴貢其隍。絡繹臬杙。藹空流光。絕霞欲焱。髦紛前翠。彩
灌漑般。爚旁於後。則仙都峇嶢。師子疊奮。丹霞石琴。屬以始信。叢石筍植。緣卒而
起。筍嶼岫。泊傑池未已。爾乃其木。則有木蓮九照。神州無偕。檀杻莠柏。海桐辛夷。
楓。檉。榔。樅。桂。黃楊。枒。杖。交柯。魁。瑰。紛揚。馮陵。藩京。鬱鬱。葦葦。上轟重陽。喬羽。聶
炕。旁卻。日月中稽。風聲。攝。樹。叫。囂。無時。晏寧。頽根。陰幹。出火。自照。輝輝。熒熒。其下。
乃有白虎蒼豹。素雌玄熊。山閭一角。醜鹿人从。倏來報往。驚嗥羣。訶。矍父喜。顧。獬
子。猿。公。蒼。髯。修。顏。接。幹。回。叢。透。脫。牢。落。天。掉。無。窮。其。上。乃。有。雙。鶴。獨。鶴。列。仙。之。乘。

碧雞流離。雍雍嬰嬰。頻伽之鳥。引曲赴節。若調乎簧笙。其松則枝梧節族。膚石鬣雲。蛟螭倒投。之而鱗鱗。仰矚撇烈。不見柢根。奇瓌易貌。視之無窮。察之無端。其下乃有琥珀威喜。伏靈石脂。蘊精闕采。僊靈是資。草則鋪于披靡。軋芴蔚蕝。靡蕪突蕻。蒟蒻荔珊瑚。翠雲龍修雲霧。春芳隱隆。秋馥霍濩。蕝花散榮。翕習蔓茗。青碧翠紫。菲菲菁菁。炤燿煌扈。不可紀名。粵有大藥。黃連山精。餘糧大苦。茱萸回芸。赤砂石乳。紫芝九莖。石藍之花。千年一榮。神農未知。兪跗未更。若乃黃柑丹杏。桃栗杜櫨。枇杷棠梨。若榴木蘭。彼子楸梅。罇芳裂芬。林禽崖蜜。松肪出焉。爾乃其懸磴突。駢揭擘側。足庾婁犯。峯仝踏确。密仰冠傾。侈俛跖窈窕。震震慄慄。萬端異類。氣盡汗馘。怳怳魂隊。進不敢征。退不敢喙。悠忽怛悵。目不敢睽。蚊息扶服。熊經鳥眴。然後得屈焉。若其凌鴻濛。貫倒景。憩涵洙。息滓溟。浮恍惚。超虛無。爛昭昭。神靈居。沉瀼涌。瓊英充。偃佺廝。征歛扈。豐融聚穀。公樂呼吸。亡雙。於是天雨新霽。蔚蒼朝。躋。噎。魁。塊。圯。滂。洋。四。施。襄。混。懷。隧。馮。崆。陵。夷。東。混。扶。桑。日。之。所。出。南。潰。炎。風。西。淹。

總極北。沍積冰。漫漫汨汨。風至波起。天地岌岌。狀若浮海。說於碣石。沍沍積。陵化爲魚。龍徽鯨奔。鯢稠。嶽續。翻土囊。鬱勃萬響。怒叫驚禽。悲獸跖魂。哀嘯。麟隱。隱不知處。所頰聆。忽荒皆在水下。翔陽震盪。涌波憑興。浮彩下爛。絢耀上升。天紀地緯。確扈煌煒。九光十彩。轉互代更。蓬萊閩風。昆侖會城。琪樹建木。珊瑚琳瑯。戴勝虎齒。雒陽流形。芒芒無端。隨望而生。網緼玄黃。儻將會憾。憑蒙龍睨。天緯靈之。霏霏鎮高邁。橫凌九坑。杳天外於胥樂兮。發蒙蓋。

(石)京都錄二首

漢班固兩都賦二首

并序

或曰賦者古詩之流也。昔成康沒而頌聲寢。王澤竭而詩不作。大漢初定。日不暇給。至於武宣之世。乃崇禮官。考文章。內設金馬石渠之署。外興樂府協律之事。以興廢繼絕。潤色鴻業。是以衆庶悅豫。福應尤盛。白麟赤鴈。芝房寶鼎之歌。薦於郊廟。神雀五鳳。甘露黃龍之瑞。以爲年紀。故言語侍從之臣。若司馬相如。虞邱壽王。

東方朔枚臯王褒劉向之屬。朝夕論思。日月獻納。而公卿大臣。御史大夫。倪寬。太常。孔臧。大中大夫。董仲舒。宗正。劉德。太子太傅。蕭望之。等時。時間作。或以抒下情。而通諷諭。或以宣上德。而盡忠孝。雍容揄揚。著於後嗣。抑亦雅頌之亞也。故孝成之世。論而錄之。蓋奏御者。千有餘篇。而後大漢之文章。炳焉與三代同風。且夫道有夷隆。學有麤密。因時而建德者。不以遠近易則。故臯陶歌虞。奚斯頌魯。同見采於孔氏。列於詩書。其義一也。稽之上古。則如彼。考之漢室。又如此。斯事雖細。然先臣之舊式。國家之遺美。不可闕也。臣竊見海內清平。朝廷無事。京師修宮室。浚城隍。起苑囿。以備制度。西土耆老。咸懷怨思。冀上之睠顧。而盛稱長安舊制。有陋維呂之議。故臣作兩都賦。以極衆人之所眩曜。折以今之法度。其詞曰。

西都賦

有西都賓問於東都主人曰。蓋聞皇漢之初經營也。嘗有意乎都河洛矣。輟而弗康。實用西遷。作我上都。主人聞其故而覩其制乎。主人曰。未也。願賓據懷舊之蓄。

念發思古之幽情博我以皇道弘我以漢京賓曰唯唯漢之西都在於雍州實曰
長安左據函谷二嶠之阻表以太華終南之山右界褒斜隴首之險帶以洪河涇
渭之川衆流之隈汧涌其西華實之毛則九州之上腴焉防禦之阻則天地之隩
區焉是故橫被六合三成帝畿周以龍興秦以虎視及至大漢受命而都之也仰
悟東井之精俯協河圖之靈奉春建策留侯演成天人合應以發皇明乃眷西顧
實惟作京於是睎秦嶺瞰北阜挾灃灞據龍首圖皇基於億載度宏規而大起肇
自高而終平世增飾以崇麗歷十二之延祚故窮泰而極侈建金城之萬雉呀周
池而成淵披三條之廣路立十二之通門內則街衢洞達閭閻且千九市開場貨
別隄分人不得顧車不得旋闐城溢郭旁流百塵紅塵四合煙雲相連於是旣庶
且富娛樂無疆都人士女殊異乎五方遊士擬於公侯列肆侈於姬姜鄉曲豪舉
遊俠之雄節慕原嘗名亞春陵連交合衆騁驚乎其中若乃觀其四郊浮遊近縣
則南望杜霸北眺五陵名都對郭邑居相承英俊之域絨冕所興冠蓋如雲七相

五公與乎州郡之豪傑。五都之貨殖。三選七遷。充奉陵邑。蓋以強幹弱枝。隆上都而觀萬國也。封畿之內。厥土千里。連蹠諸夏。兼其所有。其陽則崇山隱天。幽林穹谷。陸海珍藏。藍田美玉。商洛緣其隈。鄠杜濱其足。源泉灌注。陂池交屬。竹林果園。芳草甘木。野郊之富。號爲近蜀。其陰則冠以九峻。陪以甘泉。乃有靈宮起乎其中。秦漢之所極觀。淵雲之所頌歎。於是乎存焉。下有鄭白之沃。衣食之源。提封五萬。疆場綺紛。溝塍刻鏤。原隰龍鱗。決渠降雨。荷插成雲。五穀垂穎。桑麻鋪棗。東郊則有通溝大漕。潰渭洞河。汎舟山東。控引淮湖。與海通波。西郊則有上囿禁苑。林麓藪澤。陂池連乎蜀漢。繚以周牆。四百餘里。離宮別館。三十六所。神池靈沼。往往而在。其中乃有九眞之麟。大宛之馬。黃支之犀。條枝之鳥。踰崑崙。越巨海。殊方異類。至於三萬里。其宮室也。體象乎天地。經緯乎陰陽。據坤靈之正位。倣太紫之圓方。樹中天之華闕。豐冠山之朱堂。因瓌材而究奇。抗應龍之虹梁。列棼橑以布翼。荷棟桴而高驤。雕玉璫以居楹。裁金璧以飾璫。發五色之渥彩。光燭朗以景彰。於是

左。碱。右。平。重。軒。三。階。閨。房。周。通。門。闔。洞。開。列。鍾。虞。於。中。庭。立。金。人。於。端。闈。仍。增。崖。
而。衡。闕。臨。峻。路。而。啟。扉。徇。以。離。宮。別。寢。承。以。崇。臺。閒。館。煥。若。列。宿。紫。宮。是。環。清。涼。
宣。溫。神。仙。長。年。金。華。玉。堂。白。虎。麒。麟。區。宇。若。茲。不。可。殫。論。增。盤。崔。嵬。登。降。炤。爛。殊。
形。詭。制。每。各。異。觀。乘。茵。步。輦。惟。所。息。宴。後。宮。則。有。掖。庭。椒。房。后。妃。之。室。合。歡。增。城。
安。處。常。寧。茵。若。椒。風。披。香。發。越。蘭。林。蕙。草。鴛。鸞。飛。翔。之。列。昭。陽。特。盛。隆。於。孝。成。屋。
不。呈。材。牆。不。露。形。裊。以。藻。繡。絡。以。綸。連。隋。侯。明。月。錯。落。其。閒。金。釭。銜。璧。是。爲。列。錢。
翡。翠。火。齊。流。耀。含。英。懸。黎。垂。棘。夜。光。在。焉。於。是。玄。墀。鈿。砌。玉。階。彤。庭。磧。碱。綵。緻。琳。
珉。青。熒。珊。瑚。碧。樹。周。阿。而。生。紅。羅。颯。纒。綺。組。繽。紛。精。曜。華。燭。俯。仰。如。神。後。宮。之。號。
十。有。四。位。窈。窕。繁。華。更。盛。迭。貴。處。乎。斯。列。者。蓋。以。百。數。左。右。庭。中。朝。堂。百。寮。之。位。
蕭。曹。魏。邴。謀。謨。乎。其。上。佐。命。則。垂。統。輔。翼。則。成。化。流。大。漢。之。愷。悌。蕩。亡。秦。之。毒。螫。
故。令。斯。人。揚。樂。和。之。聲。作。畫。一。之。歌。功。德。著。乎。祖。宗。膏。澤。洽。乎。黎。庶。又。有。天。祿。石。
渠。典。籍。之。府。命。夫。惇。誨。故。老。名。儒。師。傳。講。論。乎。六。藝。稽。合。乎。同。異。又。有。承。明。金。馬。

著作之庭。大雅宏達。於茲爲羣。元元本本。殫見洽聞。啟發篇章。校理祕文。周以鈞
陳之位。衛以嚴更之署。總禮官之甲科。羣百郡之廉孝。虎賁贅衣。闔尹闔寺。陛戟
百重。各有典司。周廬千列。微道綺錯。輦路經營。脩除飛閣。自未央而連桂宮。北彌
明光而亙長樂。凌墜道而超西墉。混建章而連外屬。設璧門之鳳闕。上觚稜而棲
金爵。內則別風之嶢嶢。眇麗巧而聳擢。張千門而立萬戶。順陰陽以開闔。爾乃正
殿。崔嵬層構。厥高臨乎未央。經駘盪而出馭娑。洞枋詣以與天梁。上反宇以蓋戴。
激日景而納光。神明鬱其特起。遂偃蹇而上躋。軼雲雨於太半。虹霓迴帶於芬楣。
雖輕迅與僿狡。猶愕眙而不能階。攀井幹而未半。目眴轉而意迷。舍櫺檻而卻倚。
若顛墜而復稽。魂怳怳以失度。巡迴塗而下低。旣懲懼於登望。降周流以徬徨。步
甬道以縈紆。又杳窳而不見。陽排飛闥而上出。若遊目於天表。似無依而洋洋。前
唐中而後太液。覽滄海之湯湯。揚波濤於碣石。激神岳之將將。濫瀛洲與方壺。蓬
萊起乎中央。於是靈草冬榮。神木叢生。巖峻嶮嶮。崢嶸抗仙掌。以承露擢雙

立之金莖。軼埃壙之混濁。鮮顥氣之清英。騁文成之不誕。馳五利之所刑。庶松喬之羣類。時遊從乎斯庭。實列仙之攸館。非吾人之所寧。爾乃盛娛游之壯觀。奮泰武乎上囿。因茲以威戎。夸狄耀威靈。而講武事。命荊州使起烏。詔梁野而驅獸。毛羣內闐。飛羽上覆。接翼側足。集禁林而屯聚。水衡虞人。修其營表。種別羣分部。曲有署罟網。連絃籠山絡野。列卒周匝。星羅雲布。於是乘鑾輿。備法駕。帥羣臣。披飛廉入苑門。遂繞艷鄙。歷上蘭。六師發逐。百獸駭殫。震震爚爚。雷奔電激。草木塗地。山淵反覆。蹂躪其十二三。乃拗怒而少息。爾乃期門伏飛。列刃鑽鏃。要趺追蹤。鳥驚觸絲獸。駭值鋒機。不虛捨弦。不再控矢。不單殺中。必疊雙颯。紛紛增繳。相纏風毛。雨血灑野。蔽天平原。赤勇士厲。狻狻失木。豺狼懾竄。爾乃移師趨險。並蹈潛穢。窮虎奔突。狂兕觸蹙。許少施巧。秦成力折。掎僂狡扼。猛噬脫角。挫脰徒搏。獨殺挾師豹。拖熊螭。曳犀犛。頓象羆。超洞壑。越峻崖。蹙巖。巖鉅石。隕松栢。仆叢林。摧草木。無餘禽獸。殄夷。於是天子乃登屬玉之館。歷長楊之榭。覽山川之體勢。觀三軍

之殺獲。原野蕭條。目極四裔。禽相鎮壓。獸相枕藉。然後收禽會衆。論功賜胙。陳輕騎以行。魚騰酒車以斟酌。割鮮野食。舉烽命醕。饗賜畢。勞逸齊。大輅鳴鑾。容與徘徊。集乎豫章之宇。臨乎昆明之池。左牽牛而右織女。似雲漢之無涯。茂樹蔭蔚。芳草被隄。蘭茝發色。曄曄猗猗。若摛錦布。繡燿耀乎其陂。鳥則玄鶴白鷺。黃鵠鷓鴣。鷓鴣鶻鵠。鳧鷖鴻鴈。朝發河海。夕宿江漢。沈浮往來。雲集霧散。於是後宮乘輅。輶登龍舟。張鳳蓋。建華旗。祛黼帷。鏡清流。靡微風。澹淡浮。擢女謳。鼓吹震。聲激越。營厲天。鳥羣翔。魚窺淵。招白鵬。下雙鷗。揄文竿。出比目。撫鴻罍。御繪繳。方舟並。鷺俛仰。極樂遂。乃風舉雲搖。浮遊溥覽。前乘秦嶺。後越九嶷。東薄河華。西涉岐雍。宮館所歷。百有餘區。行所朝夕。儲不改供。禮上下而接山川。究休祐之所。用采遊童之謹謠。第從臣之嘉頌。於斯之時。都都相望。邑邑相屬。國藉十世之基。家承百年之業。士食舊德之名。氏農服先疇之畎。畝商循族世之所鬻。工用高曾之規。矩粲乎隱隱。各得其所。若臣者。徒觀迹於舊墟。聞之乎故老。十分而未得其一端。故不能

徧舉也。

東都賦

東都主人喟然而歎曰。痛乎風俗之移人也。子實秦人。矜夸館室。保界河山。信識昭襄而知始皇矣。烏睹大漢之云爲乎。夫大漢之開元也。奮布衣以登皇位。由數筭而創萬代。蓋六籍所不能談。前聖靡得而言焉。當此之時。攻有橫而當天。討有逆而順民。故婁敬度勢而獻其說。蕭公權宜而拓其制。時豈泰而安之哉。計不得以已也。吾子曾不是睹。顧曜後嗣之末造。不亦暗乎。今將語子以建武之治。永平之事。監於太清。以變子之惑志。往者王莽作逆。漢祚中缺。天人致誅。六合相滅。於時之亂。生人幾亡。鬼神泯絕。壑無完樞。邪罔遺室。原野厭人之肉。川谷流人之血。秦項之災。猶不克半。書契以來。未之或紀。故下民號而上訴。上帝懷而降監。乃致命乎聖皇。於是聖皇乃握乾符。闡坤珍。披皇圖。稽帝文。赫然發憤。應若興雲。霆擊昆陽。憑怒雷震。遂超大河。跨北嶽。立號高邑。建都河洛。紹百王之荒屯。因造化之。

盪滌體元立制繼天而作系唐統接漢緒茂育羣生恢復疆宇勲兼乎在昔事勤乎三五豈特方軌並跡紛綸后辟治近古之所務蹈一聖之險易云爾哉且夫建武之元天地革命四海之內更造夫婦肇有父子君臣初建人倫實始斯乃伏羲氏之所以基皇德也分州土立市朝作舟輿造器械斯乃軒轅氏之所以開帝功也龔行天罰應天順人斯乃湯武之所以昭王業也遷都改邑有殷宗中興之則焉卽土之中有周成隆平之制焉不階尺土一人之柄同符乎高祖克己復禮以奉終始允恭乎孝文憲章稽古封岱勒成儀炳乎世宗案六經而校德眇古昔而論功仁聖之事旣該而帝王之道備矣至乎永平之際重熙而累洽盛三雍之上儀脩袞龍之法服鋪鴻藻信景鑠揚世廟正雅樂神人之和允洽羣臣之序旣肅乃動大輅遵皇衢省方巡狩躬覽萬國之有無考聲教之所被散皇明以燭幽然後增周舊脩洛邑扇巍巍顯翼翼光漢京於諸夏繆八方而爲之極是以皇城之內宮室光明闕庭神麗奢不可踰儉不能侈外則因原野以作苑填流泉而爲沼

發蘋藻以潛魚。豐圃草以毓獸。制同乎梁鄒。誼合乎靈囿。若乃順時節而蒐狩。簡車徒以講武。則必臨之以王制。考之以風雅。歷騶虞。覽駟鐵。嘉車攻。采吉日。禮官整儀。乘輿乃出。於是發鯨魚。鏗華鐘。登玉輅。乘時龍。鳳蓋琴麗。蘇鑿玲瓏。天官景從。寢威盛容。山靈護野。屬御方神。雨師汎灑。風伯清塵。千乘雷起。萬騎紛紜。元戎竟野。戈鋌彗雲。羽旄掃霓。旌旗拂天。焱焱炎炎。揚光飛文。吐燭生風。欲野歎山。日月爲之奪明。邱陵爲之搖震。遂集乎中囿。陳師按屯。駢部曲。列校隊。勒三軍。誓將帥。然後舉烽伐鼓。申令三驅。輜車霆激。驍騎電驚。由基發射。范氏施御。弦不睨禽。轡不詭遇。飛者未及翔。走者未及去。指顧倏忽。獲車已實。樂不及盤。殺不盡物。馬踠餘足。士怒未深。先驅復路。屬車案節。於是薦三犧。效五牲。禮神祇。懷百靈。觀明堂。臨辟雍。揚緝熙。宣皇風。登靈臺。考休徵。俯仰乎乾坤。參象乎聖躬。日中夏而布德。瞰四裔而抗稜。西盪河源。東澹海澨。北動幽崖。南耀朱垠。殊方別區。界絕而不鄰。自孝武之所不征。孝宣之所未臣。莫不陸贄水慄。奔走而來賓。遂綏哀牢。開永

昌春王三朝會同漢京是日也天子受四海之圖籍膺萬國之貢珍內撫諸夏外
綏百蠻爾乃盛禮興樂供帳置乎雲龍之庭陳百寮而贊羣后究皇儀而展帝容
於是庭實千品旨酒萬鍾列金疊班玉觴嘉珍御太牢饗爾乃食舉雍徹太師奏
樂陳金石布絲竹鐘鼓鏗錡管絃燁煜抗五聲極六律歌九功舞八佾詔武備泰
古畢四夷間奏德廣所及僣佻兜離罔不具集萬樂備百禮暨皇歡浹羣臣醉降
烟煴調元氣然後撞鐘告罷百寮遂退於是聖上覩萬方之歡娛又沐浴於膏澤
懼其侈心之將萌而怠於東作也乃申舊章下明詔命有司班憲度昭節儉示太
素去後宮之麗飾損乘輿之服御抑工商之淫業興農桑之盛務遂令海內棄末
而反本背僞而歸真女脩織紉男務耕耘器用陶匏服尚素玄恥纖靡而不服賤
奇麗而弗珍捐金於山沈珠於淵於是百姓滌瑕盪穢而鏡至清形神寂漠耳目
弗營嗜欲之源滅廉恥之心生莫不優游而自得玉潤而金聲是以四海之內學
校如林庠序盈門獻酬交錯俎豆莘莘下舞上歌蹈德詠仁登降飫宴之禮既畢

因相與嗟歎。玄德讜言弘說。咸含和而吐氣。頌曰盛哉乎斯世。今論者但知誦虞夏之書。詠殷周之詩。講羲文之易。論孔氏之春秋。罕能精古今之清濁。究漢德之所由。唯子頗識舊典。又徒馳騁乎末流。溫故知新已難。而知德者鮮矣。且夫僻界西戎險阻。西塞脩其防禦。孰與處乎土中。平夷洞達。萬方輻湊。秦嶺九嶷。涇渭之川。曷若四瀆五嶽。帶河沂洛。圖書之淵。建章甘泉。館御列仙。孰與靈臺明堂。統和天人。太液昆明。鳥獸之囿。曷若辟雍海流。道德之富。游俠踰侈。犯義侵禮。孰與同履法度。翼翼濟濟。子徒習秦阿房之造天。而不知京洛之有制也。識函谷之可關。而不知王者之無外也。主人之辭未終。西都賓矍然失容。逡巡降階。悚然意下。捧手欲辭。主人曰。復位。今將授子以五篇之詩。賓既卒業。乃稱曰。美哉乎斯詩。義正乎揚雄。事實乎相如。匪唯主人之好學。蓋乃遭遇乎斯時也。小子狂簡。不知所裁。既聞正道。請終身而誦之。其詩曰。

於昭明堂明堂孔陽聖皇宗祀穆穆煌煌上帝宴饗五位時序誰其配之世祖光武普天率土各以其職猗歟緝熙允懷多福

辟雍詩

乃流辟雍辟雍湯湯聖皇莅止造舟爲梁皤皤國老乃父乃兄抑抑威儀孝友光明於赫太上示我漢行洪化惟神永觀厥成

靈臺詩

乃經靈臺靈臺既崇帝勤時登爰考休徵三光宣精五行布序習習祥風祁祁甘雨百穀蓁蓁庶草蕃廡屢惟豐年於皇樂胥

寶鼎詩

嶽脩貢兮川效珍吐金景兮歛浮雲寶鼎見兮色紛緼煥其炳兮被龍文登祖廟兮享聖神昭靈德兮彌億年

白雉詩

啟靈篇兮披瑞圖。獲白雉兮效素鳥。嘉祥阜兮集皇都。發皓羽兮奮翹英。容絜朗兮於純精。彰皇德兮侔周成。永延長兮膺天慶。

(絲)宮殿 錄二首

漢王延壽魯靈光殿賦

井序

魯靈光殿者。蓋景帝程姬之子恭王餘之所立也。初恭王始都下國。好治宮室。遂因魯僖基兆而營焉。遭漢中微盜賊奔突。自西京未央建章之殿。皆見隳壞。而靈光巋然獨存。意者豈非神明依憑支持。以保漢室者也。然其規矩制度。上應星宿。亦所以永安也。予客自南鄙。觀藝於魯。覩斯而貽曰。嗟乎。詩人之興感物而作。故奚斯頌僖歌其路寢而功績存乎。辭德音昭乎。聲物以賦顯。事以頌宣。匪賦匪頌。將何述焉。遂作賦曰。

粵若稽古帝漢。祖宗濬哲。欽明殷五代之純熙。紹伊唐之炎精。荷天衢以元亨。廓宇宙而作京。敷皇極以創業。協神道而大寧。於是百姓昭明。九族敦序。乃命孝孫。

其結構。規矩應天。上憲觜陬。倨佹雲起。嶽峯離樓。三間四表。八維九隅。萬楹叢倚。磊砢相扶。浮柱峒帶。以星懸。漂嶢峴而枝柱。飛梁偃蹇。以虹指。揭籬籬而騰。湊層櫨。礫境以岌岌。曲枿要紹。而環句。芝栴攢羅。以戢。香枝掌杓。枒而斜據。傍天矯。以橫出。互黝糾而搏負。下弗蔚以摧錯。上崎嶇而重注。捷獵麟集。支離分赴。縱橫駱驛。各有所趣。爾乃懸棟結阿。天窗綺疎。圓淵方井。反植荷蕖。發秀吐榮。菡萏披敷。綠房紫葍。窈窕垂珠。雲窠藻稅。龍桷雕鏤。飛禽走獸。因木生姿。奔虎攫拏。以梁倚。乞奮。竇而軒鬢。蚪龍騰。讓以蜿。螭領若動。而躩。踞朱鳥。舒翼以峙。衡騰。虵。蟻。蚪而遶。榱。白鹿子。蛻於樽。櫨。蟠。螭宛轉。而承楣。狡兔。踞伏於柎側。狻猊。攀椽而相追。玄熊。舂。談以斷。斷却負載。而躡。躑齊首目。以瞪。眄徒。眠。眠而狌。狌。胡人遙集於上楹。儼雅跽而相對。乞欺。猓以鵬。眈。鷗。類。類而睽。睽。狀若悲愁。於危處。慳。頰。蹙。而含。悴。神仙岳岳於棟。閒。玉女闕窗而下視。忽。瞋。眇。以響。像若鬼神之髣髴。圖畫天地。品類羣生。雜物奇怪。山神海靈。寫載其狀。託之丹青。千變萬化。事各繆形。隨色象類。

曲得其情。上紀開闢。遂古之初。五龍比翼。人皇九頭。伏羲鱗身。女媧蛇軀。鴻荒朴
略。厥狀睢盱。煥炳可觀。黃帝唐虞。軒冕以庸。衣裳有殊。下及三后。姪妃亂主。忠臣
孝子。烈士貞女。賢愚成敗。靡不載敘。惡以誠世。善以示後。於是乎連閣承宮。馳道
周環。陽榭外望。高樓飛觀。長途升降。軒檻蔓延。漸臺臨池。層曲九成。屹然特立的
爾。殊形高徑。華蓋仰看。天庭飛陛。揭擘緣雲。上征中坐。垂景頰視。流星千門。相似
萬戶。如一巖突。洞出透迤。詰屈周行。數里仰不見日。何宏麗之靡靡。咨用力之妙
勤。非夫通神之俊才。誰能剋成乎此勳。據坤靈之寶勢。承蒼昊之純殷。包陰陽之
變化。含元氣之烟煴。玄醴騰涌於陰溝。甘露被宇而下臻。朱桂黝儵於南北。蘭芝
阿那於東西。祥風翕習以颯灑。激芳香而常芬。神靈扶其棟宇。歷千載而彌堅。永
安寧以祉福。長與大漢而久存。實至尊之所御。保延壽而宜子。孫苟可貴。其若斯
孰亦有云。而不珍。亂曰。彤彤靈宮。巋巋穹崇。紛厖鴻兮。崩崩嶺嶺。岑峩嶩。駢龍
崑兮。連拳偃蹇。嶙菌踳嶮。傍欹傾兮。歛歛幽藹。雲覆霏霽。洞杳冥兮。葱翠紫蔚。礪

碾。瓌。瑋。含。光。晷。兮。窮。奇。極。妙。棟。宇。已。來。未。之。有。兮。神。之。營。之。瑞。我。漢。室。永。不。朽。兮。
唐杜牧阿房宮賦

六。王。畢。四。海。一。蜀。山。兀。阿。房。出。覆。壓。三。百。餘。里。隔。離。天。日。驪。山。北。構。而。西。折。直。走。
咸。陽。二。川。溶。溶。流。入。宮。牆。五。步。一。樓。十。步。一。閣。廊。腰。縵。迴。簷。牙。高。啄。各。抱。地。勢。鈎。
心。鬪。角。盤。盤。焉。困。困。焉。蜂。房。水。渦。蠹。不。知。乎。幾。千。萬。落。長。橋。臥。波。未。雲。何。龍。複。道。
行。空。不。霽。何。虹。高。低。冥。迷。不。知。西。東。歌。臺。暖。響。春。光。融。融。舞。殿。冷。袖。風。雨。淒。淒。一。
日。之。內。一。宮。之。閒。而。氣。候。不。齊。妃。嬪。媵。嬙。王。子。皇。孫。辭。樓。下。殿。輦。來。於。秦。朝。歌。夜。
絃。爲。秦。宮。人。明。星。熒。熒。開。妝。鏡。也。綠。雲。擾。擾。梳。曉。鬢。也。渭。流。漲。膩。棄。脂。水。也。煙。斜。
霧。橫。焚。椒。蘭。也。雷。霆。乍。驚。宮。車。過。也。轆。轤。遠。聽。杳。不。知。其。所。之。也。一。肌。一。容。盡。態。
極。妍。縵。立。遠。視。而。望。幸。焉。有。不。得。見。者。三。十。六。年。燕。趙。之。收。藏。韓。魏。之。經。營。齊。楚。
之。精。英。幾。世。幾。年。剽。掠。其。人。倚。疊。如。山。一。旦。不。能。有。輸。來。其。閒。鼎。鑪。玉。石。金。塊。珠。
礫。棄。擲。邈。迤。秦。人。視。之。亦。不。甚。惜。嗟。乎。一。人。之。心。千。萬。人。之。心。也。秦。愛。紛。奢。人。亦。

念其家。奈何取之盡錙銖。用之如泥沙。使負棟之柱。多於南畝之農夫。架梁之椽。多於機上之工女。釘頭磷磷。多於在庾之粟粒。瓦縫參差。多於周身之帛縷。直欄橫檻。多於九土之城廓。管絃嘔啞。多於市人之言語。使天下之人。不敢言而敢怒。獨夫之心。日益驕固。戍卒叫。函谷舉。楚人一炬。可憐焦土。嗚呼。滅六國者。六國也。非秦也。族秦者。秦也。非天下也。嗟乎。使六國各愛其人。則足以拒秦。秦復愛六國之人。則遞三世可至萬世。而爲君。誰得而族滅也。秦人不暇自哀。而後人哀之。後人哀之。而不鑑之。亦使後人而復哀後人也。

(竹)苑囿 錄二首

漢司馬相如子虛賦

楚使子虛使於齊。齊王悉發車騎。與使者出畋。畋罷。子虛過媼。媼有先生。亡是公存焉。坐定。媼有先生問曰。今日畋樂乎。子虛曰。樂獲多乎。曰。少。然則何樂。對曰。僕樂齊王之欲夸僕。以車騎之衆。而僕對以雲夢之事也。曰。可得聞乎。子虛曰。可。王

駕車千乘。選徒萬騎。畋於海濱。列卒滿澤。罟網彌山。掩兔麟鹿。射麋脚麟。驚於鹽浦。割鮮染輪。射中獲多。矜而自功。顧謂僕曰。楚亦有平原廣澤。游獵之地。饒樂若此者乎。楚王之獵。孰與寡人乎。僕下車對曰。臣楚國之鄙人也。幸得宿衛。十有餘年。時從出遊。遊於後園。覽於有無。然猶未能徧覩也。又焉足以言其外澤乎。齊王曰。雖然。略以子之所聞見而言之。僕對曰。唯唯。臣聞楚有七澤。嘗見其一。未覩其餘也。臣之所見。蓋特其小小者耳。名曰雲夢。雲夢者。方九百里。其中有山焉。其山則盤紆。弗鬱。隆崇。聳峯。岑崟參差。日月蔽虧。交錯糾紛。上千青雲。罷池陂陀。下屬江河。其土則丹青赭堊。雌黃白垩。錫碧金銀。衆色炫耀。照爛龍鱗。其石則赤玉玫瑰。琳琅。璚昆。吾城。玃玄厲。礪石。碻砢。其東則有蕙圃。衡蘭。芷若。芎藭。菖蒲。茝薹。蘼蕪。諸柘。巴苴。其南則有平原。廣澤。登降。陁靡。案衍。壇曼。緣以大江。限以巫山。其高燥則生葳蕤。苞荔。薛莎。青蘋。其埤溼則生葺葹。蒹葭。東籜。彫胡。蓮藕。觚盧。菴閭。軒于。衆物居之。不可勝圖。其西則有湧泉。清池。激水。推移。外發芙蓉。菱華。內隱鉅石。白

沙其中則有神龜蛟鼉瑋瑁鼈龜其北則有陰林巨樹榿柟豫章桂椒木蘭檟離
朱楊檣梨棗橘柚芬芳其上則有鸚鵡孔鸞騰遠射干其下則有白虎玄豹螭
蛟羆犴於是乎乃使剗諸之倫手格此獸楚王乃駕馴駁之駟乘彫玉之輿靡魚
須之橈旃曳明月之珠旗建干將之雄戟左鳥號之彫弓右夏服之勁箭陽子驂
乘娥阿爲御案節未舒卽陵狡獸蹙蚤蚤驂距虛軼野馬轉駒駘乘遺風射游騏
倏呻倩洌雷動焱至星流霆擊弓不虛發中必決眦洞胸達掖絕乎心繫獲若雨
獸揜草蔽地於是楚王乃弭節徘徊翱翔容與覽乎陰林觀壯士之暴怒與猛獸
之恐懼激執受訕殫覩衆物之變態於是鄭女曼姬被阿緡揄紵縞雜纖羅垂霧
縠襲積縐紆徐委曲鬱橈谿谷粉粉袿袿揚旒戍削蜚纒垂髻扶輿猗靡翕呬
萃蔡下靡蘭蕙上拂羽蓋錯翡翠之葳蕤繆繞玉綏眇眇忽忽若神仙之髣髴於
是乃相與獠於蕙圃嬰姍敦率上乎金隄揜翡翠射駿驥微矰出纖繳施弋白鵠
連駕鵝雙鷁下玄鶴加怠而後發游於清池浮文鷁揚旌榿張翠帷建羽蓋網瑋

瑁鈎紫貝。撻金鼓。吹鳴籟。榜人歌。聲流喝。水蟲駭。波鴻沸。涌泉起。奔揚會。礪石相。擊。硠硠。磕磕。若雷霆之聲。聞乎數百里之外。將息獠者。擊靈鼓。起烽燧。車按行。騎就隊。纒乎淫淫。般乎裔裔。於是楚王乃登雲陽之臺。泊乎無爲。澹乎自持。勺藥之。和具而後御之。不若大王終日馳騁。曾不下輿。將割輪焯。自以爲娛。臣竊觀之。齊殆不如。於是齊王無以應僕也。烏有先生曰。是何言之過也。足下不遠千里來。謁齊國王。悉發境內之士。備車騎之衆。與使者出畋。乃欲戮力致獲。以娛左右。何名爲夸哉。問楚地之有無者。願聞大國之風。烈先生之餘論也。今足下不稱楚王之德厚。而盛推雲夢以爲高。奢言淫樂而顯侈靡。竊爲足下不取也。必若所言。固非楚國之美也。無而言之。是害足下之信也。彰君惡。傷私義。二者無一可。而先生行之。必且輕於齊。而累於楚矣。且齊東階鉅海。南有琅邪。觀乎成山。射乎之罘。浮渤澥。游孟諸。邪與肅慎爲鄰。右以暘谷爲界。秋田乎青邱。徬徨乎海外。吞若雲夢者。八九於其胸中。曾不薺芥。若乃傲儻瑰璋。異方殊類。珍怪鳥獸。萬端鱗碎。充牣其

中者不可勝記。禹不能名，高不能計。然在諸侯之位，不敢言遊戲之樂。苑囿之大，先生又見。客是以王辭不復，何爲無以應哉。

漢司馬相如上林賦

亡。是。公。听。然。而。笑。曰。楚。則。失。矣。而。齊。亦。未。爲。得。也。夫。使。諸。侯。納。貢。者。非。爲。財。幣。所。以。述。職。也。封。疆。畫。界。者。非。爲。守。禦。所。以。禁。淫。也。今。齊。列。爲。東。藩。而。外。私。肅。慎。捐。國。踰。限。越。海。而。田。其。於。義。固。未。可。也。且。二。君。之。論。不。務。明。君。臣。之。義。正。諸。侯。之。禮。徒。事。爭。於。游。戲。之。樂。苑。囿。之。大。欲。以。奢。侈。相。勝。荒。淫。相。越。此。不。可。以。揚。名。發。譽。而。適。足。以。專。君。自。損。也。且。夫。齊。楚。之。事。又。烏。足。道。乎。君。未。覩。夫。巨。麗。也。獨。不。聞。天。子。之。上。林。乎。左。蒼。梧。右。西。極。丹。水。更。其。南。紫。淵。徑。其。北。終。始。灞。澆。出。入。涇。渭。艷。鎬。潦。漓。紆。餘。委。蛇。經。營。乎。其。內。蕩。蕩。乎。八。川。分。流。相。背。而。異。態。東。西。南。北。馳。驚。往。來。出。乎。椒。邱。之。闕。行。乎。洲。淤。之。浦。經。乎。桂。林。之。中。過。乎。泱。泱。之。溟。汜。乎。混。流。順。阿。而。下。赴。隘。陘。之。口。觸。穹。石。激。堆。埼。沸。乎。暴。怒。洶。涌。澎。湃。澤。弗。宓。汨。偪。側。泌。澗。橫。流。逆。折。轉。

騰。澈。冽。滂。漚。沆。漑。穹。隆。雲。繞。宛。渾。膠。盪。踰。波。趨。浥。洳。洳。下。瀨。批。巖。衝。擁。奔。揚。滯。沛。
 臨。坻。注。壑。漫。瀟。實。墜。沈。沈。隱。隱。砢。磅。訇。磕。瀟。瀟。淠。淠。洽。漑。鼎。沸。馳。波。跳。沫。汨。急。漂。
 疾。悠。遠。長。懷。寂。寥。無。聲。肆。乎。永。歸。然。後。灑。灑。潢。潢。安。翔。徐。回。翫。乎。瀉。瀉。東。注。太。湖。
 衍。溢。陂。池。於。是。乎。蛟。龍。赤。螭。鮪。鱮。漸。離。鯛。鰈。鰻。魴。禹。禹。魴。鰻。捷。鰭。掉。尾。振。鱗。奮。翼。
 潛。處。乎。深。巖。魚。鼈。謹。聲。萬。物。衆。夥。明。月。珠。子。的。皦。江。靡。蜀。石。黃。硬。水。玉。磊。砢。磷。磷。
 爛。爛。采。色。滂。汗。藜。積。乎。其。中。鴻。鸕。鶖。鴝。鴛。鴦。屬。玉。交。精。旋。目。煩。鶩。庸。渠。箴。疵。鳩。盧。
 羣。浮。乎。其。上。汎。淫。泛。濫。隨。風。澹。淡。與。波。搖。蕩。奄。薄。水。渚。唼。唼。菁。藻。咀。嚼。菱。藕。於。是。
 乎。崇。山。矗。矗。寵。崑。崔。巍。深。林。巨。木。嶄。巖。參。差。九。嶼。截。辭。南。山。峩。峩。巖。陀。甌。綺。糴。峩。
 嶠。崎。振。溪。通。谷。蹇。產。溝。瀆。給。呀。豁。闕。阜。陵。別。隔。歲。魄。喂。廩。邱。虛。堀。壘。隱。鱗。鬱。嶮。登。
 降。施。靡。陂。池。狎。豸。沈。溶。淫。鬻。散。渙。夷。陸。亭。臯。千。里。靡。不。被。築。揜。以。綠。蕙。被。以。江。薜。
 糝。以。蘘。蕪。雜。以。留。夷。布。結。縷。攢。戾。莎。揭。車。衡。蘭。橐。本。射。干。芘。薑。蓂。荷。葳。持。若。蓀。鮮。
 支。黃。礫。蔣。苧。青。蘋。布。濩。閔。澤。延。曼。太。原。離。靡。廣。衍。應。風。披。靡。吐。芳。揚。烈。郁。郁。菲。菲。

衆香發越。越。肝。蟹。布。寫。晻。夢。必。第。於。是。乎。周。覽。泛。觀。縝。紛。軋。芴。芒。芒。恍。忽。視。之。無。端。
察。之。無。涯。日。出。東。沼。入。乎。西。陂。其。南。則。隆。冬。生。長。涌。水。躍。波。其。獸。則。獮。旄。獬。犛。沈。
牛。塵。麋。赤。首。圓。題。窮。奇。象。犀。其。北。則。盛。夏。含。凍。裂。地。涉。冰。揭。河。其。獸。則。麒。麟。角。端。
駟。駮。橐。駝。蛩。蛩。驪。騃。馱。馱。驢。羸。於。是。乎。離。宮。別。館。彌。山。跨。谷。高。廊。四。注。重。坐。曲。閣。
華。棖。壁。璫。輦。道。纒。屬。步。櫚。周。流。長。途。中。宿。夷。巖。築。堂。累。臺。增。成。巖。窈。洞。房。頰。杳。眇。
而。無。見。仰。天。椽。而。捫。天。奔。星。更。於。閨。闈。宛。虹。拖。於。楯。軒。青。龍。蚺。於。東。廂。象。輿。婉。
憚。於。西。清。靈。囿。燕。於。閒。館。偃。倅。之。倫。暴。於。南。榮。醴。泉。涌。於。清。室。通。川。過。於。中。庭。盤。
石。振。崖。嶽。巖。倚。傾。嗟。峨。嶻。嶭。刻。削。崢。嶸。玫。瑰。碧。琳。珊。瑚。叢。生。璫。玉。旁。唐。玢。幽。文。鱗。
赤。瑕。駁。犖。雜。垂。其。閒。晁。采。琬。琰。和。氏。出。焉。於。是。乎。盧。橘。夏。熟。黃。甘。橙。棗。枇杷。檮。柿。
亭。奈。厚。朴。檉。棗。楊。梅。櫻。桃。蒲。陶。隱。夫。奠。棗。蒼。選。離。支。羅。乎。後。宮。列。乎。北。園。鮑。邱。陵。
下。平。原。揚。翠。葉。杙。紫。莖。發。紅。華。垂。朱。榮。煌。煌。扈。扈。照。曜。鉅。野。沙。棠。櫟。檮。華。楓。枰。櫨。
留。落。胥。邪。仁。頻。并。閭。欒。檀。木。蘭。豫。章。女。貞。長。千。仞。大。連。抱。夸。條。直。暢。實。葉。稜。楸。攢。

立叢倚連卷。欂佹崔錯發。飢坑衡間。矻垂條扶疏。落英幡纒紛。溶箭蔘猗。狔從風。薊莅崑歛。蓋象金石之聲。管籥之音。僕池苾虺旋還乎。後宮雜襲。絜輯被山。緣谷循阪。下隰視之。無端究之。無窮。於是乎玄媛素雌。雌獲飛蠃。蛭蜩蠖。獠獠胡。穀。蟻。棲息乎其閒。長嘯哀鳴。翩幡互經。夭矯枝格。偃蹇杪顛。踰絕梁。騰殊榛。捷垂條。掉希閒。牢落陸離。爛漫遠遷。若此者數百千處。娛遊往來宮宿。館舍庖廚。不徙後宮不移百官。備具於是乎。背秋涉冬。天子校獵。乘鏤象。六玉蚪。拖蜺旌。靡雲旗。前皮軒。後道游。孫叔奉轡。衛公參乘。扈從橫行。出乎四校之中。鼓嚴簿。縱獵者。江河爲陸。泰山爲櫓。車騎雷起。殷天動地。先後陸離。離散別追。淫淫裔裔。緣陵流澤。雲布雨施。生貔豹。搏豺狼。手熊羆。足壑羊。蒙鶡蘇。綺白虎。被班文。跨壑馬。凌三峻之危。下磧歷之坻。徑峻赴險。越壑厲水。椎蜚廉。弄獬豸。格蝦蛤。鋌猛氏。縉腰裏。射封豕。箭不苟害。解脰陷腦。弓不虛發。應聲而倒。於是乘輿弭節。徘徊翱翔。往來睨部。曲之進退。覽將帥之變態。然後侵淫促節。儵負遠去。流離輕禽。蹴履狡獸。轉白鹿捷。

狡兔軼赤電。遺光耀追怪物。出宇宙。彎蕃弱。滿白羽。射游臬。櫟蜚遽。擇肉而后發。先中而命處。弦矢分藝殪。仆然后揚節。而上浮。凌驚風。歷駭森。乘虛無。與神俱躡。玄鶴亂昆雞。道孔鸞。促鷓鷯。拂翳鳥。捎鳳凰。捷鵠鷓。揜焦明。道盡途殫。迴車而還。消搖乎襄羊。降集乎北紘。率乎直指。晦乎反鄉。蹙石闕。歷封巒。過鳩鵲。望寒下。棠梨息宜春。西馳宣曲。權鷓牛首。登龍臺。掩細柳。觀士大夫之勤略。均獵者之所。得獲。徒車之所。轡轢。步騎之所。蹂若。人臣之所。蹈籍。與其窮極。倦刼。驚憚。讐伏。不被。創刃而死者。他他籍籍。填阬滿谷。掩平彌澤。於是乎遊戲懈怠。置酒乎顥天之臺。張樂乎膠葛之寓。撞千石之鍾。立萬石之虞。建翠華之旗。樹靈鼉之鼓。奏陶唐氏之舞。聽葛天氏之歌。千人唱。萬人。和。山陵爲之震動。川谷爲之蕩波。巴渝宋蔡。淮南干遮。文成顥歌。族居遞奏。金鼓迭起。鏗鎗闐鞀。洞心駭耳。荆吳鄭衛之聲。韶濩武象之樂。陰淫案衍之音。鄢郢繽紛。激楚結風。俳優侏儒。狄鞮之倡。所以娛耳目。樂心意者。麗靡爛漫。於前靡曼。美色於後。若夫青琴宓妃之徒。絕殊離俗。妖冶

媚都靚粧刻飾。便嬛綽約。柔撓嫚嫚。嫵媚纖弱。曳獨繭之綸袂。眇閭易以卹削。便
姍。嬖屑與俗殊服。芥芳漚鬱。酷烈淑郁。皓齒粲爛。宜笑的。櫟長眉。連娟微睇。繇貌
色授魂與。心愉於側。於是酒中樂酣。天子芒然而思。似若有亡。曰嗟乎。此大奢侈。
朕以覽聽餘閒。無事棄日。順天道以殺伐。時休息於此。恐後葉靡麗。遂往而不返。
非所以爲繼嗣創業垂統也。於是乎乃解酒罷獵。而命有司曰。地可墾闢。悉爲農
郊。以贍萌隸。墮牆塹。塹使山澤之人得至焉。實陂池而勿禁。虛宮館而勿仞。發倉
廩以救貧窮。補不足。卹鰥寡。存孤獨。出德號。省刑罰。改制度。易服色。革正朔。與天
下爲更始。於是歷吉日以齋戒。襲朝服。乘法駕。建華旗。鳴玉鸞。游於六藝之囿。馳
騫乎仁義之塗。覽觀春秋之林。射狸首。兼騶虞。弋玄鶴。舞干戚。載雲罕。揜羣雅。悲
伐檀。樂樂胥。脩容乎禮園。翱翔乎書圃。述易道。放怪獸。登明堂。坐清廟。次羣臣。奏
得失。四海之內。靡不受獲。於斯之時。天下大說。鄉風而聽。隨流而化。崑然興道。而
遷義刑。錯而不用。德隆於三王。而功羨於五帝。若此。故獵乃可喜也。若夫終日馳

騁勞神苦形罷車馬之用。抗士卒之精。費府庫之財。而無德厚之恩。務在獨樂。不顧衆庶。忘國家之政。貪雉兔之獲。則仁者不繇也。從此觀之。齊楚之事。豈不哀哉。地方不過千里。而囿居九百。是草木不得墾辟。而人無所食也。夫以諸侯之細。而樂萬乘之侈。僕恐百姓被其尤也。於是二子愀然改容。超若自失。逡巡避席曰。鄙人固陋。不知忌諱。乃今日見教。謹受命矣。

漢揚雄長楊賦

并序

明年上將大誇胡人。以多禽獸。秋命右扶風發民入南山。西自褒斜。東至弘農。南。敵漢中。張羅網。置罟。捕熊羆。豪豬。虎豹。狄獾。狐兔。麋鹿。載以檻車。輸長楊射熊館。以網爲周。陸縱禽獸。其中令胡人手搏之。自取其獲。上親臨觀焉。是時農民不得收。斂雄從至射熊館。還上長楊賦。聊因筆墨成文章。故藉翰林以爲主人。子墨爲客卿。以諷其辭曰。

子墨客卿問於翰林主人曰。蓋聞聖主之養民也。仁霑而恩洽。動不爲身。今年獵

長楊先命右扶風左太華而右褻斜椽截薛而爲弋紆南山以爲宜羅千乘於林莽列萬騎於山隅帥軍踣陸錫戎獲胡搃熊羆拖豪豬木擁槍纍以爲儲胥此天下之窮覽極觀也雖然亦頗擾於農民三旬有餘其廛至矣而功不圖恐不識者外之則以爲娛樂之游內之則不以爲乾豆之事豈爲民乎哉且人君以玄默爲神澹泊爲德今樂遠出以露威靈數搖動以罷車甲本非人主之急務也蒙竊惑焉翰林主人曰吁客何謂茲邪若客所謂知其一未覩其二見其外不識其內者也僕嘗倦談不能一二其詳請略舉凡而客自覽其切焉客曰唯唯主人曰昔有彊秦封豕其土竄窳其民鑿齒之徒相與磨牙而爭之豪俊擲沸雲擾羣黎爲之不康於是上帝眷顧高祖高祖奉命順斗極運天關橫巨海漂崑崙提劍而叱之所過靡城擗邑下將降旗一日之戰不可殫記當此之勤頭蓬不暇梳飢不及餐鞮鑿生蟣蟲介冑被霑汗以爲萬姓請命乎皇天迺展民之所誦振民之所乏規億載恢帝業七年之間而天下密如也逮至聖文隨風乘流方垂意於至寧躬服

節儉。綈衣不敝。革鞮不穿。大廈不居。木器無文。於是後宮賤瑇瑁而疏珠璣。卻翡翠之飾。除雕琢之巧。惡麗靡而不近。斥芬芳而不御。抑止絲竹宴衍之樂。憎聞鄭衛幼眇之聲。是以玉衡正而太階平也。其後熏鬻作虐。東夷橫畔。羌戎睚眦。閩越相亂。遐氓爲之不安。中國蒙被其難。於是聖武勃怒。爰整其旅。乃命驃衛。紛紜沸渭。雲合電發。森騰波流。機駭蠶軼。疾如奔星。擊如雷霆。碎轡韞破穹廬。腦沙幕髓。余吾遂獵乎王庭。毆橐駝。燒燻蠡。分勞單于。磔裂屬國。夷阬谷。拔鹵莽。刊山石。蹂屍輿。厮係累老弱。曉鋌癡耆。金鏃淫夷者數十萬人。皆稽顙樹頷。扶服蛾伏。二十餘年矣。尙不敢惕息。夫天兵四臨。幽都先加。迴戈邪指。南越相夷。靡節西征。羌僰東馳。是以遐方疏俗。殊鄰絕黨之域。自上仁所不化。茂德所不綏。莫不躑足抗手。請獻厥珍。使海內澹然。永無邊城之災。金革之患。今朝廷純仁。遵道顯義。并包書林。聖風雲靡。英華沈浮。洋溢八區。普天所覆。莫不沾濡。士有不談王道者。則樵夫笑之意者。以爲事罔隆而不殺。物靡盛而不虧。故平不肆險。安不忘危。迺時以有。

年出兵。整輿竦戎。振師五柞。習馬長楊。簡力狡獸。校武稟禽。迺萃然登南山。瞰鳥
弋。西壓月窟。東震日域。又恐後世迷於一時之事。常以此爲國家之大務。淫荒田
獵。陵夷而不禦。也是以車不安軌。日未靡旃。從者髣髴。仇屬而還。亦所以奉太尊
之烈。遵文武之度。復三王之田。反五帝之虞。使農不輟耰。工不下機。婚姻以時。男
女莫違。出愷弟行。簡易矜劬。勞休力役。見百年存孤弱。帥與之同苦樂。然後陳鐘
鼓之樂。鳴鞀磬之和。建碣磻之虞。桔隔鳴球。掉八列之舞。酌允鑠肴樂胥。聽廟中
之雍雍。受神人之福祜。歌投頌。吹合雅。其勤若此。故眞神之所勞也。方將俟元符
以禪梁父之基。增泰山之高。延光於將來。比榮乎往號。豈徒欲淫覽浮觀。馳騁杭
稻之地。周流梨栗之林。蹂踐芻蕘。誇詡衆庶。盛狢獵之收。多麋鹿之獲哉。且盲者
不見咫尺。而離婁燭千里之隅。客徒愛胡人之獲。我禽獸曾不知我亦已獲。其王
侯言未卒。墨客降席。再拜稽首曰。大哉體乎。允非小子之所能及也。迺今日發矇。

廓然已昭矣。

(苑) 祠廟 錄一首

清董祐誠西嶽華山神廟賦

并序

華山者招拒之下都。顯紀之時囿。以雲陽局陰。擎察萬物。雲霏雨灑。汜布上下。靈示焄蒿。權輿生民。故有熊會其羣。神姚媯覲其西。后夏經嬰以珪璧。周禮祀以兵舞。其廟制烏奕。萌柢有漢。世歷千祀。饗格弗隳。蓋以憲章玄穆。奠軌星宿。終始四九。金德之統。余憑軾西征。謁禮其下。見夫層構崩另。幽宮旭卉。目眙神詭。震澹永日。爰託篇翰。爲之賦云。

伊大化之埏埴。息一無於二氣。圓精運而上。靈方祇搏而下。墜寓神皋。於弇州。配少陰。以執契。鬱華嶽之靈囿。秩西宅而司厲。於時白藏受謝。神該效律。萬物芸黃。其華黤黯其實。乃崇明禋。報本反始。百犧百瑜。或縣或殿。書有望秩之典。禮有生植之祀。盛致美之敬。恭。疏爽基以卜。時爾其畛域。則參井之交。兩戒是經。旗旂散其華。鉞質寓其靈。封狼敦圉而睽。陽朱鳥頡頏而碎。獠東有嶠函重險。黃巷之隘。

詰屈偪仄穹隆堂防出坎入窞一陰一陽西則廣遙高陸邈迥洞達八期九達方
軌轆轤馭喬輕驚驛勞輻輳南則崇山岩嶙結霓隱天重甌累鬲曲岌宛螳率呬
屬英譎樓詭連掣爾上截句胡蠹援巨蹠盤踞矍踴紛戲夫容菡萏韡韡猗猗日
月繫其房的枋北斗而為茄北則洪水湯湯太白所都滓渭嶠洛異源同輸礧錯
礧畧疏薄墳墟温汾潦滂規轉萬趨擎厓蹈堆濫潰澎淳孫紆厥躍雷訇火沸灑
滌冲融羸馘潰瀆蹇蹕寸卻奔溜踵至濛濛甄甄天滿無外爾乃審曲面勢構極
甄三遐陟博置萬象一含故觀其郭郭之制則亭亭茗茗隱隱嶙嶙岩峩崑嶩
嶢嶢岫睥睨密比瓣華洪紛菑蚤肉而不齟幪牙抱而成輪增盤層高靡迤澶澆
蠡旋蝸縣倨角作銑訐然風折宛爾雲轉上則角樓崔嵬坵坵積菁二四八六環
已共戊疊累重益舛互駢填上下刻陷東西搃延陽烏運於清宸見晦羽之翾翾
平眺俯矚無地有天如閨風之干北辰鐘鼓之衛帝館也乃憲紫宮太室匡衛十
二以為祕宮承龍心於明堂帶壁壘於上墉高閣有閤閣以祝融五門並啟蹇產

鞠崇燦闕中。企流火凝冬。闕素閣於皋稽。鬯青陽於谷風。門臺諒以岑竦。躡重陽而踞峙。承駁緜於上榮。颺焱悠以紅翠。五鳳秋其振翰。遡霄翥以容裔。樛星金城。複閣重闈。飾以大朱。聖以石脂。鬱乎若翬。飛鳥跂霍。繹而紛泊。又若鱗茸。齒次。墀燥而參差。於是陰陽壹壺。義璘回旋。龍訛豹渝。旗揭旒翩。樽樽晉晉。連拳而爲正。殿挈貳抗梁。以濯瀟。檣槍奔雷而爛熳。玄龜襁柱而鼉屬。神鹿搯節而觥鬻。枅栴紛糾交閱。積沓莘莘。總總周盤。礪礪若意密而體疏。終支附而膚合。馭遺風以下。追蹤岑累而相聶。陰螭衙衙。膠流負阿。明月承吻。宵窳倒華。髮綵絳稅。反蒂萼葩。閒以蒼藻。雜以莢葭。離實春井。翕翠秋波。重屋四注。繇以椳栒。浮柱承欒。紉纒縷縷。綺垂繭縹。四極炕罟。睨窻鞞鞞。屈已交午。絡皮簷與方連。錯鉤互於窻藪。爰有牝茂牡甑。蓋戴僕池。繡爛黼粲。六章流離。登天光於朏明。曳窻延而孕奇。建木四照。秀華金支。琅玕璘璘。翡翠威蕤。珠被齊光。煇黃紛披。矧軒孔翥。條呻回馳。闔爾雨散。躋成朝蜺。瑰珍詭狀。惟意所移。放悲須搖。從望而迷。排飛闔以仰瞰。心愕怡。

而。佛。憎。神。泛。溟。於。采。窟。怵。猓。猓。而。孳。隧。復。奄。留。於。焚。燎。魂。稠。敷。以。掣。曳。攀。疏。樵。以。跂。竚。窅。窅。杳。其。無。際。降。旅。庭。以。常。羊。又。垝。圯。以。靡。旣。離。朱。瞭。而。眴。昧。都。盧。僂。而。駢。躡。爾。乃。顛。靈。正。位。方。示。紱。倫。崇。金。天。之。穆。皇。象。泰。壹。之。威。神。龍。袞。遂。延。昭。明。三。辰。弁。瑤。光。於。綦。會。組。約。約。於。衿。袴。精。旆。騷。殺。而。裔。雨。葩。瑤。琴。麗。而。莽。雲。威。震。震。以。燿。燿。赫。歔。歔。其。若。存。五。精。帥。摧。八。神。拱。侍。句。芒。龍。粲。禹。彊。蛇。珥。蓐。收。典。鉞。紅。光。所。司。禹。兒。祛。衣。以。裹。綦。方。皇。犇。野。而。睢。睽。師。師。遂。遂。二。八。連。臂。豐。饜。鼓。車。以。夾。坐。馮。夷。從。風。而。爲。衛。於。後。迺。有。溫。房。涼。館。閒。宮。遂。圉。鑢。金。綴。礮。疏。蘭。架。宇。蒼。琅。設。門。羃。以。珠。舞。玉。女。嬌。悅。而。遞。代。金。妃。耍。眇。而。參。伍。大。帝。之。靈。於。焉。興。處。遂。乃。曾。臺。獬。豸。以。旁。延。石。磴。嶂。隗。以。上。屬。嶷。釐。迫。側。咄。彙。頽。狂。獷。爪。牙。窳。鉞。覆。鏡。重。足。累。蹠。躬。躬。扶。服。跟。別。首。剝。跪。愕。觝。蠟。沾。灑。馮。峯。欲。詘。賊。悖。沮。汗。滲。漉。喘。絕。復。歔。蟻。却。蟹。爪。拾。級。而。登。者。蓋。以。百。計。迺。貫。倒。景。絕。大。鴻。超。野。馬。浮。蟻。蠓。舒。息。輶。節。擗。乎。萬。壽。之。宮。神。岳。將。將。爛。炤。眞。靈。櫛。會。礪。函。天。緯。杳。冥。日。夜。出。雲。光。景。煒。熒。千。變。百。殊。晷。刻。歧。

形。或。嘗。霰。牢。落。匹。盜。駱。驛。衛。奔。象。逸。半。散。邈。遶。太。行。恆。山。浮。混。碣。石。或。糾。屈。櫛。密。
蚪。結。鶴。立。左。招。右。索。摧。噉。翕。集。專。專。默。默。似。有。於。邑。或。份。郁。亂。費。景。炎。扈。煌。赫。戲。
叛。換。羽。旄。殷。芒。還。照。濛。汜。啟。明。銑。光。或。神。昧。鬼。杳。霾。瞠。瞋。曖。造。象。太。極。赤。萌。表。裏。
胚。胎。殷。虺。汨。若。下。海。或。猗。儺。婉。嬗。綽。約。脩。嫫。乍。首。乍。背。明。暎。微。諭。忽。如。有。思。曲。障。
回。裾。或。玃。鬢。噴。勃。頰。艷。恂。恂。土。囊。崩。車。渭。鬱。颺。颺。賁。星。賁。芒。魚。路。浪。騰。然。後。沖。漠。
滯。深。收。華。閼。曜。歸。神。玄。始。藏。象。大。幃。希。夷。頌。洞。嫗。母。萬。竅。其。左。右。則。飛。閣。流。丹。中。
度。仙。經。碧。簡。赤。文。守。以。六。丁。五。千。三。洞。洞。元。上。清。兆。朕。太。元。延。康。赤。明。神。策。百。二。
華。蓋。黃。庭。虛。虛。非。馬。亢。倉。無。名。金。虎。白。龍。參。同。玄。英。先。乾。蘊。氣。後。坤。返。形。眞。誥。祕。
符。煥。乎。層。城。迺。有。馬。明。修。羊。叔。卿。子。先。葛。越。壺。公。洞。明。自。然。西。河。歌。而。嘽。嘽。仲。甫。
飛。而。躡。躡。韓。衆。駕。鹿。以。子。蛻。茅。濛。馭。龍。而。蜿。僮。玄。方。鬢。髮。而。遨。嬉。毛。女。纖。纒。而。騰。
鸞。實。列。仙。之。攸。字。總。無。上。於。諸。天。於。是。降。澄。道。步。中。唐。泛。眺。四。周。而。巡。回。皇。乃。有。
汎。泉。消。澮。清。冷。紆。餘。互。望。神。之。虹。梁。象。雲。漢。之。荷。衢。翔。陽。浴。其。東。界。金。樞。浪。於。西。

隅。觸。堅。成。沼。過。竄。爲。渠。晶。沙。雪。離。鏡。萍。星。鋪。頌。首。頰。尾。謹。聲。噉。喙。外。有。神。荼。鬱。壘。
之。殿。朱。索。菱。葦。魑。頭。四。目。甲。作。凌。遽。黃。父。閃。倏。聖。母。楷。耕。父。糧。靈。保。儻。歌。赫。拉。蟲。
殃。若。乃。豐。碑。穹。崇。樂。石。之。府。與。夫。御。香。祭。器。省。牲。易。服。之。所。耽。耽。翼。翼。鷗。饗。祚。主。
式。禮。苾。芬。鼉。萃。振。古。揚。摧。庶。彙。明。共。羣。生。茫。端。渾。竟。不。可。殫。名。木。則。松。栴。樅。檜。貞。
尤。守。宮。鼠。梓。虎。目。白。梭。赤。桐。森。葦。聚。繆。輪。困。離。奇。翳。檜。喬。檄。扶。疏。瑰。魁。敦。慳。杼。杈。
捎。擢。茈。虺。刺。天。垂。陰。閔。地。沔。陽。作。鱗。句。羽。之。而。聶。炕。藪。中。扇。風。調。竽。笙。簧。軼。茂。鄧。
林。齊。蔚。搏。桑。結。根。太。始。稟。玄。攝。提。歷。部。揚。華。閱。統。翹。支。邁。奇。齡。於。九。頭。何。周。秦。與。
漢。隋。爰。有。陰。火。兔。伏。遊。氣。成。絲。琥。珀。威。喜。神。菌。華。芝。燭。耀。乎。其。下。鳥。則。舞。鶴。二。八。
獨。鵠。雙。鷗。烏。鷄。白。鷗。旦。鷗。晨。鷗。颯。沓。湛。淡。奄。薄。繽。翻。暮。有。鷓。鷖。鷓。離。狂。鷗。肥。鵠。鬼。
車。十。翼。奇。鷄。九。頭。魅。伏。魑。行。怪。歌。哀。謳。誓。聒。乎。其。上。竹。則。綠。籟。篔。簹。周。以。楯。闌。扞。
根。彙。節。春。筍。冬。筠。密。上。稽。露。疏。中。闕。雲。樛。慘。郅。曲。阡。眠。檀。欒。單。體。纖。肌。冰。爽。霞。鮮。
笕。目。空。實。同。稱。異。源。草。則。蕤。蕤。汜。瀟。離。靡。蓓。茂。帛。帛。布。布。異。岫。凌。粲。攢。榮。飗。葉。習。

翠菲青。雉般燐。幡纒精瑩采。純緣陂爛錦。被町噓芬。玃鬱醜。醇薰馨。藥則黃精。赤苓。勤母文。無細辛。大苦。薯蕷。苳胡。千年之苓。九節之蒲。蠲瘡辟癘。泄暑調寒。桐君。僉跗。舌爽未單。果則三色之李。五沃之桃。紫灰燕支。緋碧繡縹。來禽日結。文杏沙棠。猴查燕梅。擘甘罈芳。若榴別房。而攄丹嘉柿。迸蜜而飛霜。百物蠢育。形性慌芒。蓋天地爲廣大也。惟茲山秩。其成網緼。玄黃將受。厥明負反。景於西海。傾六幕而函精。歇緒荒末。開顧隆期。值九六而遵晦。應五百而光飛。是以商秩漢祠。視三而弁。七唐宗感。生而震夙。明帝夢遊。而悚慄。秦璧返而新墟。終胡縊而莽漆。肸明爽於嘉兆。邈玄會而若一。於赫大清。啟命維新。粵若聖祖。下武配京。當龍飛之六。七握神矩。而時巡。致殷薦以精嚴。儼上赫而下明。謨睿慮而攜藻。紀隆祥於天慶。登格皇穹。榮鏡萬靈。故師牧敷其光。奕葉闡其業。嘉端阜殷。而廟貌有赫也。遂作頌曰。巖巖崇居。格岵峩兮。纏宛窳窳。靜闇邃兮。緼豫周張。神晻藹兮。蒙籠混成。回玄氣兮。咄肸豐融。麗萬世兮。

(土)物景 錄四首

周荀況雲賦

有物於此。居則周靜。致下動則綦高。以鉅圓者中規。方者中矩。大參天地。德厚堯禹。精微乎毫毛。而充盈乎大寓。忽兮其極之遠也。攝兮其相逐而返也。叩叩兮天下之咸塞也。德厚而不捐。五采備而成文。往來惛憊。通於大神。出入甚極。莫知其門。天下失之則滅。得之則存。弟子不敏。此之願陳。君子設辭。請測意之。曰。此夫大而○不○塞○者○與○充○盈○大○宇○而○不○窳○入○郤○穴○而○不○偪○者○與○行○遠○疾○速○而○不○可○託○訊○者○與○往○來○惛○憊○而○不○可○爲○固○塞○者○與○暴○至○殺○傷○而○不○億○忌○者○與○功○被○天○下○而○不○私○置○者○與○託○地○而○游○宇○友○風○而○子○雨○冬○日○作○寒○夏○日○作○暑○廣○大○精○神○請○歸○之○雲

宋謝惠連雪賦

歲將暮。時既昏。寒風積。愁雲繁。梁王不悅。游於兔園。迺置旨酒。命賓友。召鄒生。延枚叟。相如末至。居客之右。俄而微霰零。密雪下。王迺歌北風於衛詩。詠南山於周

雅授簡於司馬大夫曰。抽子祕思。騁子妍辭。侔色揣稱。爲寡人賦之。相如於是。避席而起。逡巡而揖。曰。臣聞雪宮建於東國。雪山峙於西域。岐昌發詠於來思。姬滿申歌於黃竹。曹風以麻衣比色。楚謠以幽蘭儷曲。盈尺則呈瑞於豐年。袤丈則表沴於陰德。雪之時義遠矣哉。請言其始。若迺玄律窮。嚴氣升。焦溪涸。湯谷凝。火井滅。溫泉冰。沸潭無湧。炎風不興。北戶瑾扉。裸壤垂繪。於是河海生雲。朔漠飛沙。連氛累靄。揜日韜霞。霰淅瀝而先集。雪紛糅而遂多。其爲狀也。散漫交錯。氛氳蕭索。藹藹浮浮。瀟瀟奕奕。聯翩飛灑。徘徊委積。始緣藁而冒棟。終開簾而入隙。初便娟於墀廡。末縈盈於帷席。旣因方而爲珪。亦遇圓而成璧。眄隰則萬頃同縞。瞻山則千巖俱白。於是臺如重璧。逵似連璐。庭列瑤階。林挺瓊樹。皓鶴奪鮮。白鵬失素。紈袖慙冶。玉顏掩媿。若迺積素未虧。白日朝鮮。爛兮若燭。龍銜耀照。崑山爾其流滴。垂冰緣霤。承隅粲兮。若馮夷剖蚌。列明珠。至夫繽紛繁鷺之貌。皓汗噉潔之儀。迴散縈積之勢。飛聚凝曜之奇。固展轉而無窮。嗟難得而備知。若迺申娛翫之無已。

夜幽靜而多懷。風觸楹而轉響。月承幌而通暉。酌湘吳之醇酎。御狐貉之兼衣。對庭鷗之雙舞。瞻雲鴈之孤飛。折園中之萱草。摘階上之芳薇。踐霜雪之交積。憐枝葉之相違。馳遙思於千里。願接手而同歸。鄒陽聞之。慙然心服。有懷妍唱。敬接末曲。於是迺作而賦積雪之歌。歌曰。攜佳人兮披重幄。援綺琴兮坐芳褥。燎薰鑪兮炳明燭。酌桂酒兮揚清曲。又續而爲白雪之歌。歌曰。曲旣揚兮酒旣陳。朱顏醜兮思自親。願低帷以昵枕。念解珮而褫紳。怨年歲之易暮。傷後會之無因。君寧見階上之白雪。豈鮮耀於陽春。歌卒。王迺尋繹吟翫。撫覽扼腕。顧謂枚叔。起而爲亂。亂曰。白羽雖白。質以輕兮。白玉雖白。空守貞兮。未若茲雪。因時興滅。玄陰凝不昧。其潔太陽。曜不固其節。豈我名潔。豈我貞。憑雲陞降。從風飄零。值物賦象。任地班形。素因遇立。汚隨染成。縱心浩然。何慮何營。

宋謝莊月賦

陳王初喪應劉。端憂多暇。綠苔生閣。芳塵凝榭。悄焉疚懷。不怡中夜。迺清蘭路。肅

桂苑騰吹寒山弭蓋秋坂臨濬壑而怨遙登崇岫而傷遠於時斜漢左界北陸南躔白露暖空素月流天沈吟齊章殷勤陳篇抽毫進牘以命仲宣仲宣跪而稱曰臣東鄙幽介長自邱樊味道懵學孤奉明恩臣聞沈潛既義高明既經日以陽德月以陰靈擅扶光於東沼嗣若英於西冥引玄兔於帝臺集素娥於后庭朏朏警闕朏朏示冲順辰通燭從星澤風增華台室揚采軒宮委照而吳業昌淪精而漢道融若夫氣霽地表雲斂天末洞庭始波木葉微脫菊散芳於山椒鴈流哀於江瀨升清質之悠悠降澄輝之藹藹列宿掩縟長河韜映柔祇雪凝圓靈水鏡連觀霜縞周除冰淨君王迺厭晨懽樂宵宴收妙舞弛清縣去燭房卽月殿芳酒登鳴琴薦若迺涼夜自淒風篁成韻親懿莫從羈孤遞進聆臯禽之夕聞聽朔管之秋引於是絲桐練響音容選和徘徊房露惆悵陽阿聲林虛籟淪池滅波情紆軫其何託懣皓月而長歌歌曰美人邁兮音塵闕隔千里兮共明月臨風歎兮將焉歇川路長兮不可越歌響未終餘景就畢滿堂變容迴遑如失又稱歌曰月既沒兮

露欲晞。歲方晏。兮無與歸。佳期可以還。微霜霑人衣。陳王曰善。迺命執事。獻壽羞璧。敬佩玉音。復之無斁。

北周庾信小園賦

若夫一枝之上。巢父得安巢之所。一壺之中。壺公有容身之地。況乎管寧藜牀。雖穿而可坐。嵇康鍛竈。既煖而堪眠。豈必連闔洞房。南陽樊重之第。綠墀青瑣。西漢王根之宅。余有數畝。敵廬寂寞。人外聊以擬伏臘。聊以避風霜。雖復晏嬰近市。不求朝夕之利。潘岳面城。且適閒居之樂。況乃黃鶴戒露。非有意於輪軒。爰居避風。本無情於鐘鼓。陸機則兄弟同居。韓康則舅甥不別。蝸角蚊睫。又足相容者也。爾乃窟室徘徊。聊同鑿坏。桐間露落。柳下風來。琴號珠柱。書名玉杯。有棠梨而無館。足酸棗而非臺。猶得欹側八九丈。縱橫數十步。榆柳兩三行。梨桃百餘樹。撥蒙密。兮見窗。行欹斜。兮得路。蟬有翳兮不驚。雉無羅兮何懼。草樹溷淆。枝格相交。山爲蕢覆。地有堂坳。藏狸竝窟。乳鵲重巢。連珠細菌。長柄寒匏。可以療飢。可以棲遲。敵

陋兮狹室穿漏兮茅茨簷直倚而妨帽。戶平行而礙眉。坐帳無鶴。支牀有龜。鳥多
閑。暇。花。隨。四。時。心。則。歷。陵。枯。木。髮。則。睢。陽。亂。絲。非。夏。日。而。可。畏。異。秋。天。而。可。悲。一
寸。二。寸。之。魚。三。竿。兩。竿。之。竹。雲。氣。蔭。於。叢。著。金。精。養。於。秋。菊。棗。酸。梨。酢。桃。攄。李。奠。
落。葉。半。牀。狂。花。滿。屋。名。爲。楚。人。之。家。是。謂。愚。公。之。谷。試。偃。息。於。茂。林。迺。久。羨。於。抽
簪。雖。有。門。而。長。閉。實。無。水。而。恆。沈。三。春。負。鋤。相。識。五。月。披。裘。見。尋。問。葛。洪。之。藥。性。
訪。京。房。之。卜。林。草。無。忘。憂。之。意。花。無。長。樂。之。心。鳥。何。事。而。逐。酒。魚。何。情。而。聽。琴。加
以。寒。暑。異。命。乖。違。惠。性。崔。駟。以。不。樂。損。年。吳。質。以。長。愁。養。病。鎮。宅。神。以。薤。石。厭。山。
精。而。照。鏡。屢。動。莊。舄。之。唵。幾。行。魏。穎。之。命。薄。晚。閑。閨。老。幼。相。攜。蓬。頭。王。霸。之。子。椎。
髻。梁。鴻。之。妻。焦。麥。兩。甕。寒。菜。一。畦。風。騷。而。樹。急。天。慘。慘。而。雲。低。聚。空。倉。而。雀。噪。
驚。懶。嬾。而。蟬。嘶。昔。草。濫。於。吹。噓。藉。文。言。之。慶。餘。門。有。通。惠。家。承。賜。書。或。陪。玄。武。之。
觀。時。參。鳳。凰。之。墟。觀。受。齋。於。宣。室。賦。垂。楊。於。直。廬。遂。乃。山。崩。川。竭。冰。碎。瓦。裂。大。盜。
潛。移。長。離。永。滅。摧。直。轡。於。三。危。碎。平。途。於。九。折。荆。軻。有。寒。水。之。悲。蘇。武。有。秋。風。之。

別關山則風月悽愴隴水則肝腸斷絕龜言此地之寒鶴訝今年之雪百靈兮倏忽菁華兮已晚不雪雁門之蹄先念鴻陸之遠非淮海兮可變非金丹兮能轉不暴骨於龍門終低頭於馬坂諒天造兮昧昧嗟生民兮渾渾

(革)雜物 錄四首

周荀況蠶賦

有物於此儻儻兮其狀屢化如神功被天下爲萬世文禮樂以成貴賤以分養老長幼待之而後存名號不美與暴爲鄰功立而身廢事成而家敗弃其耆老收其後世人屬所利飛鳥所害臣愚而不識請占之五泰五泰占之曰此夫身女好而頭馬首者與屢化而不壽者與善壯而拙老者與有父母而無牝牡者與冬伏而夏游食桑而吐絲前亂而後治夏生而惡暑喜溼而惡雨蛹以爲母蛾以爲父三俯三起事乃大已夫是之謂蠶理

漢馬融長笛賦

并序

融既博覽典雅。精核數術。又性好音律。鼓琴吹笛。而爲督郵無留事。獨臥郿平陽。郿中有雒客舍。逆旅吹笛。爲氣出精。列相和。融去京師。踰年。蹶聞甚悲。而樂之。追慕王子淵。枚乘。劉伯康。傅武仲等。簫琴笙頌。唯笛獨無。故聊復備數。作長笛賦。其辭曰。

惟籛籠之奇生兮。於終南之陰崖。託九成之孤岑兮。臨萬仞之石磓。特箭彙而莖立兮。獨聆風於極危。秋潦漱其下趾兮。冬雪揣封乎其枝。巔根跼之槩。別兮感迴。飈而將頽。夫其面旁則重巘增石。簡積頽頽。兀婁犛鬻。傾昃倚伏。摩窳巧老。港洞坑谷。嶰壑澮峴。罔窳巖覆。運裊穿浚。岡連嶺屬。林簫蔓荆。森慘柞樸。於是山水猥至。滄泮障潰。頽淡滂流。確投洩穴。爭湍萃縈。汨活澎滂。波瀾鱗淪。窳隆詭戾。瀉瀑噴沫。犇遯礪突。搖演其山。動杙其根者。歲五六而至焉。是以間介無蹊。人迹罕到。猿雌晝吟。鼯鼠夜叫。寒熊振頷。特夔昏彭。山雞晨羣。壘雉鼃。雖求偶鳴。子悲號。長嘯由衍。識道。噍噍。謹譟。經涉其左右。吮聒其前後者。無晝夜而息焉。夫固危殆險。

噉。之。所。迫。也。衆。哀。集。悲。之。所。積。也。故。其。應。清。風。也。織。末。奮。箝。錚。鏘。警。嗚。若。絙。瑟。促。
柱。號。鍾。高。調。於。是。放。臣。逐。子。棄。妻。離。友。彭。胥。伯。奇。哀。姜。孝。己。攢。乎。下。風。收。精。注。耳。
靄。歎。頽。息。招。膺。擗。標。泣。血。泣。流。交。橫。而。下。通。旦。忘。寐。不。能。自。禦。於。是。乃。使。魯。般。宋。
翟。構。雲。梯。抗。浮。柱。蹉。纖。根。跋。箠。縷。膺。隋。陲。腹。脛。阻。逮。乎。其。上。匍。匐。伐。取。挑。截。本。末。
規。摹。護。矩。夔。襄。比。律。子。壘。協。呂。十。二。畢。具。黃。鍾。爲。主。橋。揉。斤。械。輒。揆。度。擬。鑿。碣。隕。
墜。程。表。朱。裏。定。名。曰。笛。以。觀。賢。士。陳。於。東。階。八。音。俱。起。食。舉。雍。徹。勸。侑。君。子。然。後。
退。理。乎。黃。門。之。高。廊。重。邱。宋。灌。名。師。郭。張。工。人。巧。士。肄。業。脩。聲。於。是。遊。閒。公。子。暇。
豫。王。孫。心。樂。五。聲。之。和。耳。比。八。音。之。調。乃。相。與。集。乎。其。庭。詳。觀。夫。曲。胤。之。繁。會。叢。
雜。何。其。富。也。紛。葩。爛。漫。誠。可。喜。也。波。散。廣。衍。實。可。異。也。筭。距。劫。遷。又。足。怪。也。嗽。咋。
嘈。啐。似。華。羽。兮。絞。灼。激。以。轉。切。震。鬱。怫。以。憑。怒。兮。眩。礪。駭。以。奮。肆。氣。噴。勃。以。布。覆。
兮。乍。時。噓。以。狼。戾。靄。叩。鍛。之。岌。峇。兮。正。瀏。溧。以。風。冽。薄。湊。會。而。凌。節。兮。馳。趣。期。而。
赴。躡。爾。乃。聽。聲。類。形。狀。似。流。水。又。象。飛。鴻。汜。濫。溥。漠。浩。浩。洋。洋。長。轡。遠。引。旋。復。迴。

皇充屈鬱。律隕菌礮。秧艷琅磊。落駢田磅。唐取予時。適去就有。方洪殺衰。序希數必。當微風纖妙。若存若亡。蓋滯抗絕。中息更裝。奄忽滅沒。曄然復揚。或乃聊慮。固護專美。擅工漂凌。絲簧覆冒。鼓鐘或乃。植持纒纏。佻儷寬容。簫管備舉。金石並隆。無相奪倫。以宣八風。律呂既和。哀聲五降。曲終闋盡。餘絃更興。繁手累發。密櫛疊重。躡蹻攢仄。蜂聚蟻同。衆音猥積。以送厥終。然後少息。暫怠雜弄。間奏易聽。駭耳有所。搖演安翔。駘蕩從容。闡緩惆悵。怨懟窳盭。聿皇求索。乍近乍遠。臨危自放。若頽復反。蚡緼蟠紆。經窵蜿蠹。篋笏抑隱。行入諸變。絞槩泊滄。五音代轉。按拏梭臧。遞相乘遑。反商下徵。每各異善。故聆曲引者。觀法於節奏。察度於句投。以知禮制之不可踰越焉。聽籥弄者。遙思於古昔。虞志於怛惕。以知長戚之不能閒居焉。故論記其義。協比其象。徬徨縱肆。曠養敞罔。老莊之槩也。溫直優毅。孔孟之方也。激朗清厲。隨光之介也。牢刺拂戾。諸賁之氣也。節解句斷。管商之制也。條決續紛。申韓之察也。繁縟絡繹。范蔡之說也。勞櫟銚慳。督龍之惠也。上擬法於韶。節南

籥中取度於白雪。淥水下采制於延露。巴人是以尊卑都鄙。賢愚勇懼。魚鼈禽獸。聞之者莫不張耳鹿駭。熊經鳥申。鷓眈狼顧。拊譟踴躍。各得其齊。人盈所欲。皆反中和。以美風俗。屈平適樂國。介推還受祿。澹臺載尸歸。臯魚節其哭。長萬輟逆謀。渠彌不復惡。蒯瞶能退敵。不占成節鄂。王公保其位。隱處安林薄。宦夫樂其業。士子世其宅。鱣魚喁於水裔。仰駟馬而舞玄鶴。於斯時也。緜駒吞聲。伯牙毀絃。瓠巴聃柱。磬襄弛懸。留眈眈。胎累稱。屢讚失容。墜席搏拊。雷扑焦眇。睢維涕洟。流漫是故。可以通靈感物。寫神喻意。致誠効志。率作興事。漑盥汗濺。澡雪垢滓矣。昔庖羲作琴。神農造瑟。女媧制簧。暴辛爲埴。垂之和鐘。叔之離磬。或鑠金。礱石。華琬切錯。丸挺彫琢。刻鏤鑽管。窮妙極巧。曠以日月。然後成器。其音如彼。唯笛因其天姿。不變其材。伐而吹之。其聲如此。蓋亦簡易之義。賢人之業也。若然六器者。猶以二皇聖哲。黈益。況笛生乎大漢。而學者不識其可以裨助盛美。忽而不讚。悲夫。有庶士邱仲言其所由出。而不知其弘妙。其辭曰。近世雙笛從羌起。羌人伐竹未及已。龍

鳴水中不見已。截竹吹之。聲相似。刻其上孔通洞之。裁以當籥。便易持。易京君明識音律。故本四孔。加以一。君明所加孔後出。是謂商聲五音畢。

漢彌衡鸚鵡賦

并序

時黃祖太子射賓客大會。有獻鸚鵡者。舉酒於衡前曰。彌處士今日無用娛賓。竊以此鳥自遠而至。明慧聰善。羽族之可貴。願先生爲之賦。使四坐咸共榮觀。不亦可乎。衡因爲賦。筆不停綴。文不加點。其辭曰。

惟西域之靈鳥兮。挺自然之奇姿。體金精之妙質兮。含火德之明輝。性辯慧而能言兮。才聰明以識機。故其嬉游高峻。栖跼幽深。飛不妄集。翔必擇林。紺趾丹觜。綠衣翠衿。采采麗容。咬咬好音。雖同族於羽毛。固殊智而異心。配鸞皇而等美焉。比德於衆禽。於是羨芳聲之遠暢。偉靈表之可嘉。命虞人於隴坻。詔伯益於流沙。跨崑崙而播弋。冠雲霓而張羅。雖綱維之備設。終一目之所加。且其容止閑暇。守植安停。迫之。不懼。撫之。不驚。寧順從以遠害。不違忤以喪生。故獻全者受賞。而傷肌。

者。被。刑。爾。迺。歸。窮。委。命。離。羣。喪。侶。閉。以。雕。籠。翦。其。翅。羽。流。飄。萬。里。崎。嶇。重。阻。踰。岷。
越。障。載。罹。寒。暑。女。辭。家。而。適。人。臣。出。身。而。事。主。彼。賢。哲。之。逢。患。猶。棲。遲。以。羈。旅。矧。
禽。鳥。之。微。物。能。馴。擾。以。安。處。眷。西。路。而。長。懷。望。故。鄉。而。延。佇。忖。陋。體。之。腥。臊。亦。何。
勞。於。鼎。俎。嗟。祿。命。之。衰。薄。奚。遭。時。之。險。巖。豈。言。語。以。階。亂。將。不。密。以。致。危。痛。母。子。
之。永。隔。哀。伉。儷。之。生。離。匪。餘。年。之。足。惜。愍。衆。難。之。無。知。背。蠻。夷。之。下。國。侍。君。子。之。
光。儀。懼。名。實。之。不。副。恥。才。能。之。無。奇。羨。西。都。之。沃。壤。識。苦。樂。之。異。宜。懷。代。越。之。悠。
思。故。每。言。而。稱。斯。若。迺。少。昊。司。辰。蓐。收。整。轡。嚴。霜。初。降。涼。風。蕭。瑟。長。吟。遠。慕。哀。鳴。
感。類。音。聲。悽。以。激。揚。容。貌。慘。以。顛。頓。聞。之。者。悲。傷。見。之。者。隕。淚。放。臣。爲。之。屢。歎。棄。
妻。爲。之。歔。歔。感。平。生。之。游。處。若。墮。篋。之。相。須。何。今。日。之。兩。絕。若。胡。越。之。異。區。順。籠。
檻。以。俯。仰。闕。戶。牖。以。踟。躕。想。崑。山。之。高。嶽。思。鄧。林。之。扶。疏。顧。六。翮。之。殘。毀。雖。奮。迅。
其。焉。如。心。懷。歸。而。弗。果。徒。怨。毒。於。一。隅。苟。竭。心。於。所。事。敢。背。惠。而。忘。初。託。輕。鄙。之。
微。命。委。陋。賤。之。薄。軀。期。守。死。以。報。德。甘。盡。辭。以。效。愚。恃。隆。恩。於。旣。往。庶。彌。久。而。不。

渝。

清李慈銘海棠賦

并序

海棠之植盛於唐代。來自蜀中。號曰西府。若爾雅杜甘棠赤棠白棠諸名。以元恪所說景純所傳參而考之。蓋皆梨屬。非此花也。近世經儒。或據說文牡棠牝杜之言。謂小雅云有杖之杜。有暎其實。海棠華而不實。則杜曰棠者是。然予來京師。海棠最盛。皆有實。青小而微。酢秋時可食。知其說未安。蓋海棠出於戎羌。非古人所及見。故箸於歌詩。自唐而始。其花姚冶獨絕。而宮體莊麗。有過杏花。因遂爲之賦云。

韡彼珍卉。宛其棠名。柔質內勁。豐姿外榮。疑暎實之杖杜。陋垂髻之柔英。幹鏤鐵而直上。枝攢筍而叢生。旣繽紛而四照。乃煙約而露呈。其爲花也。質弱含風。體輕裊露。蕊聶絳囊。萼承綠跗。映朝日以敷華。抹微雲以約素。乍掩抑以半舒。忽嬌凝而怯妒。羌顧影以矜持。亶徘徊以姱媠。協宮體於穠纖。詎凡豔之可埒。乃若漢宮

早春靚妝初罷。飛燕輦從合德竝。載華釵九光明珠百琲。羃錦幔而妨妍。照液池而呈冶。莫不對鏡傳姚。張屏舒采。望屬車於紫皇。倚金鋪而若待。又如玉環睡起。三郎按歌。朱脣淺暈。瓊顏欲酡。卷珊瑚以寫影。背魀窗而延眺。玉闌風淺。金屋晴多。獨無愁而有恨。舞霓裳而嬖娑。則有青城二徐。錦官出游。猩帷屬路。絳繩引舟。燿華而豔奪。鬪桃李而春羞。步幃雲縟。華鏡星稠。惹傾城之蜂蝶。接晴虹於畫樓。又有大周小周。江南極選。燒槽倦彈。剗鞞初展。鬢朶風翹。香階露淺。錦亭窄兮。絳霧交。斗帳褰兮。紅珠卷。悵花落兮。黃昏極。深情於婉嬖。蓋其孕霞爲骨。屑粉爲神。倩影貽夕。茜光媚晨。悄臨風以一笑。蕩亭臺於極春。鳳翹冒兮。蛛網青鳥銜兮。紅巾澹衣香與花氣。娛微陽於美人。至若細雨如塵。輕陰乍斂。海燕不來。朱門半掩。鎖葳蕤兮。斷腸黯夫容兮。睡臉溼燕支而不銷。霑翠泥而欲染。封淚纈兮。絞綃斷夢雲兮。桃簾僕也。句留京國。優游吟驂。訪花之之古寺。憩極樂之名藍。媵麗情於蒼蘅。絢綺天於優曇。十里春罨。萬重錦酣。載光華兮。敞克旋離。離兮。實含寫芳。

魂於珊管寄相思兮。江南。

(寅)賦事 此漢志所謂登高能賦可爲大夫者也。凡二目。

(金)行役 錄一首。

漢班彪北征賦

余遭世之顛覆兮。罹填塞之厄災。舊室滅以邱墟兮。曾不得乎少留。遂奮袂以北征兮。超絕迹而遠遊。朝發軔於長都兮。夕宿瓠谷之玄宮。歷雲門而反顧。望通天之崇崇。乘陵崗以登降。息郇邠之邑鄉。慕公劉之遺德。及行葦之不傷。彼何生之優渥。我獨罹此百殃。故時會之變化兮。非天命之靡常。登赤須之長坂。入義渠之舊城。忿戎王之淫狡。穢宣后之失貞。嘉秦昭之討賊。赫斯怒以北征。紛吾去此舊都兮。騑遲遲以歷茲。遂舒節以遠逝兮。指安定以爲期。涉長路之緜緜兮。遠紆回以繆流。過泥陽而太息兮。悲祖廟之不脩。釋余馬於彭陽兮。且弭節而自思。日晡。晡其將暮兮。覩牛羊之下來。寤怨曠之傷情兮。哀詩人之歎時。越安定以容與兮。

遵長城之漫漫。劇蒙公之疲民兮。爲彊秦乎。築怨捨高。亥之切憂兮。事蠻狄之遼。患不耀德。以綏遠兮。顧厚固而繕藩。首身分而不寤兮。猶數功而辭譽。何夫子之妄說兮。孰云地脈而生殘。登障隧而遙望兮。聊須臾以婆娑。閔獯鬻之猾夏兮。弔尉邛於朝那。從聖文之克讓兮。不勞師而幣加。惠父兄於南越兮。黜帝號於尉佗。降几杖於藩國兮。折吳淠之逆邪。惟太宗之蕩蕩兮。豈曩秦之所圖。躋高平而周覽。望山谷之嵯峨。野蕭條以莽蕩。迴千里而無家。風森發以漂遙兮。谷水灌以揚波。飛雲霧之杳杳。涉積雪之皚皚。鴈雝雝以羣翔兮。鷓鴣鳴以嘒嘒。遊子悲其故鄉兮。心愴恨以傷懷。撫長劍而慨息。泣漣落而霑衣。攬余涕以於邑兮。哀生民之多故。夫何陰暄之不陽兮。嗟久失其平度。諒時運之所爲兮。永伊鬱其誰愬。亂曰。夫子固窮。遊藝文兮。樂以忘憂。惟聖賢兮。達人從事。有儀則兮。行止屈申。與時息兮。君子履信。無不居兮。雖之蠻貊。何憂懼兮。

漢王粲登樓賦

登茲樓以四望兮。聊暇日以銷憂。覽斯宇之所處兮。實顯敞而寡仇。挾清漳之通浦兮。倚曲沮之長洲。背墳衍之廣陸兮。臨臬隰之沃流。北彌陶牧。西接昭邱。華實蔽野。黍稷盈疇。雖信美而非吾土兮。曾何足以少留。遭紛濁而遷逝兮。漫踰紀以迄今。情眷眷而懷歸兮。孰憂思之可任。憑軒檻以遙望兮。向北風而開襟。平原遠而極目兮。蔽荆山之高岑。路逶迤而修迴兮。川旣漾而濟深。悲舊鄉之壅隔兮。涕橫墜而弗禁。昔尼父之在陳兮。有歸與之歎音。鍾儀幽而楚奏兮。莊舄顯而越吟。人情同於懷土兮。豈窮達而異心。惟日月之逾邁兮。俟河清其未極。冀王道之一平兮。假高衢而騁力。懼匏瓜之徒懸兮。畏井渫之莫食。步棲遲以徙倚兮。白日忽其西匿。風蕭瑟而並興兮。天慘慘而無色。獸狂顧以求羣兮。鳥相鳴而舉翼。原野闐其無人兮。征夫行而未息。心悽愴以感發兮。意忉怛而慤惻。循階除而下降兮。氣交憤於胸臆。夜參半而不寐兮。悵盤桓以反側。

宋蘇軾赤壁賦

壬戌之秋。七月既望。蘇子與客泛舟遊於赤壁之下。清風徐來。水波不興。舉酒屬客。誦明月之詩。歌窈窕之章。少焉。月出於東山之上。徘徊於斗牛之間。白露橫江。水光接天。縱一葦之所如。凌萬頃之茫然。浩浩乎如憑虛御風。而不知其所止。飄飄乎如遺世獨立。羽化而登仙。於是飲酒樂甚。扣舷而歌之。歌曰。桂棹兮蘭槳。擊空明兮泝流光。渺渺兮予懷。望美人兮天一方。客有吹洞簫者。倚歌而和之。其聲嗚嗚然。如怨如慕。如泣如訴。餘音嫋嫋。不絕如縷。舞幽壑之潛蛟。泣孤舟之嫠婦。蘇子愀然。正襟危坐而問客曰。何為其然也。客曰。月明星稀。烏鵲南飛。此非曹孟德之詩乎。西望夏口。東望武昌。山川相繆。鬱乎蒼蒼。此非孟德之困於周郎者乎。方其破荊州。下江陵。順流而東也。舳艫千里。旌旗蔽空。醴酒臨江。橫槊賦詩。固一世之雄也。而今安在哉。況吾與子漁樵於江渚之上。侶魚鰕而友麋鹿。駕一葉之扁舟。舉匏樽以相屬。寄蜉蝣於天地。渺滄海之一粟。哀吾生之須臾。羨長江之無

窮挾飛仙以遨遊。抱明月而長終。知不可乎驟得。託遺響於悲風。蘇子曰。客亦知夫水與月乎。逝者如斯而未嘗往也。盈虛者如代而卒莫消長也。蓋將自其變者而觀之。則天地曾不能以一瞬。自其不變者而觀之。則物與我皆無盡也。而又何羨乎。且夫天地之間。物各有主。苟非吾之所有。雖一毫而莫取。惟江上之清風。與山間之明月。耳得之而爲聲。目遇之而成色。取之無禁。用之不竭。是造物者之無盡藏也。而吾與子之所共食。客喜而笑。洗盞更酌。肴核既盡。杯盤狼籍。相與枕藉乎舟中。不知東方之既白。

宋蘇軾後赤壁賦

是歲十月之望。步自雪堂。將歸於臨皋。二客從予。過黃泥之坂。霜露既降。木葉盡脫。人影在地。仰見明月。顧而樂之。行歌相答。已而歎曰。有客無酒。有酒無肴。月白風清。如此良夜。何客曰。今者薄暮。舉網得魚。巨口細鱗。狀如松江之鱸。顧安所得酒乎。歸而謀諸婦。婦曰。我有斗酒。藏之久矣。以待子不時之需。於是攜酒與魚。復

遊於赤壁之下。江流有聲。斷岸千尺。山高月小。水落石出。曾日月之幾何。而江山不可復識矣。予乃攝衣而上。履巉巖。披蒙茸。踞虎豹。登虬龍。攀栖鶻之危巢。俯馮夷之幽宮。蓋二客不能從焉。劃然長嘯。草木震動。山鳴谷應。風起水涌。予亦悄然。而悲肅然而恐凜乎其不可留也。反而登舟。放乎中流。聽其所止而休焉。時夜將半。四顧寂寥。適有孤鶴橫江東來。翅如車輪。玄裳縞衣。戛然長鳴。掠予舟而西也。須臾客去。予亦就睡。夢一道士。羽衣翩跹。過臨皋之下。揖予而言曰。赤壁之遊樂乎。問其姓名。俛而不答。嗚呼噫嘻。我知之矣。疇昔之夜。飛鳴而過我者。非子也耶。道士顧笑。予亦驚悟。開戶視之。不見其處。

清李慈銘昆明湖望萬壽山賦

并序

柔桃余月。偕同里徐子仲凡。陶子文沖。江陰繆子炎之。游西山。先一日薄暮。經昆明湖。望御苑中萬壽山。瓊麗殊狀。不可殫述。略舉放悲賦以寫之。

翳高梁之經絡。實津通乎玉泉。滙千頃之黛蓄。規一鏡而璇圓。帶以長橋。極望崑

壽柱斜波折岸斷。虹連危闌控月窟。洞納煙金隄。四周隱隱若懸縹。碧見底。荇藻在天游。儵萬隊。香鱗媚淵浮。萍忽開下見樓閣。仰視離宮五雲翠。粵複道丹迴。層城綺錯太華掌。開蓬萊股落危榭空。擊平臺峭拓。亭挾峯飛。館緣岫縮。重檐碧攢。修廊翠絡。松桂插簷。薜蘿縈幕。極麗唐之瓌。觀窮般。倕之巧。作山皆臨水。屋不藏山。湖光下上千髻。萬鬢暈金浮玉。靈氣往還染青溼。嶂散采鋪川淨。練織錦黛螺。點巖紛灑藍而潑絳。亦交花而綺聯。時則皓魄未升。夕粲將迓。朱霞若銜。碧雲欲組。嵌嵒綖於夕陽。卷罟罟於飛雨。陋懸圃與方壺。粲千門兮萬戶。誠欲界之仙都。疑玉眞之靈府。金光合離。紫翠吞吐。彼夫跨倒景於石梁。媚中流於孤嶼。奚足以模範神京。繪絺禁籞。仰聖哲之經營。邁靈臺兮萬古。

(卯)賦意 此漢志所謂感物造端。彥和所謂述行序志者也。凡三日。

(金)寓言 錄四首。

周宋玉風賦

古今文綜

第三十五冊 辭賦類

五十二

中華書局印行

楚襄王遊於蘭臺之宮。宋玉景差侍。有風颯然而至。王迺披襟而當之。曰。快哉此風。寡人所與。庶人共者邪。宋玉對曰。此獨大王之風耳。庶人安得而共之。王曰。大風者。天地之氣。溥暢而至。不擇貴賤。高下而加焉。今子獨以爲寡人之風。豈有說乎。宋玉對曰。臣聞於師。枳句來巢。空穴來風。其所託者。然則風氣殊焉。王曰。夫風始安生哉。宋玉對曰。夫風生於地。起於青蘋之末。侵淫谿谷。盛怒於土囊之口。緣泰山之阿。舞於松柏之下。飄忽泐滂。激颺燁怒。眩眩雷聲。迴穴錯迕。蹶石伐木。稍殺林莽。至其將衰也。被麗披離。衝孔動榭。胸煥粲爛。離散轉移。故其清涼雄風。則飄舉升降。乘凌高城。入於深宮。邸華葉而振氣。徘徊於桂椒之間。翱翔於激水之上。將擊芙蓉之菁。獵蕙草。離秦蘅。槩新夷。被荑楊。迴穴衝陵。蕭條衆芳。然後徜徉中庭。北上玉堂。躋於羅帷。經於洞房。迺得爲大王之風也。故其風中人。狀直慄。悽慄。清涼。增欷。清清。泠泠。愈病。析醒。發明耳目。寧體便人。此所謂大王之雄風也。王曰。善哉。論事。夫庶人之風。豈可聞乎。宋玉對曰。夫庶人之風。塤然起於窮巷之

閒堀堞揚塵勃鬱煩冤衝孔襲門動沙堰吹死灰駭溷濁揚腐餘邪薄入甕牖至於室廬故其風中人狀直激溷鬱邑毆溫致溼中心慘怛生病造熱中脣爲脗得目爲蔑昭齟嗽獲死生不卒此所謂庶人之雌風也

周宋玉高唐賦

并序

昔者楚襄王與宋玉遊於雲夢之臺望高唐之觀其上獨有雲氣崒兮直上忽兮改容須臾之間變化無窮王問玉曰此何氣也玉對曰所謂朝雲者也王曰何謂朝雲玉曰昔者先王嘗遊高唐怠而晝寢夢見一婦人曰妾巫山之女也爲高唐之客聞君遊高唐願薦枕席王因幸之去而辭曰妾在巫山之陽高邱之阻旦爲朝雲暮爲行雨朝朝暮暮陽臺之下旦朝視之如言故爲立廟號曰朝雲王曰朝雲始出狀若何也玉對曰其始出也嚙兮若松樛其少進也晰兮若姣姬揚袂鄣日而望所思忽兮改容偁兮若駕駟馬建羽旗湫兮如風淒兮如雨風止雨霽雲無處所王曰寡人方今可以遊乎玉曰可王曰其何如矣玉曰高矣顯矣臨望遠

矣。廣矣普矣。萬物祖矣。上屬於天。下見於淵。珍怪奇偉。不可稱論。王曰。試爲寡人賦之。玉曰。唯唯。

惟高唐之大體兮。殊無物類之可儀。比巫山赫其無疇兮。道互折而層累。登巉巖而下望兮。臨太抵之稽水。遇天雨之新霽兮。觀百谷之俱集。溥洶洶其無聲兮。潰淡淡而並入。滂洋洋而四施兮。翫湛湛而弗止。長風至而波起兮。若麗山之孤畝。勢薄岸而相擊兮。隘交引而卻會。啐中怒而特高兮。若浮海而望碣石。礫礫礫而相摩兮。嶸震天之礚礚。巨石溺溺之澗澗兮。沫潼潼而高厲。水澹澹而盤紆兮。洪波淫淫之溶溶。奔揚踊而相擊兮。雲興聲之霏霏。猛獸驚而跳駭兮。妄奔走而馳邁。虎豹豺兕。失氣恐喙。雕鶚鷹鷂。飛揚伏竄。股戰脅息。安敢妄摯。於是水蟲盡暴。乘渚之陽。黿鼉鱣鮪。交積縱橫。振鱗奮翼。蜷蜷蜿蜿。中阪遙望。玄木冬榮。煌煌熒熒。奪人目精。爛兮若列星。曾不可殫形。榛林鬱盛。葩葉覆蓋。雙椅垂房。糾枝還會。徒靡澹淡。隨波閭藹。東西施翼。猗狎豐沛。綠葉紫裏。丹莖白蒂。纖條悲鳴。聲似竽。

籟清濁相和。五變四會。感心動耳。迴腸傷氣。孤子寡婦。寒心酸鼻。長吏隳官。賢士
失志。愁思無已。歎息垂淚。登高遠望。使人心瘁。盤岸噴沓。振陳磴磴。磐石險峻。傾
崎。岨。巖。嶇。參。差。從。橫。相。追。陬。互。橫。梧。背。穴。偃。蹠。交。加。累。積。重。疊。增。益。狀。若。砥。柱。
在。巫。山。下。仰。視。山。巔。肅。何。芊。芊。炫。耀。虹。蜺。俯。視。峭。嶭。窅。窅。窈。冥。不。見。其。底。虛。聞。松
聲。傾。岸。洋。洋。立。而。熊。經。久。而。不。去。足。盡。汗。出。悠。悠。忽。忽。怛。悵。自。失。使。人。心。動。無。故
自。恐。賁。育。之。斷。不。能。爲。勇。卒。愕。異。物。不。知。所。出。縱。縱。莘。莘。若。生。於。鬼。若。出。於。神。狀
似。走。獸。或。象。飛。禽。譎。詭。奇。偉。不。可。究。陳。上。至。觀。側。地。蓋。底。平。箕。踵。漫。衍。芳。草。羅。生。
秋。蘭。茝。蕙。江。蘼。載。菁。青。荃。射。干。揭。車。苞。并。薄。草。靡。靡。聯。延。夭。夭。越。香。掩。掩。衆。雀。噉
噉。雌。雄。相。失。哀。鳴。相。號。王。鴟。鸛。黃。正。冥。楚。鳩。姊。歸。思。婦。垂。雞。高。巢。其。鳴。喈。喈。當。年
遨。遊。更。唱。迭。和。赴。曲。隨。流。有。方。之。士。羨。門。高。谿。上。成。鬱。林。公。樂。聚。穀。進。純。犧。禱。璇
室。醮。諸。神。禮。太。一。傳。祝。已。具。言。辭。已。畢。王。乃。乘。玉。輿。駟。倉。螭。垂。旒。旌。旆。合。諧。紉。大
弦。而。雅。聲。流。冽。風。過。而。增。悲。哀。於。是。調。謳。令。人。惻。悵。慄。慄。脅。息。增。欷。於。是。乃。縱。獵

者。基趾如星。傳言羽獵。銜枚無聲。弓弩不發。罟罟不傾。涉漭漭。馳萃萃。飛鳥未及起。走獸未及發。弭節奄忽。蹄足灑血。舉功先得。獲車已實。王將欲往。見必先齋戒。差時擇日。簡輿玄服。建雲旒。蜺爲旌。翠爲蓋。風起雨止。千里而逝。蓋發蒙。往自會思。萬方憂國。害開賢聖。輔不逮九竅。通鬱精神。察滯延年。益壽千萬歲。

周宋玉神女賦

并序

楚襄王與宋玉遊於雲夢之浦。使玉賦高唐之事。其夜王寢。果夢與神女遇。其狀甚麗。王異之。明日以白玉玉曰。其夢若何。王曰。晡夕之後。精神恍惚。若有所喜。紛紛擾擾。未知何意。目色髣髴。乍若有記。見一婦人。狀甚奇異。寐而夢之。寤不自識。罔兮不樂。悵然失志。於是撫心定氣。復見所夢。玉曰。狀如何也。王曰。茂矣美矣。諸好備矣。盛矣麗矣。難測究矣。上古旣無。世所未見。瓌姿瑋態。不可勝贊。其始來也。耀乎若白日。初出照屋梁。其少進也。皎若明月。舒其光。須臾之間。美貌橫生。擘兮如華。溫乎如瑩。五色並馳。不可殫形。詳而視之。奪人目精。其盛飾也。則羅紈綺績。

盛文章。極服妙。采照萬方。振繡衣。被桂裳。禮不短。纖不長。步裔裔兮。曜殿堂。忽兮改容。婉若遊龍。乘雲翔。嬾被服。悅薄裝。沐蘭澤。含若芳。性和適。宜侍旁。順序卑。調心腸。王曰。若此盛矣。試爲寡人賦之。玉曰。唯唯。

夫何神女之姣麗兮。含陰陽之渥飾。被華藻之可好兮。若翡翠之奮翼。其象無雙。其美無極。毛嬙鄠袂不足程。式西施掩面比之無色。近之既妖。遠之有望。骨法多奇。應君之相。視之盈目。孰者克尙。私心獨悅。樂之無量。交希恩疎。不可盡暢。他人莫覩。王覽其狀。其狀峨峨。何可極言。貌豐盈之莊姝兮。苞溫潤之玉顏。眸子炯其精朗兮。瞭多美而可觀。眉聯娟以蛾揚兮。朱唇的其若丹。素質幹之醴實兮。志解泰而體閑。旣婉孌於幽靜兮。又婆娑乎人間。宜高殿以廣意兮。翼放縱而綽寬。動霧縠以徐步兮。拂墀聲之珊珊。望余帷而延視兮。若流波之將瀾。奮長袖以正衽兮。立躑躅而不安。澹清靜其情。嬾兮。性沈詳而不煩。時容與以微動兮。志未可乎。得原意似近而旣遠兮。若將來而復旋。褰余幃而請御兮。願盡心之惓惓。懷貞亮。

之。潔。清。兮。卒。與。我。乎。相。難。陳。嘉。辭。而。云。對。兮。吐。芬。芳。其。若。蘭。精。交。接。以。來。往。兮。心。凱。康。以。樂。觀。神。獨。亨。而。未。結。兮。魂。煢。煢。以。無。端。含。然。諾。其。不。分。兮。喟。揚。音。而。哀。歎。頽。薄。怒。以。自。持。兮。曾。不。可。乎。犯。干。於。是。搖。珮。飾。鳴。玉。鸞。整。衣。服。斂。容。顏。顧。女。師。命。太。傅。歡。情。未。接。將。辭。而。去。遷。延。引。身。不。可。親。附。似。逝。未。行。中。若。相。首。目。略。微。盼。精。彩。相。授。志。態。橫。出。不。可。勝。記。意。離。未。絕。神。心。怖。覆。禮。不。遑。訖。辭。不。及。究。願。假。須。臾。神。女。稱。遽。徊。腸。傷。氣。顛。倒。失。據。闇。然。而。暝。忽。不。知。處。情。獨。私。懷。誰。者。可。語。惆。悵。垂。涕。求。之。至。曙。

魏曹植洛神賦

并序

黃初三年。余朝京師。還濟洛川。古人有言。斯水之神。名曰宓妃。感宋玉對楚王神女之事。遂作斯賦。其辭曰。

余從京域。言歸東藩。背伊闕。越轘轅。經通谷。陵景山。日既西傾。車殆馬煩。爾迺稅駕。乎蘅臯。秣駟乎芝田。容與乎陽林。流眄乎洛川。於是精移神駭。忽焉思散。俯則

未。察。仰。以。殊。觀。覩。一。麗。人。於。巖。之。畔。迺。援。御。者。而。告。之。曰。爾。有。覲。於。彼。者。乎。彼。何。人。斯。若。此。之。豔。也。御。者。對。曰。臣。聞。河。洛。之。神。名。曰。宓。妃。然。則。君。王。所。見。無。迺。是。乎。其。狀。若。何。臣。願。聞。之。余。告。之。曰。其。形。也。翩。若。驚。鴻。婉。若。遊。龍。榮。曜。秋。菊。華。茂。春。松。髣。髴。兮。若。輕。雲。之。蔽。月。飄。飄。兮。若。流。風。之。迴。雪。遠。而。望。之。皎。若。太。陽。升。朝。霞。迫。而。察。之。灼。若。芙。蕖。出。淥。波。穠。纖。得。衷。脩。短。合。度。肩。若。削。成。腰。如。約。素。延。頸。秀。項。皓。質。呈。露。芳。澤。無。加。鉛。華。弗。御。雲。髻。峩。峩。脩。眉。聯。娟。丹。脣。外。朗。皓。齒。內。鮮。明。眸。善。睽。靨。輔。承。權。瓌。姿。豔。逸。儀。靜。體。閒。柔。情。綽。態。媚。於。語。言。奇。服。曠。世。骨。像。應。圖。披。羅。衣。之。璀璨。兮。珥。瑤。碧。之。華。琚。戴。金。翠。之。首。飾。綴。明。珠。以。耀。軀。踐。遠。遊。之。文。履。曳。霧。綃。之。輕。裾。微。幽。蘭。之。芳。藹。兮。步。踟。躕。於。山。隅。於。是。忽。焉。縱。體。以。遨。以。嬉。左。倚。采。旄。右。蔭。桂。旗。攘。皓。腕。於。神。滸。兮。采。湍。瀨。之。玄。芝。余。情。悅。其。淑。美。兮。心。振。蕩。而。不。怡。無。良。媒。以。接。懽。兮。託。微波。而。通。辭。願。誠。素。之。先。達。兮。解。玉。佩。以。要。之。嗟。佳。人。之。信。修。羌。習。禮。而。明。詩。抗。瓊。瑤。以。和。予。兮。指。潛。淵。而。爲。期。執。眷。眷。之。款。實。兮。懼。斯。靈。之。我。欺。感。

交甫之弃言兮。悵猶豫而狐疑。收和顏而靜志兮。申禮防以自持。於是洛靈感焉。徙倚傍徨。神光離合。乍陰乍陽。竦輕軀以鶴立。若將飛而未翔。踐椒塗之郁烈。步蘅薄而流芳。超長吟以永慕兮。聲哀厲而彌長。爾迺衆靈雜遘。命儔嘯侶。或戲清流。或翔神渚。或采明珠。或拾翠羽。從南湘之二妃。攜漢濱之游女。歎匏瓜之無匹兮。詠牽牛之獨處。揚輕桂之猗靡兮。翳脩袖以延佇。體迅飛鳧。飄忽若神。陵波微步。羅襪生塵。動無常則。若危若安。進止難期。若往若還。轉盼流精。光潤玉顏。含辭未吐。氣若幽蘭。華容婀娜。令我忘飡。於是屏翳收風。川后靜波。馮夷鳴鼓。女媧清歌。騰文魚以警乘。鳴玉鸞以偕逝。六龍儼其齊首。載雲車之容裔。鯨鯢踊而夾轂。水禽翔而爲衛。於是越北沚。過南岡。紆素領。迴清揚。動朱脣以徐言。陳交接之大綱。恨人神之道殊兮。怨盛年之莫當。抗羅袂以掩涕兮。淚流襟之浪浪。悼良會之永絕兮。哀一逝而異鄉。無微情以効愛兮。獻江南之明璫。雖潛處於太陰。長寄心於君王。忽不悟其所舍。悵神宵而蔽光。於是背下陵高。足往神留。遺情想像。顧望

懷愁冀靈體之復形。御輕舟而上溯。浮長川而忘反。思絲絲而增慕。夜耿耿而不能寐。霑繁霜而至曙。命僕夫而就駕。吾將歸乎東路。攬駢轡以抗策。悵盤桓而不能去。

(石)情感 錄四首

漢司馬相如長門賦

并序

孝武皇帝陳皇后。時得幸。頗妒。別在長門宮。愁悶悲思。聞蜀郡成都司馬相如。天下工爲文。奉黃金百斤。爲相如文君取酒。因於解悲愁之辭。而相如爲文以悟主上。陳皇后復得親幸。其辭曰。

夫何一佳人兮。步道遙以自虞。魂踰佚而不反兮。形枯槁而獨居。言我朝往而暮來兮。飲食樂而忘人。心嫌移而不省故兮。交得意而相親。伊予志之慢愚兮。懷貞慤之懽心。願賜問而自進兮。得尙君之玉音。奉虛言而望誠兮。期城南之離宮。修薄具而自設兮。君曾不肯乎幸臨。廓獨潛而專精兮。天飄飄而疾風。登蘭臺而遙

望兮神悅悅而外淫。浮雲鬱而四塞兮。天窈窕而晝陰。雷殷殷而響起兮。聲象君之車音。飄風迴而赴闈兮。舉帷幄之檐檐。桂樹交而相紛兮。芳酷烈之闐闐。孔雀集而相存兮。玄猿嘯而長吟。翡翠脅翼而來萃兮。鸞鳳飛而北南。心憑噫而不舒兮。邪氣壯而攻中。下蘭臺而周覽兮。步從容於深宮。正殿塊以造天兮。鬱並起而穹崇。閒徙倚於東廂兮。觀夫靡靡而無窮。擠玉戶以撼金鋪兮。聲噌吰而似鐘音。刻木蘭以爲榱兮。飾文杏以爲梁。羅丰茸之遊樹兮。離樓梧而相撐。施瑰木之櫨欂兮。委參差以榱梁。時髣髴以物類兮。象積石之將將。五色炫以相曜兮。爛耀耀而成光。綴錯石之瓊璧兮。象瑋瑋之文章。張羅綺之幔帷兮。垂楚組之連綱。撫柱楣以從容兮。覽曲臺之央央。白鶴噉以哀號兮。孤雌峙於枯楊。日黃昏而望絕兮。悵獨託於空堂。懸明月以自照兮。徂清夜於洞房。援雅琴以變調兮。奏愁思之不可長。案流徵以卻轉兮。聲幼妙而復揚。貫歷覽其中操兮。意慷慨而自卬。左右悲而垂淚兮。涕流離而從橫。舒息悒而增欷兮。蹠履起而彷徨。揄長袂以自翳兮。數

昔日之讐殃。無面目之可顯兮。遂頽思而就牀。搏芬若以爲枕兮。席荃蘭而茵香。忽寢寐而夢想兮。魄若君之在旁。惕寤覺而無見兮。魂茫茫若有亡。衆雞鳴而愁予兮。起視月之精光。觀衆星之行列兮。畢昴出於東方。望中庭之藹藹兮。若季秋之降霜。夜曼曼其若歲兮。懷鬱鬱其不可再更。澹偃蹇而待曙兮。荒亭亭而復明。妾人竊自悲兮。究年歲而不敢忘。

梁江淹恨賦

試望平原。蔓草縈骨。拱木斂魂。人生到此。天道寧論。於是僕本恨人。心驚不已。直念古者。伏恨而死。至如秦帝按劍。諸侯西馳。削平天下。同文共規。華山爲城。紫淵爲池。雄圖旣溢。武力未畢。方架鼉鼉以爲梁。巡海右以送日。一旦魂斷。宮車晚出。若乃趙王旣虜。遷於房陵。薄暮心動。昧旦神興。別豔姬與美女。喪金輿及玉乘。置酒欲飲。悲來填膺。千秋萬歲。爲怨難勝。至如李君降北。名辱身冤。拔劍擊柱。弔影慙魂。情往上郡。心留鴈門。裂帛繫書。誓還漢恩。朝露溘至。握手何言。若夫明妃去

時仰天太息紫臺稍遠關山無極搖風忽起白日西匿隴鴈少飛岱雲寡色望君
王兮何期終蕪絕兮異域至乃敬通見抵罷歸田里閉關卻掃塞門不仕左對孺
人顧弄稚子脫略公卿跌宕文史齎志沒地長懷無已及夫中散下獄神氣激揚
濁醪夕引素琴晨張秋日蕭索浮雲無光鬱青霞之奇意入修夜之不暘或有孤
臣危涕孽子墜心遷客海上流戍隴陰此人但聞悲風颭起泣下霑襟亦復含酸
茹歎銷落湮沈若迺騎疊跡車同軌黃塵而地歌吹四起無不煙斷火絕閉骨泉
裏已矣哉春草暮兮秋風驚秋風罷兮春草生綺羅畢兮池館盡琴瑟滅兮丘隴
平自古皆有死莫不飲恨而吞聲

梁江淹別賦

黯○然○銷○魂○者○唯○別○而○已○矣○况○秦○吳○兮○絕○國○復○燕○宋○兮○千○里○或○春○苔○兮○始○生○乍○秋○風
兮○斲○起○是○以○行○子○腸○斷○百○感○悽○惻○風○蕭○蕭○而○異○響○雲○漫○漫○而○奇○色○舟○凝○滯○於○水○濱
車○透○遲○於○山○側○權○容○與○而○詎○前○馬○寒○鳴○而○不○息○掩○金○觴○而○誰○御○橫○玉○柱○而○霑○軾○居

人愁臥。恍若有亡。日下壁而沈彩。月上軒而飛光。見紅蘭之受露。望青楸之離霜。巡層楹而空揜。撫錦幕而虛涼。知離夢之躑躅。意別魂之飛揚。故別雖一緒。事乃萬族。至若龍馬銀鞍。朱軒繡軸。帳飲東都。送客金谷。琴羽張兮。簫鼓陳。燕趙歌兮。傷美人。珠與玉兮。豔暮秋。羅與綺兮。嬌上春。驚駟馬之仰秣。聳淵魚之赤鱗。造分手而銜涕。感寂寞而傷神。乃有劍客慙恩。少年報士。韓國趙廁。吳宮燕市。割慈忍愛。離邦去里。瀝泣共訣。投血相視。驅征馬而不顧。見行塵之時起。方銜感於一劍。非買價於泉裏。金石震而色變。骨肉悲而心死。或乃邊郡未和。負羽從軍。遼水無極。鴈山參雲。閨中風暖。陌上草薰。日出天而耀景。露下地而騰文。鏡朱塵之照爛。襲青氣之烟煨。攀桃李兮。不忍別。送愛子兮。霑羅裙。至如一赴絕國。詎相見期。視喬木兮故里。決北梁兮永辭。左右兮魂動。親賓兮淚滋。可班荆兮贈恨。唯罇酒兮敘悲。值秋鴈兮飛日。當白露兮下時。怨復怨兮遠山。曲去復去兮長河。湄又若君居淄右。妾家河陽。同瓊珮之晨照。共金爐之夕香。君結綬兮千里。惜瑤草之徒芳。

慙幽閨之琴瑟。晦高臺之流黃。春宮闕此青苔。色秋帳含茲明月。光夏簟清兮。晝不暮。冬缸凝兮。夜何長。織錦曲兮。泣已盡。迴文詩兮。影獨傷。儻有華陰上士。服食還山。術既妙而猶學。道已寂而未傳。守丹竈而不顧。鍊金鼎而方堅。駕鶴上漢。驂鸞騰天。覽遊萬里。少別千年。惟世間兮。重別謝主人兮。依然下有芍藥之詩。佳人之譔。桑中衛女。上宮陳娥。春草碧色。春水綠波。送君南浦。傷如之何。至乃秋露如珠。秋月如珪。明月白露。光陰往來。與子之別。思心徘徊。是以別方不定。別理千名。有別必怨。有怨必盈。使人意奪神駭。心折骨驚。雖淵雲之墨妙。嚴樂之筆精。金閨之諸彥。蘭臺之羣英。賦有凌雲之稱。辯有雕龍之聲。誰能摹暫離之狀。寫永訣之情者乎。

宋歐陽修秋聲賦

歐陽子方夜讀書。聞有聲自西南來者。悚然而聽之。曰。異哉。初淅瀝以蕭颯。忽奔騰而砰湃。如波濤夜驚。風雨驟至。其觸於物也。鏗鏘錚錚。金鐵皆鳴。又如赴敵之

兵銜枚疾走不聞號令但聞人馬之行聲予謂童子此何聲也汝出視之童子曰
星月皎潔明河在天四無人聲聲在樹間予曰噫嘻悲哉此秋聲也胡爲乎來哉
蓋夫秋之爲狀也其色慘淡煙霏雲斂其容清明天高日晶其氣慄冽砭人肌骨
其意蕭條山川寂寥故其爲聲也淒淒切切呼號憤發豐草綠縟而爭茂佳木蔥
蘢而可悅草拂之而色變木遭之而葉脫其所以摧敗零落者乃一氣之餘烈夫
秋刑官也於時爲陰又兵象也於行爲金是謂天地之義氣常以肅殺而爲心天
之於物春生秋實故其在樂也商聲主西方之音夷則爲七月之律商傷也物既
老而悲傷夷戮也物過盛而當殺嗟乎草木無情有時飄零人爲動物惟物之靈
百憂感其心萬事勞其形有動於中必搖其精而況思其力之所不及憂其智之
所不能宜其渥然丹者爲槁木黦然黑者爲星星奈何非金石之質欲與草木而
爭榮念誰爲之戕賊亦何恨乎秋聲童子莫對垂頭而睡但聞四壁蟲聲唧唧如
助予之歎息

(絲)哀弔

錄五首

晉向秀思舊賦

并序

余少與嵇康呂安居止接近。其人並有不羈之才。然嵇志遠而疎。呂心曠而放。其後各以事見法。嵇博綜技藝。於絲竹特妙。臨當就命。顧視日影。索琴而彈之。余逝將西邁。經其舊廬。於時日薄虞淵。寒冰淒然。鄰人有吹笛者。發聲寥亮。追思曩昔遊宴之好。感音而歎。故作賦云。

將命適於遠京兮。遂旋反而北徂。濟黃河以汎舟兮。經山陽之舊居。瞻曠野之蕭條兮。息余駕乎城隅。踐二子之遺跡兮。歷窮巷之空廬。歎黍離之愍周兮。悲麥秀於殷墟。惟古音以懷今兮。心徘徊以躊躇。棟宇存而弗毀兮。形神逝其焉如。昔李斯之受罪兮。歎黃犬而長吟。悼嵇生之永辭兮。顧日影而彈琴。託運遇於領會兮。寄餘命於寸陰。聽鳴笛之慷慨兮。妙聲絕而復尋。停駕言其將邁兮。遂援翰而寫心。

晉潘岳悼亡賦

伊良嬪之初降。幾二紀以迄茲。遭兩門之不造。備荼毒而嘗之。嬰生艱之至極。又薄命而早終。含芬華之芳烈。翩零落而從風。神飄忽而不反。形安得而久安。襲時服於遺質。表鉛華於餘顏。問筮賓之何期。霄過分而參闌。詎幾時而見之。目眷戀以相屬。聽轍人之唱。籌來聲叫以連續。聞冬夜之恆長。何此夕之一促。且伉儷之好合。垂明哲乎嘉禮。苟此義之不謬。乃全身之半體。吾聞喪禮之在妻。謂制重而哀輕。既履冰而知寒。吾今信其緣情。夕既昏兮朝既清。延爾族兮臨後庭。入空室兮望靈坐。帷飄飄兮燈熒熒。燈熒熒兮如故帷。飄飄兮若存物。未改兮人已化。饋生塵兮酒停樽。春風兮泮冰。初陽兮戒溫。逝道遙兮浸遠。嗟熒熒兮孤魂。

宋鮑照蕪城賦

瀾池平原。南馳蒼梧漲海。北走紫塞鴈門。施以漕渠。軸以峴岡。重江複關之隩。四會五達之莊。當昔全盛之時。車挂轆人。駕肩塵閉。撲地歌吹。沸天。孳貨鹽田。鏟利。

銅山才力雄。富士馬精妍。故能參秦法。佚周令。劃崇墉。剗濬洫。圖修世。以休命。是
以版築雉堞之殷。井幹烽櫓之勤。格高五嶽。袤廣三墳。岵若斷岸。蠹似長雲。製磁
石以禦衝。糊賴壤以飛文。觀基局之固護。將萬祀而一君。出入三代。五百餘載。竟
瓜剖而豆分。澤葵依井。荒葛冒塗。壇羅虺蜺。階鬪麇鼯。木魅山鬼。野鼠城狐。風嘯
雨嘯。昏見晨趨。飢鷹厲吻。寒鷗嚇雛。伏虺藏虎。乳血飡膚。崩榛塞路。崢嶸古堧。白
楊早落。塞草前衰。稜稜霜氣。蔌蔌風威。孤蓬自振。驚砂坐飛。灌莽杳而無際。叢薄
紛其相依。通池既已夷。峻隅又已頽。直視千里外。唯見起黃埃。凝思寂聽。心傷已
摧。若夫藻扃黼帳。歌堂舞閣之基。璇淵碧樹。弋林釣渚之館。吳蔡齊秦之聲。魚龍
爵馬之玩。皆薰歇燼。滅光沉響。絕東都妙姬。南國麗人。蕙心紈質。玉貌絳脣。莫不
埋魂幽石。委骨窮塵。豈憶同輿之愉樂。離宮之苦辛哉。天道如何。吞恨者多。抽琴
命操。爲燕城之歌。歌曰。邊風急兮。城上寒。井逕滅兮。邱隴殘。千齡兮萬代。共盡兮
何言。

北周庾信哀江南賦

井序

粵以戊辰之年。建亥之月。大盜移國。金陵瓦解。余乃竄身荒谷。公私塗炭。華陽奔命。有去無歸。中興道銷。窮於甲戌。三日哭於都亭。三年囚於別館。天道周星。物極不反。傳燮之但。悲身世無處求生。袁安之每念王室。自然流涕。昔桓君山之志士。杜元凱之平生。並有著書。咸能自序。潘岳之文。采始述家風。陸機之詞。賦先陳世德。信年始二毛。卽逢喪亂。貌是流離。至於暮齒。燕歌遠別。悲不自勝。楚老相逢。泣將何及。畏南山之雨。忽踐秦庭。讓東海之濱。遂淪周粟。下亭漂泊。高橋羈旅。楚歌非取樂之方。魯酒無忘憂之用。追爲此賦。聊以記言。不無危苦之詞。唯以悲哀爲主。日暮途遠。人間何世。將軍一去。大樹飄零。壯士不還。寒風蕭瑟。荆壁睨柱。受連城而見欺。載書橫階。捧珠盤而不定。鍾儀君子。入就南冠之囚。季孫行人。留守西河之館。申包胥之頓地。碎之以首。蔡威公之淚盡。加之以血。鈞臺移柳。非玉關之可望。華亭鶴唳。豈河橋之可聞。孫策以天下爲三分。衆纔一旅。項籍用江東之子。

弟人唯八千。遂乃分裂山河。宰割天下。豈有百萬義師。一朝卷甲。芟夷斬伐。如草木焉。江淮無涯岸之阻。亭壁無藩籬之固。頭會箕歛者。合從締交。鋤耨棘矜者。固利乘便。將非江表王氣。終於三百年乎。是知併吞六合。不免軼道之災。混一車書。無救平陽之禍。嗚呼。山嶽崩頽。既履危亡之運。春秋迭代。必有去故之悲。天意人事。可以悽愴傷心者矣。況復舟楫路窮。星漢非乘槎可上。風飈道阻。蓬萊無可到之期。窮者欲達其言。勞者須歌其事。陸士衡聞而撫掌。是所甘心。張平子見而陋之。固其宜矣。

我之掌庾承周。以世功而爲族。經邦佐漢。用論道而當官。稟嵩華之玉石。潤河洛之波瀾。居負洛而重世。邑臨河而晏安。逮永嘉之艱虞。始中原之乏主。民枕倚於牆壁。路交橫於豺虎。值五馬之南奔。逢三星之東聚。彼凌江而建國。始播遷於吾祖。分南陽而賜田。裂東嶽而胙土。誅茅宋玉之宅。穿徑臨江之府。水木交運。山川崩塌。家有直道。人多全節。訓子見於純深。事君彰於義烈。新野有生祠之廟。河南

有胡書之碣。況乃少微真人。天山逸民。階庭空谷。門巷蒲輪。移談講樹。就簡書筠。降生世德。載誕貞臣。文詞高於甲觀。楷模盛於漳濱。嗟有道而無鳳。歎非時而有麟。既姦回之曩逆。終不悅於仁人。王子濱洛之歲。蘭成射策之年。始含香於建禮。仍矯翼於崇賢。遊洵雷之講肆。齒明離之胄筵。既傾蠡而酌海。遂測管以窺天。方塘水白。釣渚池圓。侍戎韜於武帳。聽雅典於文絃。乃解懸而通籍。遂崇文而會武。居笠轂而掌兵。出蘭池而典午。論兵於江漢之君。拭玉於西河之主。於時朝野歡娛。池臺鐘鼓。里爲冠蓋。門成鄒魯。連茂苑於海陵。跨橫塘於江浦。東門則鞭石成橋。南極則鑄銅爲柱。橘則園植萬株。竹則家封千戶。西賚浮玉。南琛沒羽。吳歛越吟。荆豔楚舞。草木之遇陽春。魚龍之逢風雨。五十年中。江表無事。王歛爲和親之侯。班超爲定遠之使。馬武無預於甲兵。馮唐不論於將帥。豈知山嶽闐然。江湖潛沸。漁陽有閭左戍卒。離石有將兵都尉。天子方刪詩書。定禮樂。設重雲之講。開士林之學。談劫燼之灰飛。辨常星之夜落。地平魚齒。城危獸角。臥刁斗於滎陽。絆龍

媒於平樂。宰衡以干戈爲兒戲。縉紳以清談爲廟略。乘清水以膠船。馭奔駒以朽索。小人則將及水火。君子則方成猿鶴。弊筭不能救鹽池之鹹。阿膠不能止黃河之濁。既而魴魚頰尾。四郊多壘。殿狎江鷗。宮鳴野雉。湛盧去國。鯨鯢失水。見被髮於伊川。知百年而爲戎矣。彼姦逆之熾盛。久遊魂而放命。大則有鯨有鯢。小則爲梟爲獍。負其牛羊之力。凶其水草之性。非玉燭之能調。豈璿璣之可正。值天下之無爲。尙有欲於羈縻。飲其琉璃之酒。賞其虎豹之皮。見胡桐於大夏。識鳥卵於條枝。豺牙密厲。虺毒潛吹。輕九鼎而欲問。聞三川而遂窺。始則王子召戎。姦臣介冑。既官政而離邊。遂師言而泄漏。望廷尉之逋囚。反淮南之窮寇。飛狄泉之蒼鳥。起橫江之困獸。地則石鼓鳴山。天則金精動宿。北闕龍吟。東陵鱗鬪。爾乃桀黠橫扇。憑陵畿甸。擁狼望於黃圖。填廬山於赤縣。青袍如草。白馬如練。天子履端。廢朝。單于長圍。高宴。兩觀當戟。千門受箭。白虹貫日。蒼鷹擊殿。竟遭夏臺之禍。終視堯城之變。官守無奔。問之人干戚。非平戎之戰。陶侃空爭米船。顧榮虛搖羽扇。將軍死

綏路絕長圍。烽隨星落。書逐鳶飛。遂乃韓分趙裂。鼓臥旗折。失羣班馬。迷輪亂轍。猛士嬰城。謀臣卷舌。昆陽之戰。象走林常。山之陣地。奔穴五郡。則兄弟相悲。三州則父子離別。護軍慷慨。忠能死節。三世爲將。終於此滅。濟陽忠壯。身參末將。兄弟三人。義聲俱唱。主辱臣死。名存身喪。敵人歸元。三軍悽愴。尙書多算。守備是長。雲梯可拒。地道能防。有齊將之閉壁。無燕師之臥牆。大事去矣。人之云亡。申子奮發。勇氣咆勃。實總元戎。身先士卒。胄落魚門。兵填馬窟。屢犯通中。頻遭刮骨。功業天枉。身名埋沒。或以隼翼鸚披。虎威狐假。沾漬鋒鏑。脂膏原野。兵弱虜強。城孤氣寡。聞鶴唳而心驚。聽胡笳而淚下。拒神亭而亡戟。臨橫江而棄馬。崩於鉅鹿之沙。碎於長平之瓦。於是桂林顛覆。長洲麋鹿。潰潰沸騰。茫茫塹隳。天地離阻。人神慘酷。晉鄭靡依。魯衛不睦。競動天關。爭迴地軸。探雀穀而未飽。待熊蹯而詎熟。乃有車側郭門。筋懸廟屋。鬼同曹社之謀。人有秦庭之哭。爾乃假刻璽於關塞。稱使者之酬對。逢鄂坂之譏嫌。值郾門之征稅。乘白馬而不前。策青驪而轉礙。吹落葉之扁

舟。飄。長。風。於。上。游。彼。鋸。牙。而。鈎。爪。又。循。江。而。習。流。排。青。龍。之。戰。艦。鬪。飛。燕。之。船。樓。
張。遼。臨。於。赤。壁。王。濬。下。於。巴。邱。乍。風。驚。而。射。火。或。箭。重。而。沉。舟。未。辨。聲。於。黃。蓋。已。
先。沉。於。杜。侯。落。帆。黃。鶴。之。浦。藏。船。鸚。鵡。之。洲。路。已。分。於。湘。漢。星。猶。看。於。斗。牛。若。乃。
陰。陵。失。路。釣。臺。斜。趣。望。赤。壁。而。沾。衣。蟻。烏。江。而。不。渡。雷。池。柵。浦。鵠。陵。焚。戍。旅。舍。無。
煙。巢。禽。無。樹。謂。荆。衡。之。杞。梓。庶。江。漢。之。可。恃。淮。海。維。揚。三。千。餘。里。過。漂。渚。而。寄。食。
託。蘆。中。而。渡。水。屈。於。七。澤。濱。於。十。死。嗟。天。保。之。未。定。見。殷。憂。之。方。始。本。不。達。於。危。
行。又。無。情。於。祿。仕。謬。掌。衛。於。中。軍。濫。尸。丞。於。御。史。信。生。世。等。於。龍。門。辭。親。同。於。河。
洛。奉。立。身。之。遺。訓。受。成。書。之。顧。託。昔。三。世。而。無。慚。今。七。葉。而。始。落。泣。風。雨。於。梁。山。
惟。枯。魚。之。銜。索。入。欵。斜。之。小。徑。掩。蓬。蓽。之。荒。扉。就。汀。洲。之。杜。若。待。蘆。葦。之。單。衣。於。
時。西。楚。霸。王。劍。及。繁。陽。麾。兵。金。匱。校。戰。玉。堂。蒼。鷹。赤。雀。鐵。舳。牙。檣。沉。白。馬。而。誓。衆。
負。黃。龍。而。渡。江。海。潮。迎。艦。江。萍。送。王。戎。車。屯。於。石。城。戈。船。掩。於。淮。泗。諸。侯。則。鄭。伯。
前。驅。盟。主。則。荀。營。暮。至。剖。巢。燻。穴。奔。魑。走。魅。埋。長。狄。於。駒。門。斬。蚩。尤。於。中。冀。燃。腹。

爲燈飲頭爲器直虹貫壘長星屬地昔之虎據龍盤加以黃旗紫氣莫不隨狐兔而窟穴與風塵而殄悴西瞻博望北臨玄圃月榭風臺池平樹古倚弓於玉女窗扉繫馬於鳳皇樓柱仁壽之鏡徒懸茂陵之書空聚若夫立德立言謨明寅亮聲超於繫表道高於河上既不遇於浮邱遂無言於師曠以愛子而託人知西陵而誰望非無北闕之兵猶有雲臺之仗司徒之表裏經綸狐偃之惟王實勤橫琫戈而對霸主執金鼓而問賊臣平吳之功壯於杜元凱王室是賴深於溫太真始則地名全節終則山稱枉人南陽校書去之已遠上蔡逐獵知之何晚鎮北之負譽矜前風颯凜然水神遭箭山靈見鞭是以蟄熊傷馬浮蛟沒船才子併命俱非百年中宗之夷凶靖亂大雪冤恥去代邸而承基遷唐郊而纂祀反舊章於司隸歸餘風於正始沉猜則方逞其欲藏疾則自矜於己天下之事沒焉諸侯之心搖矣既而齊交北絕秦患西起況背關而懷楚異端委而開吳驅綠林之散卒拒驪山之叛徒營軍梁澆蒐乘巴渝問諸淫昏之鬼求諸厭劾之巫荆門遭廩延之戮夏

口濫遼泉之誅。蔑因親以教愛。忍和樂於彎弧。慨無謀於肉食。非所望於論都。未深思於五難。先自擅於二端。登陽城而避險。臥砥柱而求安。既言多於忌刻。實志勇而刑殘。但坐觀於時變。本無情於急難。地惟黑子。城猶彈丸。其怨則黷。其盟則寒。豈冤禽之能塞海。非愚叟之可移山。況以沴氣朝浮。妖精夜殞。赤烏則三朝夾日。蒼雲則七重圍軫。亡吳之歲。既窮入郢之年。斯盡周舍。鄭怒楚結。秦冤有南風之不競。值西隣之責言。俄而梯衝亂舞。冀馬雲屯。賤秦車於暢轂。沓漢鼓於雷門。下陳倉而連弩。渡臨晉而橫船。雖復楚有七澤。人稱三戶。箭不麗於六壘。雷無驚於九虎。辭洞庭兮落木。去潁陽極極。浦熾火兮焚旗。貞風兮害蠱。乃使玉軸揚灰。龍文折柱。下江餘城。長林故營。徒思措馬之秣。未見燒牛之兵。章曼支以轂走宮之奇。以族行。河無冰而馬渡。關未曉而雞鳴。忠臣解骨。君子吞聲。章華望祭之所。雲夢僞遊之地。荒谷縊於莫敖。冶父囚於羣帥。劓穿摺拉。鷹鷂批攢。冤霜夏零。憤泉秋沸。城崩杞婦之哭。竹染湘妃之淚。水毒秦涇。山高趙陘。十里五里。長亭短亭。

饑隨蟄鷺暗逐流螢。秦中水黑關上泥青。於時瓦解冰泮風飛電散。渾然千里溜
澗一亂雪暗如沙。冰橫似岸逢赴洛之陸機。見離家之王粲。莫不聞隴水而掩泣。
向關山而長歎。況復君在交河。妾在青波。石望夫而逾遠。山望子而逾多。才人之
憶代郡公主之去清河。栩陽亭有離別之賦。臨江王有愁思之歌。別有飄飄武威
羈旅金微。班超生而望返。溫序死而思歸。李陵之雙鳧永去。蘇武之一雁空飛。若
江陵之中否。乃金陵之禍始。雖借人之外力。實蕭牆之內起。撥亂之主忽焉中興。
之宗不祀。伯兮叔兮。同見戮於猶子。荆山鵲飛而玉碎。隋岸蛇生而珠死。鬼火亂
於平林。殤魂遊於新市。梁故豐徙。楚實秦亡。不有所廢。其何以昌。有媯之後。將育
於姜。輸我神器。居爲讓王。天地之大德曰生。聖人之大寶曰位。用無賴之子弟。舉
江東而全棄。惜天下之一家。遭東南之反氣。以鶉首而賜秦。天何爲而此醉。且夫
天道迴旋。生民預焉。余烈祖於西晉。始流播於東川。泊余身而七葉。又遭時而北
遷。提挈老幼。關河累年。死生契闊。不可問天。况復零落。將盡靈光。歸然日窮於紀。

歲將復始。逼切危慮。端憂暮齒。踐長樂之神皋。望宣平之貴里。渭水貫於天門。驪山迴於地市。幕府大將軍之愛客。丞相平津侯之待士。見鐘鼎於金張。聞絃歌於許史。豈知灞陵夜獵。猶是故時將軍。咸陽布衣。非獨思歸王子。

清譚獻臨安懷古賦

江上秋風。裴回故宮。芳草衰兮。莫雲合。流光逝矣。歌舞終。出武林而迢遞。擊天目之窳寵。故國故都。馮弔無窮。夾城煙高地平。殿闕重湖。月黑骨冷。英雄青山。千古濁酒一中。遺老盡矣。信史在聞。見絕而精誠通。粵自宋政不綱。返京蕪蕪。天潢佻儻。遺臣翼戴。卽真無靈武之詔。從亡。尠夏靡之輩。李綱勤矣。自江徂淮。王淵請矣。不進則退。杭州既改爲臨安。天子所居。曰行在國容。遂多誓師。不再指襄樊。以爲藩。撫常揚而面內。使介交馳。哀祈無悔。梁元帝江陵軍府。大有圖書。王丞相建鄴經營。能安闐闐。至今百里之雲山。猶似千官之劍佩。於是朝野休息。鐘鼓喧闐。冠蓋既集。臺殿相連。行宮廊艸。創之制。太學安絃誦之賢。選德延和。規模大啟。嘉明

崇政制度相沿。班固上靈臺之頌。駱丞有帝京之篇。德壽移宮之日。隆興內禪之年。瑤臺瓊闥。以宛轉龍車。鳳輦以回旋。虜長春之碧艸。汎太乙之紅蓮。雲窗霧閣。望若神仙。嘑萬歲三風來。肅然國家斯爲奠矣。典禮於是崇焉。若乃圓壇泰禋之儀。青城齋宮之設。修築則絞縛可成。陪祀則質明在列。垂拱輦輅。大慶精結。壇墻依然。玉幣無缺。明堂合祭。大饗品節。吁載主而告遷。行歛謁而鳴咽。奉安原廟之春秋。遙拜胡天之風雪。東京夢華之已非。南渡薦馨而不絕。笑漢高之馬上。庶叔孫之繇。蕪百年歲幣。兩國尋盟。誰爲國僑之事。大不聞向戌之弭兵。王倫孫近之可斬。朱弁洪皓之無成。蒼鵝飛而河洛灰。燼銅狄摩而吳越榛。荆肇亏國書之稱。姪極亏降表之僉名。牛女二星不成。紫極麟洲小水如此。蒼生孝光則小朝。宴息昷昷則孺子震驚。傷時者捩腕懷古者吞聲。君王復讐之志。將相匡時之略。秦岳之釁。旣成。韓趙之情。又惡。艸荒玉津之園。煙閣格天之閣。儻使馬欲浮江。燕非戀幕。綱鼎位安。韓劉功廓。免符離之覆。退同采石之踴。躍不樂金牛之游。遂踐黃龍。

之約百官冠。烏同發錢。唐九廟神靈。重安河洛采芑之紀。中興麥秀之歌。不作來巢兮鳳皇。將飛兮未翔。春復秋兮華艸香。奉宸游兮君王。森乎排衙之石。拓乎校軍之場。歌臺舞榭。歲歲僂觴。琳宮梵宇。降福穰穰。大將高門。風雲開閣。小侯上第。玉照名堂。鞠部奏新翻之曲。霞帔試時世之妝。圖畫流傳。荷華桂子。朝堂題署。閭馬丁當。指撞斃之家。居織兒不少。作下殿之天子。富貴何常。蘆灰沈沈。息壤千古。夏后四載。禹杭啟宇。文身而披艸萊。築唐而捍斥鹵。文物於漢代。冠冕於南土。三光景耀之奇。五代文章之府。六井平海水之波。十道分會稽之部。八都輝於石鏡。三節歌於繡黼。東南一隅。豈非興亡之林。而欣慨之所。覩縷近則鏡湖環其西。胥山峙其裏。東有海壘之浩淼。南登秦望而迤邐。城形腰鼓。樓櫓四起。崑崙峩峩。去天尺只。循天安而左轉。曠馳道之如砥。天門跌蕩。以鳳騫。大內眩突。而鶴峙。太廟焄蒿於霜露。中書奔走夫冠履。阿監銜憲於禁闈。百官詔糈於臺寺。羌隱隱以闐闐。接萬家而未已。俄荒三輔之黃圖。皇問六橋之流水。矧戚里與侯家。祇華堂之

荆杞遠則前控平江。九重曾駐。後臨越國。六師造舟。度河絕中原之望。浮海非神仙之游。危乎温台之避。慘乎厓山之秋。背嵬軍來。餅山无恙。水雲歸去。琴軫空留。出狩未回。夫劍閣。行人誤識。夫汲州。釣魚之城。徒築襄陽之兵。不收淮東。愧大峴之捷。空阮等。沓中之謀。偏安事去。讖應庚頭。春鷲。吳山曲。秋鴈飛。江水淥。黃旗紫蓋之已非。高臺曲池之誰屬。月縣仁壽之鏡。雲棧昭華之玉。惟世世之與閱。遂古古之相續。蘭成不作。江南之哀。誰賦茂陵。何如女貞之樹。猶綠。

(二)律賦 始於沈約四聲八病之拘。中於徐庾隔句作對之陋。終於隋唐宋取士限韻之制。此律賦之所由名也。雕蟲小技。壯夫不爲。姑錄二首。以備一格。

唐黃滔送君南浦賦

以越空縣目傷妾是君爲韻

南浦風煙傷心渺然。春山歷歷。春草緜緜。那堪送行。客啟離筵。一時之萍梗。波濤今朝惜別。千里之秦吳。燕宋何日。言旋當其繫馬出船。候潮待月。低徊而少婦對

景。愴。恨。而。王。孫。望。闕。莫。不。撚。嶰。竹。以。淒。楚。撥。湘。絃。而。激。越。且。當。蘋。澗。把。芳。酒。以。留。
權。莫。被。薰。風。吹。片。帆。而。便。發。君。不。見。陌。上。塵。中。奔。西。走。東。車。輪。似。水。馬。足。如。蓬。夜。
泊。而。猿。啼。霜。樹。晨。征。而。月。在。煙。空。爭。得。枝。間。比。翼。更。同。於。越。鳥。只。應。波。上。離。羣。便。
逐。於。燕。鴻。莫。不。太。苦。行。人。偏。傷。別。妾。龍。媒。而。嘶。出。金。埴。鸞。扇。而。持。歸。玉。篋。於。時。莫。
展。歌。嘯。全。沈。笑。壓。郊。天。路。口。愁。攀。夾。渡。之。柳。條。採。蕨。山。前。忍。看。解。維。之。桂。楫。是。知。
無。人。免。別。有。別。皆。傷。使。人。落。顏。貌。枯。肺。腸。淚。成。雨。鬢。侵。霜。朝。悲。五。嶺。暮。怨。三。湘。夢。
去。不。到。書。來。豈。常。況。一。川。之。煙。景。茫。茫。橫。衝。楚。徼。兩。岸。之。風。濤。渺。渺。直。截。炎。荒。無。
不。銷。魂。如。何。舉。目。齎。行。而。寶。劍。三。尺。留。下。而。明。珠。十。斛。林。駢。樛。木。推。誠。而。敢。望。合。
權。洲。躍。嘉。魚。取。信。而。當。期。剖。腹。及。夫。樂。闋。人。散。龜。飛。日。曛。遺。鞭。卻。取。解。珮。還。分。玉。
窻。之。歸。步。愁。舉。蘭。棹。之。移。聲。忍。聞。須。知。赤。帝。之。江。頭。兩。心。似。火。莫。自。蒼。梧。之。岸。曲。
一。去。如。雲。雖。佇。錦。衾。而。贈。我。終。攜。錦。字。以。疇。君。已。而。誰。不。別。離。別。離。如。此。誰。不。相。
送。相。送。於。是。則。東。門。與。北。梁。不。足。云。爾。

宋范仲淹金在鎔賦

以金在良冶求鑄成器爲韻

天生至寶。時貴良金。在鎔之姿。可觀。從革之用。將臨。熠耀騰精。乍躍。洪鑪之內。縱橫。成器當隨。哲匠之心。觀其大冶。旣陳。滿籛斯在。俄融融而委質。或曄曄而揚彩。英華旣發。雙南之價。彌高。鼓鑄未停。百鍊之功。可待。況六府會昌。我稟其剛。九牧納貢。我稱其良。因烈火而變化。逐懿範而圓方。如令區別。妍媸願爲軒鑑。儻使削平禍亂。請就干將。國之寶也。有如此者。欲致用於君子。故假手於良冶。時將禁害。夏王之鼎。可成。君或好賢。越相之容。必寫。是知金非工而弗用。工非金而曷求。觀此鎔金之義。得乎爲政之謀。君諭治焉。自得化人之旨。民爲金也。克明從上之由。彼以披沙見尋。藏山是務。一則求之而未顯。一則棄之而弗顧。曷若動而愈出。旣踊躍以求。伸用之則行。必周流而可鑄。美夫五行之粹。三品之英。昔麗水而隱晦。今躍冶而光亨。流形而不縮。不盈出乎其類。尙象而無小。無大動則有成。士有鍛鍊誠明。範圍仁義。俟明君之大用。感良金而自試。居聖人天地之鑪。亦庶幾於國。

器。

辭賦賦

古今文綜第三十五册終